

84(2Рос=коми)  
Н 65



**Николай  
Никулин**

**ИЗЬВА  
МУӦ  
КЫСКӦ  
ЛОВ**

**ЭСКОМ** издательство



Н65  
Николай Никулин

408633

Муниципальная библиотека  
им. Я. Маршала  
г. Сыктывкара, ГСП-1, ул. Советская, 29

# ИЗЪВА МУО КЫСКО ЛОВ

ББК 84 (2Рос. Ком)  
Н 65

**Никулин Н. Е.**

**Н - 65** Изъва муо кыскö лов. — Сыктывкар: Издательство «Эском», 2008. — 224 с.

Впервые в одной книге читателю представлены прозаические и поэтические произведения Николая Егоровича Никулина, написанные им на коми и русском языках. Однажды судьба забросила Николая Егоровича в далекий Ижемский район и он прикипел к этим местам всей душой. С какой любовью он пишет о тундре, о людях, которые не представляют своей жизни без оленей, этих бесконечных просторов, искристого снега и тяжелой, порой опасной работы. Только прочитав произведения Н. Е. Никулина понимаешь: автор был бесконечно влюблен в Ижемский край, здешних смелых и добрых людей.

ISBN 978-5-7934-0227-9

© Никулин Н. Е., 2008



Николай Егорович Никулин родился 29 апреля 1932 года в селе Вотча Сысольского района Коми автономной области. В 1946 году после окончания средней школы поступил учиться в Сыктывкарский медицинский техникум. С 1949 года работал в сельских медпунктах, ездил по тундре, лечил больных. В 1952—54 гг. служил в рядах Советской Армии. После демобилизации некоторое время был инструктором райкома ВЛКСМ, фельдшером в санатории деревни Диур.

В основном писал рассказы для детей. О жизни молодых рассказывает его повесть «Яндо» (1981).

Н. Е. Никулин умер в 1993 году.

## Лөз войвыв нимöдысь изьватас

Школаын уджалігөн на меным окота вöлі чукöртны öти «вевт» улö мян сиктса гижысь Николай Егорович Никулинлысь висътъяссö, кодъяссö йöздлісны районса да республикаса газет-журналъяс. Но пыр тай мыйкö падмöдліс, а юрысь тайö мөвпыс некор эз вошлы, кöть дас во нин ог уджав школаын. И со медбöрын аддзысисны йöз, кодъяс кöсйысисны отсавны лэдзны небöгсö. Дерт, ёна эски, мый петас коркö Н. Е. Никулинлөн аслас торъя книга, кытчö лоö пыртöма сылысь и коми, и роч гижöдъяс.

Н. Е. Никулин чужлöма 1932 вося апрель 29 лунö Сыктыв районса Волся сиктын колхозникъяслөн семьяын. Бöрынджык батыс уджалöма вöрын, вöлöма вөр участокъясын десятникöн да мастерөн. И кытчö ыстывлöмаöсь батысö, сэтчö тшöтш мунлöмаöсь и мама-пия.

1939 воö Н. Е. Никулин пырö велöдчыны Волся школаса первой классö. Сизим класс помалö 1946 воын. Аслас автобиографияын гижысь казътылö: «Кызд вермыны куті, ар öкмыс-дасянь гожöмнас пыр ветлі колхозлы юр кыскавны, куртны и весиг ытшкыны гөрбуш косаөн. Ёна ми, война кадся челядь, отсасим колхозлы войналөн сьöкыд воясö, кор сиктса колхозъясын эз лоны пöрнöй мужикъяс, сы вöсна мый ставнысö босьтісны фашистьяскöд тыш вылö. 1946 воын пыри велöдчыны Сыктывкарса фельдшерско-акушерскöй школаö. Окота вöлі лоны сэтшöм удж вылын, көні позис эськö вöчны йöзлы унджык бур, лоны колана мортөн. Велöдчим карын тшыг нисьö пötöсь и зев омöля олім, но велöдчим öткоддьöмъяс сьölöмсянь».

1949 воын, фельдшерлысь диплом босьтöм бöрын, олöм-ордымыс изьватасьяс дорö вайöдöма. И буретш сэсянь сылы мусмöмаöсь визув Изьва да дзор Печора бердса олысь йöзыс. Став сьölöмнас да вежөрнас Н. Е. Никулин, бокысь вöдм морт, пырöдчис изьватас йöзлөн оласногö, ачыс лоис изьватасөн, Изьва муын — ас мортөн.

Уджаліс фельдшерөн Ыбын (Сизябын), Краснобор больничаян. А сэся Н. Е. Никулинöс бөрйöмаöсь Ижмаса комсомол райкомö орготделөн

веськӧдлысьӧн. Во чӧж ветлӧдлӧма командировкаясьӧ районса сиктьясті да лесопунктьясті, котыртома комсомольскойӧ организацияяслысь удж.

1952 воын Н. Е. Никулинӧс босьтомаӧсь армияӧ. Армияысь локтома бӧр музмӧм Изьва муӧ офицерӧн. И пыр жӧ сійӧс индӧмаӧсь Діур сиктса выль санаторийӧ директорӧн. Кык во санаторийӧн веськӧдлӧн бӧрын во чӧж ветлӧдлӧма кӧр видзсыяскӧд тундраті медикӧн. Сэсся бара на уджалӧма Діур санаторийын фельдшерӧн, а сэтсыань нин мӧдӧдӧмаӧсь Вертепӧ восьтыны выль медпункт. 1968 восянь бӧр заводитома медикавны Діур санаторийын.

Гижны Н. Е. Никулин заводитома 1976 восянь. Сылӧн гижӧдьясыс кольӧны паметьӧ. Сэні век серпасавсьӧ ылі войвывса войтыр-изьватас. Автор петкӧдлӧ налысь сьӧкыд, но колана уджсӧ, нимкодясьӧ авья да уджач йӧзӧн, кодьяс быдтор вӧчӧны кужӧмӧн.

Автор аддзӧ сэтшӧм серпасьяс, кодьяс ясыда восьтоны мортлысь сямсӧ, пытшкӧссӧ. Н. Е. Никулин зэв стӧча да эскӧдана серпасалӧ сиктса челядлысь олӧм-вылӧмсӧ, туӧм-быдмӧмсӧ, гижигас мыджсьӧ збыль вӧвлӧмторьяс вылӧ, мый аддзыліс ас синмӧн, кыліс ас пельӧн, лэдзис аслас сьӧлӧм пыр. Абу и дивӧ: ӧд Анастасия Яковлевна гӧтырыскӧд чужтісны-быдтісны куим зэв шань пиӧс. Но медся радейтана петкӧдлӧмторьясыс Н. Е. Никулинлӧн — сьӧлӧмӧдз йиджӧм Изьва му, изьватас войтыр, муса Изьва да Печора юяс.

Кутшӧм кӧть гижӧд он лыдды Н. Е. Никулинлысь, пыр жӧ казялан, кутшӧм пыдіӧсь авторлӧн тӧдӧмлуньясыс сиктса олӧм-вылӧм петкӧдлігӧн. Гижысь тшӧкыда тӧдчӧдӧ, мый абу пыр кокни восьлавны олӧм туй кузя. Медым венны геройлы паныдасьлысь мытшӧдьяссӧ, колӧ лоны ыджыд сьӧлӧма мортӧн.

Н. Е. Никулин кужӧмӧн пыртӧ висьтьясас изьватас сёрниын бергалысь кывьяс, шусьӧгьяс. Гижысь вӧдитчӧ идиомаясӧн, йӧз кост сёрниысь босьтӧм шусьӧгьясӧн, фразеологизмьясӧн, кодьяс вӧчӧны гижӧдьяссӧ ловьяӧн, паметьӧ колянаӧн. Н. Е. Никулин пыртӧ гижӧдас парной глагольяс, кодьяс зэв ас местаынӧсь: курскыны-кызны, чажнитны-ӧзтыны и с.в. Татшӧм кывьясыс вӧчӧны висьтӧ мичаӧн, ловьяӧн, сьӧлӧм вылӧ воанаӧн.

Н. Е. Никулин гижис эз сӧмын художественной висьтьяс. Сылӧн перӧ улысь петавлісны и торья статьяяс, кӧні автор лэптӧ сикткӧд йитчӧм тӧждомгьяс. Нимӧдліс газетын и сиктса ветераньясӧс, а сідзжӧ шань да бур йӧзӧс. Тайӧ висьталӧ сы йылысь, мый Н. Е. Никулин эз вӧв веськодь мортӧн, сійӧ аддзис и кыліс сиктса йӧзлысь шаньлунсӧ и лӧклунсӧ, радлунсӧ и сьӧлӧм дойсӧ...

Ачыс Николай Егорович вӧлі варов, серамбана, шань да сӧстӧм лола мортӧн, кодӧ некодӧс эз кужлы дойдны весиг кывйӧн. Сиктсаяс ӧнӧдз помнитӧны Николай Егоровичӧс кыз водзмӧстчысь мортӧс. Сійӧ и кон-

цертьяс дырйи докладчик, видзьяс вылын политинформатор, художественной самодеятельностьо пырысь. «А кор пето сцена выло, киас век нин кодко куим пи повстысь кутчысьома», — казтылоны сиктсаяс. Зэв эна радейтис готырсо, Анастасия Яковлевнаос, да пьянсo, велодис найос вoравны, кыйны чери, помтог радейтны да нимкодясны муса войвыв вoр-ваон. Николай Егорович кадысь водз воштис кык пиос, но эз тай чорзбы сьолoмнас шань мортыд, век зилис локны быдонлы отсog выло, важ моз радейтис Изьва мусo, кыйсис, вoралис, небзьодис-личодис доймoм сьолoмсo муса Изьва да Печора юяс бердын, важ моз гижис сы йылысь, мый вежoрас да сьолoмас ийджис, мый шoпкoдис лолысь... Кувсис Н. Е. Никулин 1993 воын.

**Н. П. Рочева,**

**Вертеп сиктса школаын коми кыв  
да литература вoвлoм велoдысь**

## Часть первая

# ЯНДО

### *Повесть*

## ВОДЗКЫВ

**С**ИКТӦ сӧмын на воӧм вьль фельдшерица Машаӧс овмӧдӧсны Катерина пӧч ордӧ.

— Тонӧ, мада нылӧ, быттьӧ лӧсялас кӧ, — петкӧдлӧс пӧч аслас нӧйджыд керкалысь вышкасӧ. — Унаӧн тӧдз овлӧсны. Эз норасьлыны нинӧм вьлӧ. Со книгаяс колялӧсны, кодсюрӧяс и тетрадьяснысӧ, видз пӧ, бабӧ. Сидз некод из и пыравлы. Тэ, лыдды, мадаӧ, гашкӧ, коланаторьяс вунӧдӧсны.

Том нывлы тайӧ оланӧныс вӧли юр выв тыр нин: кӧсьян кӧ, кӧть вой шӧрӧдз книга лыдды, общежитиеын моз некодлы он мешайтчы, тӧнӧ некод оз вӧрӧд, ӧти кывйӧн кӧ — аслад жыр. Да и торья жырьяд сийӧ медводдзаысь овмӧдчӧ.

Ӧтнасӧн кольӧм бӧрын Маша сюся видзӧдалӧс ассьыс вьль оланӧнсӧ. Медводз сийӧс кыскис эновтӧм шкап, кодлӧн джаджьяс вылын бусӧссисны некымын книга да дорсяныыс вижӧдны заводитӧм лӧз кышӧда тетрадьяс. Тетрадьяссӧ гижӧма разнӧй почеркӧн, буракӧ, найӧ абу ӧти мортлӧн. Сельсӧветын на Машалы пель пӧлӧдзыс воис: Катерина пӧч ордын пӧ олысьясыс некор оз бырлыны. Тыдалӧ, тундраӧ петӧганыс олысьясыс кутшӧмсюрӧ кӧлуйяс кольлӧмаӧсь патерааныс. Со кутшӧмкӧ геологлӧн пасйӧдьяс аслас удж йылысь. Нывлы найӧ эз лоны гӧгӧрвоанаӧсь, да эновтчис. Со учительницалӧн сьыланкывьяса тетрадь. Тайӧ нӧ?.. Тайӧ медичкалӧн, сьлӧн коллегалӧн тетрадь!.. Гижӧма посныдик бисер почеркӧн. «Быть лыддя», — шуис аслыс Маша.

Люба Лудыкова, Эжва вылысь воём том специалист, гижö, кызди сийö тундраын коллялöма öти во. Машаöс визув ю моз босьтис тöдтöм нывлөн, коллегалөн дневникыс, эз вермы сийö петны тайö «юсыс», кывтис-кылалис помöдз.

## ЛЮБАЛÖН ДНЕВНИКЫСЬ

### ЧОМЙÖ ВОЁМ

Коді ме? Детдомса. Батьö усыліс война вылын. Мамöй вöйліс Эжва юö. Вуджöмаöсь розя пыжөн турун пуктыны куим нывбаба, изъясьöмаöсь ва шöрас, варчыны берегöдзыс вермöма сöмын öти. Сэки миянöс, куим чоя-вокаöс, иналöмаöсь детдомö. Ме вöлі медічöтыс. Быдми омöлика. Вöлі ыджыд юра да вöсни кока. Сэтчö жö зэв полысь да нор сьölöма. Ёртъяс нимтылісны баляён. Векуштчас перемена дырйи кутшöмкö зонка да «бе-е!» — нярöстас. Налы серам, а меным, кöть кызди кутчыся, век син доръяс вазьöны. Весиг ывла вылын ыжлөн бакöстöмысь повззылі, быттö сийö нерсьö жö.

Кöть и баля кодь вöлі, государствоыд отсаліс да зумыда му вылас вужъяси, техникум помалі да со весиг тундраса войтырöс бурдöдны ыстöны. Но век жö пола тундраас петнысö, сöмын некодлы та йылысь ог висьтав, ог петкöдлы. Кöть эськö тундраас петны ышöдісны доза водз, но туяс мöдöдчöмыс артмис курас-караса, тэрмасьöмөн. Сідзи меным кажитчис. Буракö, быд туйö петöм сэтшöми, кодыр майшасьöмөн сийöс виччысян.

Кузь туйö менö колльöдісны став сиктөн, медся ёна бергалісны ме гөгөр ныв-зон ёртъясöй, а бать-мам пыдди вöліны Катерина пöч да сылөн вокыс, Öлексей дядь. Катерина пöч ас коксыс пиминас менö көмöдіс, нылалан приданнöй маличасö юрö мырдөн суйис. Ой öні ме кутшöм! Дерт, некод менö тшöтшъяяс пиысь, кодъяскöд детдомын овлі, оз тöдны эськö.

Көр видзсысяс, кодъяскöд ме пета тундраö, абу миян сиктынöсь, орчча сиктын патеруйтöны, сизим верст сайын. Öлексей дядь, важья көр видзысь, менсьым аргышöс (öти дадюв да додь) сэтчöдз нуöдны босьтчис: доддьö, кодöс кыскö кык көр, менам көлуй көртавлöма, сёян-юан, медикамент ящик. Дадьсö, көні ачым пукала, кыскö куим көр.

Тундраö петан бригадалөн няпойыс вөрзьö сиктысь дас кык час лунын, сідзи шуöмаöсь Öлексей дядьлы, коді и вайöдіс татчö менсьым аргышсö.

Катерина пöчкöд ми войбыд син эг кунлö, мөвпалам-артасям, медым немтор эз вун, öд тундрасяныд бөр он косавлы, дзонь во кежлö туйö пета. Сэсся и пöдругаяс помся пырисны-петисны. Югдигас додьсö бура тэчим-кöртавлим. Чай юим-сөйим да со и мөдöдчыны нин колö.

Ю вылö лэччан туй кузя, гашкö, сө морт дадь бөрся вöтчисны. Ой, сө пасибö! Йöз быд бурсö меным кевмисны, бөр тайö сиктас уджавны корисны.

Воим Кельчи сиктö. Öлексей дядь ямщикалис-веськöдлис дадюлөн, Катерина пöч корис воксö колльöдны менö непременно кöраяс дорöдз, кийсь киö инавны. А тан висьталисны, кöраяс пö доза важөн рöдтöмны, а кадыс менам часи вылын муртса дас. Дас кык пыдди. «Пöръялисны!» — кыйкнитлывла гусьөн Öлексей дядь вылö: чужöм серыс оз вежлась, пыр и шуыштіс:

— Кадсö огö воштöй, водзö рöдтам.

Кöть кызд мукöдлы, а мем бөр косны юрьяндзим, ещö этадз колльöдöм бöрын...

Öлексей дядь тракйö вöжжисö, öвтчö харейөн, тэрмөдлö кöръясöс да видчö и сьöласьö: кызди пö кöсйысисны, а пöрйöдлисны. Ме солі бара дадь мышкö, пассажир пыдди. Рöдтыны Мылаöдз колö нöшта сизим верст.

А вот и Мыла, керкаясыс сярвидзöны дзик ю берег пöлөн... Но и тась весьшөрö корсим кöраясöс, найö татчö сувтлытöг мунöмны.

— Бергöдчам, али ачыд сэсся мунан, мада племянница! — öдва кывйыс артмö, кынмöма Öлексей дядь, кокниа зэв пасьтасьöма да... Ме чöv ола ог тöд, мый керны. — Колöкö, вöлöсьтас этша шонтысьышта да водзö чомйöдзыс колльöда? Верст кызь тасянь, — водзö сёрнитö Öлексей дядь.

— Ачым муна, — кызди верми лöня шуи, — сэсся во чöж öд он кут меным ямщикавны.

Дядь велöдыштіс туй чöжыс, кызди вöжжиөн да харейөн вöдитчыны. Позьö шуны, неуна кужышта нин дадювсö веськöдлыны.

Топыдджыка пукси даддьö, кык-куимысь малича кепысь вывті гаровті киам вöжжи помсö и... айда!

— Бур туй! Бура ветлыны, племенича! — горзö Öлексей дядь. — Туй кузяыс кöръясыс асьныс рöдтасны. Эн пов!

Шылыыд туй кузя кокниа тюрöдö дадюлöй, ачым гоняла бөрвыв, зэв нин ылын тыдалö Öлексей дядь, öвтчö шапканас, коньөр, юрсö кынтас.

Курыд ёкмьыл горш шөрö гөррдзасис, эг казявлы бара, кымынöдысь нин тайö луннас синва войтьяс бандзибьясöд гылалöны, да сэтчö и йизьöдö жвичкысь кивузыс. Көр даддын пукала, шог песа. Торъялі тай, мяся, бара шоньд позйысь, ылö муна, тöдтöм йöз костö... Ачым йöжгылтчöма, харейөн ог шенась, вöжжиөн ог веськöдлы, дадьсö гычöдö потанын моз.

Виччысьтöг вуктöдлыны кутіс, и юрöй быттöь кольмыштöма... Ой-ей-ей!

Скөнъ вунөдї өд! Коркө ичөт дырйи усьлі вөв доддьысь, и вылысті телегаы прөйдитіс... Дыр таысь куйлі вольпасын, мукөдсө, кивлан, вукөдлө автобусын, самолётын, а менө та бөрын — вөла доддын и телегаын. Тундраө лөсьөдчигөн менам та йылысь вунсьөма. Гашкө, и бур вылө. Тундрасө синва петтөдз окота видзөдлыны. Вомө шома кампет босьті, да регыд и дугдіс шогөдны.

Кызди и казтыштіс Õлексей дядь, көраяслөн туйыс ю вывсянь крута кежис яглань, некымынысь вуджліс ёль вомөн да дзикөдз кыр йылө кайөм бөрын писькөдчис парматі.

Дзобйөдліс, катлөдліс чукульөсь-мукульөсь яг туй. Виччысьтөг ёна катовтчөмысь ме ылө лым пиө туті — лэби даддьысь... Путкыляси лым пиын репасын моз... Кызмырдөн верми кок вылө кыпөдчыны, бөр туй юж вылас гывгөдчыны. Видзөда, пуяс костті сөмын тыдалө рөдтысь дадювлөн бөжыс.

— Тпру! Тпру! — мый вынысь горза, вөвлы моз, но көръяс оз гөгөрвоны менө, водзө котөртөны, регыд син улысь вошины. Но, мися, петсис менам тундраад. Котөртны куті: вөяла, сконьяся-усяла, малича бөжөс таяла да.

Пошкигтыр тракья, платтьө моз юр вывті пөрчча дзескыд, сьөкыд маличаөс. Дыркодь ноксьөм бөрын мездыси кызкө сыысь, брунги туй бокө и ош моз уськөдчи вөтөдны дадюлөс. Пыр матысма и матысма! Со дзик нин матын, но ог слөймы сюрны доддьө, коляс вынъясөн нин ичөтика, раничөм көч моз чеччала, и дадюлөй бара мөдіс ылысмыны. Ок, ок, мада тундраөй пышйө меысь.

Чужөм кузя ва визлалө, нылөмыс и синваыс, буракө, өтилаын, калькунөм вомө сола ва пырө, помся сьөлала виж дуллөн еджыд лым вылас. Сьөлася и котөрта, но лолөй век ёнджыка тырө и тырө, казялі да, ог нин котөрт, а тапикта. Ог нин водзлань видзөд, юрөс өшөдөмөн ачым ог төд мыйла водзлань тувччала, өд тадзи маличатөгыс регыд гегда. Сувті, лэпті юрөс и төкөтьө эг ойөст: дадюлөй менам ныр улын сулалө, вөжжиыс дадь сыв улас веськалөма, да көръяс сувтөмаөсь. Думсьым зэв крепыда, кыз сямми доми вөжжи помсө дадь подйө и котөрөн маличала да харейла. Маличаасы, топыдджыка дадь вылө сэсса пукси, весиг харейөс пукті дадь бокө: колөкө, вөтлытөг мунасны көръясыс, а вөжжи помсө зэлыда гаровті киам, мед выль пөв ог лэб и бара ог коль...

— О-о-! Мадаяс! — горөді, щөтясьөм парма весьтті йөлөга юковтіс да дыр на мусюрас буаліс... Вой тай нин пуксьө, шонді пыдди кымөръясөн орьөдлөм рытъя кыа мыччысис. Пемыдыс өтарө сукмис и сукмис, здукөн синмө чуткан вой пуксис. Сөмын кодзулыс тшем дзирдаліс рөмыд енэжас да пармаыс ас ногыс ышлолаліс, витшкисны-дзуртісны дзор козъяс да

пожёмъяс. Корсюрё жбуткысьліс коз вылысь съёкыд лым тукта. Водзын съёд пемыд вөр, весиг туйыс ньоти оз тыдав. Кытчö бара нуёдöны көръясыс-а? Мый нö тайö? Виччысьтөг некымын пон öттшöтш тывöстисны, съөлөмöй коклябөрö кын гöгыльөн лэччис. Мыйлакö думыштсис: көинъяс көръясöс косявлыны кутасны. Да и дадюлöй тэрыбмөдiс воськовсö, сэсся зутш сувтiс. Вөлөмкö, чом вылас нин восьöма. Воссыйліс чом пöлаыс, кодъяскö петiсны паныд.

— О, меджытшканым ачыс локтöма, — шуис гыз гөлöса мужичöй.

— Аски воча көсйим войöдлыны-а.

Öтияс гизгизгыр пыртiсны менö чомйö, мөдъяс лэдзалисны йирсыны дадювса көръясöс. Чомйын жар, чом шöрын ломтысьысь көрт пач бокъясыс гөрдөдз доналöмаöсь. Кык нывбаба менö пöрччөдiсны: наперво маличаöс юр пыр кыскисны, а сэсся шедöдлісны кокысь пимиясöс.

Шумөн чумö бөр уськөдчисны ывлаысь мужикъяс. Кодкө меным мыччис пуксыны мыйкö ящик ногаос, мужикъяс водалiсны чом дорышлань вольяс вылö.

— Меным эськö узыштны, — виччысьтөг шусис менам.

— Сёям, мада, да вöлись, — вочавидзис дзор юра пöчö. Кыдзи бöрын-нас тöдмалi, шуисны сійос Öдя бабөн. Мужикъяс гораа гөрöктисны.

## ЧОМСАЯС

— Мадэ! Сувтан он нин? Чай пузьöма, — чуксалö менö вонйысь Öдя баб. Да ме ськөд и узи, кыдзи ачыс шуис «сы балаганын». Гөгөрвои, йöзыс чеччалöмаöсь, дзуртö джоджыс — латаясыс, паськыд пөвъясыс и кылö негораа сёрни. Ок, медбөрö кольсьöма узьöмнам. Кыдзсюрö пасьтасьыштi да петi вонйысь. Öдя баб косьтöма да лөсьөдöма көмавны сувтiгкежлö тöрытья пимиясöс. Первой кышалi гөна чулки — липича, сэсся кузь гөленя пими мөдi көмавны. Нокся, а кодакостикö ныр улам лои морт, змей моз ниглясьö. Зон ли мужик ли: кузь вöсни тушаа, би кодь гөрд юрсиа, синъясыс кодзлалöны.

— Ы-гы-гы! Яндо, яндо и эм... Вай отсала, — гызьö, бытьтö тыртöм бöчка гира-голякылö. — Нолы тадз!.. Сэсся этайö чуньнад шуйга кисьыд чепöльнад вөнь кытшсö кут... Казялін? А веськыднад топыда, топыда, кок пөкъяссьыд вылітiджык, радөн-радөн вөнсьö гарт.

Здукөн сійö менö көмөдiс да вөньöдiс, мыйлакö малалыштiс пимиясöс и.

— Нимыд, жальö? — увсянь наяна дзоргö синмö.

— Люба.

— Бур. Тэныд сэтшөм нин и лөсялө, — бара гөрд юраыд серөктіс да дышпырысь лэдзчысис чом бокө, ывъяс дінө, ачыс вашъялө, синнас сідзи и сөйө, весиг яндзимла пөсяла.

— Чалөйястө, Васьө, некытчө кө видзөднытө, мокота розяс тшукөдлы, — вомалө наяннытсь зонмөс Одя баб, сэсся шыасьө ме дінө. — Мада, пызан дорас вешйы, сійөн, мый вылын пукалан, куднас.

Чомйын меным ставыс дивө кодь, век на төрытъя бедь йылас чусалө карасин лампа, рөмыд. Көрт пач трубаыс чом шөрөдыс паськыд розьөд петө веськыда ывлаө, сэті, кызди Одя баблөн сёрниысь ме гөгөрвои, моко-та розьөдыс, сөдзтысьө кизьөриник югөр.

Пызан сайын киө суйыштисны ыджыд кружкаөн сыла пөсь шыд, ю пө.

Меным паныд кокъяссө сюркнялөмөн воль вылын куткырвидзө руд костюма, паськыд пельпомьяса мужичөй, ичөтик съөд синъяса, краситчысь нывлөн кодь зэлачөм съөд синкымьяса... Пелькиник устор ныр улас чур-видзө. Пельысь пельөдз сійө мурчкө-вильөдө ыджыд лы да менө кадысь кадө козыналө аслысикас видзөдласөн, быттьө вильшасьыштө. Тайө Карп, бригадирным, юрнуөдысьным.

— Карп, Карп! Кисьтав, мый сэсся!.. Зять, кылан? — дзайгө ывъяс дінын куйлысь гынмөм кудриа косіник зон, шуөны сійөс Тимофейөн.

— Нө-нө-нөрөвитышт, пытшьяс лы мый курчалөны. Тэн на талун караулитчыны, — быттьө көрт тувъяс тувъялө, мөмъялө Карп, но яя лы дорысь торйөдчывтөг, гыррдзанас тувкөдө орчөн пукалысь гөтырыслы бокас.

Марпа вылын морөса, вышивайтөм сосьяса, гөрд сарапана, пукалө бригадир бокин, сөмын помся шешъялө, а водзө кыв ни джын оз шу. Юрсө чатөртөмөн петалис ывлаө да син лапнитігкості шлопкис пызан шөрө гыөра доз.

Стөкан тырөн кисьталіс винасө быдөнлы Карп, сөмын нывбабаяслы эз, а мем тшөтш мужикъяслы моз жө кисьтіс. Ме пель йылөдз гөрдөдлі татшөм ыдждөдлөмысь да ылө бокө вешті вина стөкансө.

— Но, вай, босьтімө! — лэптіс первой стөкансө ывъяс дінө жмитчысь Тимофей, лолышттөг кисьтіс винасө ас пытшкас, сөян дорө эз матыстчыв, кутчысис махоркаысь чигарка гартны, чужөмыс аслас табагыс моз жө нин вижөдыштөма. Васьө, меным көмасыны отсасьысьыс, дыр гоньяліс өтарө-мөдарө да өтпырысьөн жө, Тимофей моз, пөрөдіс горшас. Но унакодь, буракө, лоис, бөр ызөбөн лэдзис ставсө пытшкөссөыс джоджө.

— Жөникъяс ещө!.. — нурбыльтіс Карп, чышкыштіс уссө, кутчысис госа яй кусөкө, кодөс мыччис сылы киас Марпа. Денис дед, баб-деда костын ме пукалі, өдйө коддзис, пыр и мыйкө ныр улас мургыны заводитіс. Карплөн да Васьлөн чужөмьясныс пөльтөм гөрд шар кодьөсь. Карп пукалө

чөла, вина стөкан пидөсас дзоргө. Вась ме вылысь синьяссө оз вештив, от тёд, мый сэсь аддзёма. Пельөссянь азыма чигарка тшын ньылалігмоз, Тимофей пөдөм гөлөсөн киргө:

— Зять! Чой! Марпа! Тіян вед шуа!

— Му-мун пырт! — синнас гөтырыслы мигнитлө Карп.

Марпа скачөн петавліс ывлаө, доддьысь бара гыөра доз котөртөдіс. Гыпнитісны-юисны стөкан тырөн став мужичөйыс.

Өдя бабкөд ми Денис дедөс водтөдім узыны. Сэсся кутчысим идравны пызан вывсө. Мужичөйяс нуөдісны оръясяна ас кост сёрни, кытысь ме пөшти немтор эг гөгөрво.

Чом пельөсын чөла куйліс Тимофей, сьөкыдпырысь кыпөдывліс юрсө да нинөм гөгөрвотөм видзөдласөн козынавліс мянөс. Карп да Вась сьөктыны жө мөдісны, мый вынсьыныс нин нетшкисны легмунысь юрнысө пызан дорысь. Карпөс небыда кутіс Марпа, а Васьө помся бөрвыв шылькнитө гөрд юрсисө, здук корсьө, медым вайөдлыны беринөсь чужөмсө меным ныр улө. И Васьөлы тайө тшөкыда удайтчө, дзескыд чомъяд некытчө ёнасө он вешы. А ме пола. Рыжөйяссыйд кызкө ме важысянь өтдортча — сьөлөмтөмөсь пө найө. Кытчө бара йөй юрнам веськалі-а?

— Кутшөмаджык, мадэ, мянын тэныд кажитчө? — юалө чашкаяс чышкалігмоз Өдя баб.

— Зэв бур. Сөмын вөрнысө дзескыд.

— Сы пидди тундраыс паськыд да ота, — серөктіс бабө.

Чом пельөсын, жарысь висьысь моз, бергаліс-ымзіс Тимофей.

— Жөникыс мян... Мед коть оз кув, Марпа! — коддыштөм бөрас Карплөн вошис кытчөкө мөмьялөмыс.

Тимофей кузя нирөстіс. Карп пызан вылысь ассьыс вина пайсө нюжөдіс Тимофейлы, кыпөдыштіс сой вылас сылысь юрсө да көсийс кисьтны во-мас, но Тимофей герчвартіс пиньяснас сідзи, мый мышку кузя йирмөг котөртіс, вина стөканыс өдзөс дорас лэбис.

— Матьтө нө кантук! Лемаліс кудз! — бөр местаас пуксигмоз вөрөдіс сьөд усторсө Карп.

Тимофей, ывйө кутчысьөмөн сьөкыдпырысь кыпөдчис, тажгөдчис, быттьө чомсө лөсьөдчис нөбавны, но здукөн тюрис-исковтіс пызан бокө, юрсө пуктіс Карплы пидзөс вылас, ныр пырыс кузяа шкоркнитіс.

— Ковмас войсө тэд караулитчыны, — ышловзьөмөн шыасис Васьө дорө Карп.

Вась дыр дузьяліс, сэсся кутіс чарзыны:

— Ме?! Ме бара ог! Палялас да ачыс мунас, мед оз трескайт!

— Мед ме вөсна сьөлөмыд оз вись: Артеев ачыс мунас, — зіліс юрсө кыпөдны куйлысь Тимофей.

Миянлы, нывбабаяслы, ставнымлы съёлөм вылын вөлі деливө мужи-  
чөйяслөн кодалөмысь. Өдя баб весиг блюд жугөдіс, но некод элясьны эз  
кут, эз уськөд бабөс, сайөдчыштөмөн ме отсали куравны кляничаяссө.

Нем виччясьтөг Тимофей чеччис да уськөдчис ывлаө, петигас төкөтөь эз  
пөрөд ломтысьысь көрт пачсө. Сы бөрся чомйысь петис и Өдя баб.

— Люба, ояя да ояя! Петавлы, мада, Тимофеюшкоыс өд лөкмөма, —  
юөртис баб.

Ыж чукөр моз уськөдчим чомйысь ывлаө: Васьө медводзын, сэсся ме и  
медбөрын Карп гозья.

Тимофей кусынтьчөма вандей бокө (гөна көм-паськөм новлөдлан додь  
бокө) да вукөдө, ставнас пытшкөссө гугөдө, чужөмыс сера и виж.

— Ноко, өдйө кодикө! Васьө, зырав лимнас, зияя зырав!

Котөрти бөр чомйө, кулө, буракө! Мый нө нин отравлениесьыс вөчлөны?..  
Ставыс юрысь петі повзьөмысла. Корся чомйысь сумкаөс и некыдзи оз  
сюр, коркөкөсті нин гудыртчөма. Көть сэсся юрситө нетшкы, оз сюр,  
некөн абу. Тшын-бус ставсө лэпти, дозмук и вольпась. Ачим ныылөді ве-  
сигтө. Видзөда да, ыв костас сюйыштөмаөсь, местаө иналөмаөсь, миян  
ногөн кө, өшөдөма лоө. Тшапки нашатырнөй спирт да ывлаө. Васьө сэтшө-  
ма зырало-тракйө Тимофейөс, мый мортыдлөн юрыс, малича сос помө  
вурыштөм кепысь моз, легьялө. Дөрөмсө весиг пөрччөма Тимофейлысь.  
Кынтас мортсө!

— Вешйы! — тойышти Васьөс. — Виан мортсө.

Нашатырнөй спиртөн исөдөмысь Тимофей ас садяс воис, но морттө  
кутис тирөдны-кынтыны. Ме тшөкті өдйөджык пыртны сийөс бөр чомйө.  
Васьө шамыртис мездорас, но Тимофей шеныштчис — ачим пө. Ставөн  
пырим чомйө, ме пункті пач вылө пузьөдны шприц, лөсьөдча вөчны Тимо-  
фейлы укол. Өдя баб вөзйис Тимофейлы пөсь чай, пытшкөстө пө шонтас.

— Оз ков! Сэти менам сідзи өзйө.

Куйлыштис здук Тимофей, сэсся пасьтасис да дучкис дзөнь көш йиа ва.  
Петіс чомйысь, веськөдчис стада дорө дежуритны.

Ме сідзи и эг удит вөчны уколсө, съёлөм бара не ас инас, бара кө  
омоль лоө пастуклы? Петі пальөдчыштны чомйысь. Кыла, здук мысти чук-  
сасьө Өдя баба, лок пө, любөйө, Карп унмовсис нин, кынман маличатөгид.  
Пыра, мися, бабө, пыра, сөмын ещө сулалышта. Ас ногыс шыалис вөр,  
вайис улис шоньид ру, тулыслысь небыд көрсө. Лэдзчыси өти дадь вылө,  
майшася висьысь пастук вөсна. Кодкө мышсянь пөсь киясөн тупкис синьясөс.

— Ой, лэдз! Коді? — горөді повзьөмөн.

Оз шыась, өдва мынтөдчи, Васьө зэв лышкыда нюмьялө.

— Повзин?

— Яндысьтөм бугыль!

— Сідзи и эм! — шпынняялө Васьö. — Косьян, Люба, стих тэныд лыддя.  
— Тэ мыйкө быттьö и тöдан.  
— Со! — горөдiс Васьö. — Локтö тулыс, сылö лым. Менам сьölөмöй,  
Люба, пым.

— Водзö.  
— Сэсса ог вермы.  
— Но-о...  
— Сьölөмöй збыльысь пым, — Васьö зыралис ассьыс ён морсö. — Он  
эскы, Люба? Видзöдлы!

— Юөмсьыд, көнкö, сотчö... Лымсö нылава, Тимофей тай йиа ва дуч-  
кис...

— Меным эськö, Люба, мөдпөлөсджык лекарство, — Васьö заводитiс  
чужьявны дадь подйö.

— Жугöдан öд... Ме сэсса пыра.

— Люба, эн на пыр.

— Мыйла?

— Сёрнитны окота. Тулыс локтö.

— Васьö, — видзöдлi ме веськыда зонлы синмас. — Кора кө öтитор,  
вöчан?

— Вöча!

— Ветлы көрас, видзöдлы Тимофейсö. Ладнö?

— Бригадир кө тшөктiс, эськö места вылысь эг вөрззы, но тэнö, Люба,  
кывза.

Васьö мунiс стада дорö, ме пыри да водi Öдя баб дорö.

Садьми Васьölөн чуксасьöмысь:

— Люба, чеччы, ывлаö петавлам.

— Тимофейыс кызди?

— Мый сылы алкашлы лоас, көр моз лызь вылын котралö. Петавлам,  
Люба, сёрни выйим.

— Узь, Васьö, асывнас висьталан, — чомйын ставөн нин стынитöны,  
Карп шкоргö чом пасьтаыс. Öдя баб крепыда жö унмовсьöма, ме крепыда  
сывьяла пöрысь мортöс, но унмовсьны ог нин вермы, ном моз балаган  
весьтын зыньгö Васьö. Медбöрын петiс ывлаö и сэтысянь мөдiс чуксасьны,  
ме ог кывлысь, да чужьялö чомьяс, ывьясыс ратшкакылöны, быттьö ыджыд  
тöv ныр песö. Садьмис, кылö, Карп:

— Васьö, он кө бурөн вод, чечча да лачка.

Та бöрын сөмын жöник ланьтiс. «Ок, кызди бара тани воыс коляс-а!»  
Мый вынысь жмитча Öдя баб дiнö.

## ПЕС ВАЙӨМ

Витөд лун нин пемыдсянь пемыдөдз век пыр мунам тундралань, а век на вөрьясті собам. Төрыт сёрөн чомьясим, матигөгорысь ичөтика пестор курыштим да сёян-юан лөсьөдим. Асывнас водз пастукьяс мунисны асланыс могыасөн. Карп шуис, чом пө разьны оз ков, талун пө шойччам. Марпа чашка чайөн шонөдчис да бөр балаганө юрсө скойис. Өдя баб пелькөдіс чом пытшкас. Казяла, пачным көдзавны мөдіс, пєсла колө ветлыны, фуфайкааси да чөла петі чомйысь. Ок, кутшөм югыд асылыс рөмыд чом бөрад. Шонді югөрьяс көчөн вурсөдчөны додьяс костын, а ягбердса эрдыс, көні сулалө чомным, дзирдалө стеклө моз, синтө вундө, көдзыд төвру сатшкысьө морөсө да чепльөдлө нырөс.

Додьяс дорысь лэпті зэв лэчыд чер, суйи тасма костө, сувті Денис дедлөн лямпаяс вылө, сійө талун норасьө кос висьөм вылө да куйлө чомйын. Мөдөдчи пєсла вералысь вөртаслань. Муні да муні, кызди мойдын, вөрыс ныр улам моз, а оз лок. Коркө сэсся воис жө, но тайө вөлөм сөмын ылісяньыс яг, а матісяньыс коньөр понөльяс да урөд вужляяс. Котралі да котралі, быд пу малала да исала — колө өд кос пес вайны, медым чажнитіс-өзйис пачас. Куим-нөльөс нин керавлі да бөр энөвті, свинеч сьөктаөсь. Но пестөг чомйө, дерт, он бергөдчы. Шойччышті здук да бара ветлөдлышті и кос конда вылө веськалі, бринякылө ён, керышта да черыс бөрө чеччө, төкөтө аслым плешкө оз шковгы. Керала мый вынысь, пөсь киссьө, а водзө быттьө ог и мун. Медбөрын скөрысь, став вынсыым, швачкөбті пуас, черөй сибдіс, ме бертовті, и нудыс ратшмуні-чеги. «Со и пес вайи, шонті чомса войтырөс», — шогала ачым. Черсьыс на мый лоө! Сыркьялі здук да конда йылас мөді кавшасьны. Йылөдзыс вои и өтарө-мөдарө довйөдлыны куті. Нимкодь на быттьө аслым, качай кодь да. Сэсся кызд тай ратшмуні керасөдыс, жбуткыси лым пиө, төкөтө пу улас эг веськав. Веськалі кө — кутшөмкө ёсь ув пургөн моз бытшкис. Ок, йөйыд, мися, вида ачымөс, повзьөмөйла кынөмөй доймыны кутіс. Чарөмыс вөсньыдик на да сөмын кок пөлөй ичөтика доймыштөма, сэсся гөгөр ладнө. Коркө бөр гажмышті, мися, чертөгьд на пусө пөрөді, өні быть нин кызкө да кыска чом дорөдзыс. Заводитлі дінсө, ог вермы лэптыны, шөриавны эськө керсө, но кызд чертөгыс. Сэсся йывладорас пидзөсчанысьөмөн пыри кер улас, кыпөдча мада, шөрөдзыс вои, ачым сувті и йывсө нөровті понөль вылө. Петі пу увсьыс да лямпаяс вылө сувті, чегөм черсө фуфайка зептө иналі. И бара шыр моз конда улө һыра. Штангист моз рывок вөчи, нетшышті лым пиысь конда помсө, сэсся нөдждиөник веськөді кокъясөс. Чарөм вылын лямпа гывъялө. Кыкнан киөн пусө сывъялөма, а сьөкыд кер ачымөс шуйгавыв катовтө. Медся виччыся усьөмысь, выльысь кондасө лэптыны вынөй оз нин тырмы.

Чум дзик нин матын, но оз лок... Аслым урчита воськовьяс, первой сув-товкерлі дас воськов бõрын, медбõрын витõдз лэдзи. Кокъяс свинеч сьõктаõсь, син водзын гебьяс кымõрõн лэбалõны, мыйлакõ тõвнас... Кыс-ки õд! Дзик чом õдзõс дорõ жмотки дубинаõс!

— Ой, Люба, коньõрõ! Тэ али мый пессõ вайин?! — шензьõ Õдя баб.

Сэссия бабкõд пилитим мада кондаõс, мужичõйяс воигкежлõ жара ломтим корт пач.

Пызан вõлї дась нин, и мужикъяс азыма кутчысисны гырысь кусõкъясõн пуõм яй дорõ, госа тшõгыряс лэпталисны веськыда ыргõн тазйысь. Ми, нывбабаяс, ырским пõсь чай. Но менам юрысь õтитор эз петав, йирис мõвп, чер пусõ Карпыслысь чеги да пиняласны. Ме виччыси бригадирлысь сёйõмсõ, медым восьтыны ассыым мыжõс, пõt кынõмайд тай шулõны пыр нин шаньджык. Со бригадир, выя синъяссõ лапйõдлгмоз, нёрвчис Мар-паыслы небыд бокас. Думайтa, õнї медся кивыв.

— Ка-арп Кирьякович, ме тї водзын мыжа, — мыйлакõ бригадир моз жõ заводитї мõмьявны.

Марпа ме вылõ кыйкнитлїс да ньõж тувкõдыштїс мужикыслы бокас, тэ дорõ пõ.

Карп пõлõстлїс юрсõ Марпа вылõ. Марпа мигнитїс меным.

— Ме тїянлысь чер путõ чеги.

— Чегин... Менам жõ õти чер и вõлї...

Марпа копыртчылїс Карп дорõ да мыйкõ пеляс вашкõдїс, буракõ, пес вайõмõс висьталїс.

Карп дыр вежнясис, сэссия шпыньмунїс: ковмас пõ, муса ныв, мынтысь-ны. Ок, дона пõ сувтас. Меным чом тшыныс моз сатшõны горшõ Карплõн пеж кывьясыс.

Тимофей, кодї сюся кывзысис мян сёрниõ, õвтыштїс кинас, видзõдлїс гõгрõсник мича лõз синъяснас да дивитана шыасис, мед пõ чегис. Сёрни тай... Аски жõ пõ выльõс вõча, ягынõсь тай. Ме шоныда видзõдлї Тимофей вылõ да нумьёвтї сõмын сылы гõгõрвоõм вылõ.

Тимофей йылысь думõн и водї, кõtь вина гаг кодь, а вõрзьõдїс менсь-ым сьõлõмõс талун, мыйкõ быттьõ õткодьтор сыа-меалõн эм, õткодь кудри-аõсь, ещõ мыйкõ... Кокняммõм сьõлõмõн шуркнитчи-пыри баб дорõ бала-ганõ.

## СТАДА ДОРЫН

Некымын лун шойччõм бõрын бара заводитим водзлань вешыны, быд лун вежлалїм чом местанымõс.

Ошйысьны верма, велалі чом сувтӧдны да разыны. Тайӧ пӧ мян нывба-баяслӧн удж. Марпа уджалігъясӧ пыр пӧльтчӧма, дузьялӧ да ырӧстлывлас, кор озджык менам артмы, а Ӧдя баб пыр ышӧдӧ ошкӧмӧн... Чомйыд мян здукӧн и лыбӧ, пемыдын кӧть турӧб дырйи. Дерт, вына тӧв ныркӧд венла-сигӧн ӧна ковмывлӧ сӧнъяснымӧс злӧдлыны, кӧр куясысь вурӧм нюксӧ парусӧс моз нетшкӧ дурмӧм тӧлыс, некыдзи он вермы шлапкыны нӧровтӧм ывъяс вылас, «раммӧдны». Но век жӧ ми любӧй поводдя дырйи сувтӧдам чомсӧ ас кадӧ.

Ме водзӧ ныртча чом олӧмас. Думайтa стада дінӧ вой кезлӧ ветлыны. Тимофей дежуритӧ ӧтнас, а мукӧдъяс кыкӧн... Тимофейлӧн пӧлыс ачыс бригадир. Но сійӧ векджык вой улас дзевсьӧ гӧтыр борд улас. Да и Тимофейыслы, буракӧ, пӧлыс оз и ков, кыдзи ме казялі, зэв опытной да вежавидзысь морт, кӧть кодӧ мый юалас, быдтор ясыда тӧлкуйтас.

Ми Тимофейкӧд туйӧ петім пажын бӧрын нин. Йӧрасим да. Йӧрасьӧ-мыд сійӧ лямка улӧ велӧдӧм быкъясӧс бӧрйӧм. Ас вӧчӧм йӧрӧ суйӧма быкъяссӧ да сзтысь, кодӧс колӧ, домалӧны. Ме некыдзи эг велав аслам дадьюса кӧръяс дінӧ, меным кажитчӧ быд кӧр ӧткодӧн. Та вӧсна кӧртавлӧ кӧр сюръясӧ гӧрд рузумторъяс. Медся нин ме вылын сералӧ Васьӧ. Ълісянь на аддзас «флага» кӧртӧ да горзӧ: «Со, медицина котӧртӧ!» А Тимофей пырмунігмоз и вайӧдас менсьым кӧръястӧ да ки улӧ суйыштас: дом пӧ.

Йӧрасьӧм бӧрын шоныда пасьтасим да вӧрзим чом дорысь. Менам кӧрӧ мунӧмыс, дерт, чуймӧдіс чомсаясӧс. Ӧдя баб мам моз менӧ видлаліс юрсянь кок улӧдз, кӧм-паськӧмӧс лӧсьӧдышталіс, мыйскорӧ велӧдышталіс, Васьӧ мыйкӧ шуаліс жӧ мянлы, но маличанас ме омӧля кылі.

Гӧнитам лымъя эрдъяс кузя, то ӧтарсянь, то мӧдарсянь ягъяс воӧны, а сідз найӧс матысь эг и аддзыв... Тимофей кыдзи чепӧсийс збой дадьюнас, пыр и менӧ коліс. Яй кузя йирмӧг котӧртіс, ме повзъылӧм бӧрад зэв видзчысьысь лои.

— Тимо-офей!

Но Тимофей сувтӧма нин. Регыд сэсся воим прамӧй ягӧ, гежӧд козъя вӧрысь мем синмам пыр и усины кӧръяс, кодъяс лукйысисны лым пиын. Тимофей кӧртыштіс дадьюсӧ да здукӧн сувтіс лызьяс вылӧ, лыйыштіс кытчӧкӧ водзӧ, сӧмын тшӧктіс меным сулавны тані, некытчӧ не мунны.

Пукала ме дадь вылын, ичӧтик вӧр ю дорын, кодлӧн веркӧсыс лӧзӧдыштӧма нин, йиыс волялӧ, сывлӧм бӧрын бӧр кынтӧма... Тимофей тыдовтчылӧ кутшӧмкӧ кушинын да бара саялӧ. Регыд сійӧ бӧр ме дорӧ воис, матыстчис мышсянь. Ме радпырысь чеччи дадь вылысь да куті вӧтлысь-ны матыса кӧръяс бӧрся. Ас думысь шонтыся сідзи.

— Ставыс ладнӧ, — нумьӧвтис Тимофей, кӧръяс пӧ лючки пискӧдчӧ-маӧсь лым толаяс пытшкӧ да мый вермӧны ӧктысьӧны, кынӧмнысӧ тыртӧ-

ны. Ме то́да нин мыйсюрö Тима йылысь: көр дорын чужлöма, бать-мамыс водз кулöмаось, ыджыдджык чойыс, Марпаыс, и кок йылö сувтöдöма. И öнi со Тимофей кызди вермö отсасьö чойыслы да зятъыслы.

Тимофей заводитiс бергавны козьяс гөгöр, нетшкис дзор ройсö да мездор тыр менам кок улö чöвтiс. Мися, мый нин думыштöма? Сэсся пытшкöс гөлöсөн шыасис көрьяс дорö:

— Айö! Айö! Ай! Ай!..

Сьöрсөн-бöрсөн миянлань уськöдчисны матысса көрьяс, вежмөн заводитiсны няклявны ройсö. Пукалам Тимофейкöд дадь вылын воча, кор паныдась-лöны ськöд синьясöй, пыр и юрсö увлань лэдзö, чигарка öзтö, быттьö делö вöчö, чöв олö. Ме дзорга зон вылö и ас ногөн доньяла, мыйкö ныв ногаыс сьлөн уна: пöльтчöм бан бокьяса, розя тшöкаа. Гөлöсыс раминик, небыдик, ачыс ичöтик, ветлö утка моз катласьöмөн. Шы ни төв пукалам, дежуритам стада дорын. Эг и казаявлы, кызди пемдыштöм енэжын дзир-довтiсны кодзувьяс — гырысьöсь, югыдöсь... А со öти менам видзöдiгөн шливкнитiс увлань, мусюр бердас моз нин вийыштiс-воши, ме мый вынысь горöдi:

— Чур! Менам!

— Тэ нö мый? — серöктiс Тима. — Унмовсьлин али мый?

— Мися, кодзув усис.

— А-а, — кузя нюжöдiс Тима да бара аслас думьясö вöйтчис.

— Тима, мешайта ме тэныд?

— Гажаджык на... А то пыр öтнам... Сёрнит, сёрнит, кывза вед!..

Бара чöв пукалам.

Зэв тай наперво лöсьыд караулитчынысö, көнкö пö көиньяс эмöсь, но абу на көрсö вöрзёдлöмны, коркö нин юёртлiс Тимофей. Сидзкö, ёнасö нинöмысь повнысö.

— Каб-каб-кабер-р-р! — другысь дзик боканым чарöстiс кодкö, менам төкөтö эз пöт сьөлöмöй, мый вынысь шашаритчи Тималы сьылiас:

— Кодi нö тайö, кодi?

— Байдöг, — гораа шуö Тимофей. Ас саям вои, пыр жö тойыштчи Тимофей дорысь, яндзим босьтiс... Тимофей кок увсьыс шедöдiс чарöм тор, шыбитiс кытчökö, кылис бордьясөн швачöдчöм, лэбзис байдöгыс.

— Гозйöдчöны, — сьөлөмсянь төлкуйтiс зон. — Ме гөгöртышта көрсö, тэ эн пов. Виччысь тани.

— Ог, ог! — тшöтjаи ме. Тимофей бара сувтiс лызь вылö, виччысьö меньсым лямпасьöм. — Тэнö эськö и сидз лэптас чырыс да...

Му веркöсыс да сьöда-лöза енэжыс сөлькнитчöма, он төд, кытчö кокыд инмалö... Тимофейлөн вуджöрыс катласьö. Кадыс, буракö, асьядор нин. Киам эськö часi да ог аддзы нинöм. Чатöртчыли небесалань, ни öти кодзув

эг вермы аддзыны... Со сэсса некымынысь веськыда синмам клеснитіс проса шыдөс кодь чорыд лым.

— Пурга! — юөртіс Тимофей, кор ме зураси лямпа бөжас. Сійө, тыдалө, эз тэрмась, виччысыліс менө.

Ветлөдлам куйлысь көръяс костті, Тимофей малалө съод ёкмыль — баляөс, көрпьянөс, мыйкө вомгорулас шөпкөдчө. Турөб кутік кок йылысь пөрөдны, а ми пыр на ветлам. Пастук торъялөм куқьясөс важенкаяс діно йөткышталө.

— Абу тай эськө визув да, гашкө, некод оз кув.

Небесаыс и муыс оз төдчы, и өні нин пу кор пасьта небыд лым сука шлапкө ми вылө. Ме сойбордйөдыс куті Тимофейөс.

— Тима, көръясыс оз вошны? — Ме пыр ёнджыка топөдча Тима бердө. Воськов сайысь нинөм оз тыдав, йөв кодь ру да лым гөгөр пөдтіс. Тималөн ичөтик тушаыс еджыд ёкмыль кодь лои.

— Тима, а огө вошө? — шыася чөв олысь ёрт дорө.

— Асылыс, буракө, матын нин, — сөмын и шуө воча.

Виччысьтөг мян бокті ыджыд шумөн гузьгысисны вуджөръяс, весьөпөрлі... Тимофей тракнитчис ме дорысь и сэк жө гимөбтіс лыйөм, вылө качис гөрд визь. Ракета... Тимофей өти бөрся мөдөс лэдзалө гудыр енэжас разной рөма ракетаяс: турунвиж, виж, гөрд, лөз... Ме кынми места вылө: мый сэсса лоас мянкөд-а.

Тимофей бергөдчис мелань и горөдіс:

— Котөртам! Лыско, пырр-р-р!!

Шыасьөмыс эз вөв повзьөмалөн, но Тимофей исковтіс, и ме тшөтш лэбышті сы бөрся, воськов эг кольччы, ог төд, кызди верми ме тайөс вөчны, кор мөвпала та йылысь өні. Регыд ми зурасим лөня йирсысь көръяс вылө. Тимофей юөртіс, мый көин ли, сан ли чуйдіс көрсө.

Луныюгыдөдз сэсса кок йылысь эг пусьылөй. Көръяс нөшта на өтчид водавлісны, шойччисны и выльысь коксыныс чеччалісны. Ру виччысьтөг жө и сылі. Вылынкодь нин тыдовтчис шонді, коді Тимофейлөн шуөм серти талун ваяс гажа лун.

Сійө луныс меным эз ло кыпөдөн, кызди көсйис Тима. Чом дорын мянөс паныдаліс Одя баб, тыртөм ведраясөн вала лэччө, ме кокньөді бабөс, ачим валаыс котөртлі, но чомъяс пыртөдз здук сулалышті.

Чомйын кодкө чань моз гөрдліс и тшөкъялөмөн горзіс:

— Но, мый?

— Нинөм! — скөра вочавидзис Тимофей. — Көиньяс дөзмөдчисны.

— Дзонь вой кыкөн и нинөм?! — шыасис Карп.

— Миянысь эн дзөб, эрдалас өд.

— Кутшөмджык? Кутшөмджык! — бара гөрдлөм.

— Некутшом, — дөзмөма Тимофей.

Ок, мый вөчи йөй юрнам, янөді Тимаос да няйтөсьті ачимос. Сідзи и эг пыр чомъяс, бөрді додьяс костын, бөрын вынөн пыртіс Одя баб, сөйтөг воді балаганө. Мыйла нө йөзыс оз вермыны гөгөрвоны мөд мортсө?! Татшом юаломнас ме нөйтчи войбыд.

## ГӨСТЬ

Медся гажтөма менам колисны май празникъяс. Тувсовъя куим луныс кажитчис воон. Медся нин сьөкыд пукавны сөян пызан сайын. Ме вылө мөд ног кутісны видзөдны чомсяс, кокни руаөн, буракө, лыддьоны, оз сөрнитны. Некод ме вылө лючки оз и видзөдлы, Одя бабысь кындзи. Тима, тыдалө, сьөлөмнас жалитө, но яндысьө йөзсьыс. Денис старик шуышлө, морттө пө төдны кутан сэки, кор пуд сов сөян ськөд өтлаын. Но дивитө али дорйө тайөн сійө менө, ог гөгөрво, мукөдыс тай пель пырыс лэдзөны сылысь кывъяссө-а. Тимофей вильөн нудалис Карплысь черсө и менсьым даддьос дзоньталыштис, тундраас пө пуыс оз ло, шуис меным. Васьө чужьяс даддяс и вөйпө быд пөрийө, Тимофейыд пө абу йөй, со кутшөма төждысьө невеста вөснаыс.

Талун Май первой лун. Ставөн ывлаынось, коді мыйөн ноксьө. Тимофей ыджыд ыргөн тазйө яя лөсалө, айбарч керө. Карп, Денис старик да Васьө ас костаныс сөрнитөны, куритчөны. Нывбабаяс шөвк сарапанасьө-маось да ывлаө жө петөмаось.

Вичысьтөг Тимофейлөн Лыскоыс кымыныськө ав-авкнитис и сы бөрся шыасисны мукөд понъяс. Ставөн бергөдісны юрнысө сыланьө, кодарө увтісны понъяс. Син ёралысь — вералысь эрд вылын регыд төдчыны кутіс сьөд чут, коді өтарө ыдждіс и ыдждіс. Мойдса гундыр ыджда морт пукаліс даддьын да ньөжйөник өвтчис кузь харейөн, кокниа тапкөдіс көръяслы мыш вылө. Нель көра дадюв матыстчис ньөжйө, позьө шуны, уйис васөд лым пөвстөд.

— Васька Ёгор тай!

— Збыль сійө!

Даддьысь сьөкыда чеччис, тэрмасьтөг домыштіс вөжжисө ыджыд мыгөра старик.

Ставөн дадь гөгөр топөдчим.

— Здорово, годок! Ылісянь төді, — шыасьө Денис да кыкнан кинас кутчысьө воысьлы нюжөдөм ыджыд киө.

— Видза, видза! С празником и!.. — быдөнкөд киасьө воысь.

— Кодос ме аддза?! Маар-р-пуш, гөстьыс мый ыджда! — радлө Карп,

татшөмторсө ме сылысь медводдзаысь аддза. Казяла да, Карп висьталё отитор, а мөвпалё дзик мөдтор йылысь. Мортыдлөн сьөлөмыс томан сайын. Коскөдыс кутөмөн и пыртис гөстьос Карп чомйө. Збыльысь ыджыд друг бригаирлөн? Одвакө. Буракө, ыджыд начальник.

— Кысь нин тэнö бара Ен сетіс, Ёгор? — шензьө Одя баб.

— Мыйла Ен? Ме жö ас кокнам вои... Вескыда кө, көр кокъясөн.

Карп ачыс пөрччөдö гөстьлысь маличасö, кыскö сой пөлөдыс да төрөдö пызан сайö, дзик öти пуклос чомйысь сылы мыччö.

— Уф! Пөдi! — кашкө, öдва лолыс шедö гөстьлы. — Лёк тулыснас и овнысö морыдлы сьöкыд... Кокъясö со поводдя төдöны, узны оз лэдзны...

Гөстьлөн пашкыр юрсиыс эзысь, кымöсыс весьт пасьта.

— Но, мый нö нин, кыз нин оланнид-выланнид? Веританнид он-а, сьөлөмö тi помлась ёна висис.

— Олам тай, быдöнысь полам, — кужтöма кывсö сюйис да пыльсмуни Васьö.

— Эн жерьяв! Пиньсьыд еджыдджык он ло! — скöрысь видзöдліс внукыс вылö Денис дед да гөсть дорö шыасис. — Да, ыджыда ошйысьны нинöмөн, а тiяö кызди?

Карп кыйкъяліс быд сёрнитысь вылö, сотөмөн сотіс видзöдласнас Васьос, кодi весиг вешйис пызан дорысь чом пельсö.

— Быд бригадаын делöяс шывылось... — кыз сьодасьөм парьясö нюлыштіс гөсть. — Понимаешь, көрыс жеб. Уна нин туй бөрö коли... Ватага паськалі...

— Сытөг оз овлы, — мыйлакö шпыньмуни Карп, синнас кытчөкө ыстіс гөтырсö.

Марпа котөрөн чомйысь петіс...

Ок, öд кутшөм пöслук Марпайс!

Пуам-пражитчам, кисьтам блин, лосьöдам айбарч. Дозьясөн додьяс дорысь пырис Марпа. Чомйын дугдывтөг көрт пач лөдсалöмысь пөдтö жар, гөсть да и мукөдьяс пөрчисны кызджык паськөмсö.

— Ок, ог радейт ме вина юөмсö, мыйта сы вöсна лекторйыс лоö!

— Люба! Тэнö мый?! Тайö ме-медичкаыс и эм! — Карп меліпырысь юөртіс ме йылысь гөстьлы, кор сибөдчи сёян-юанөн тыр пызан дорö да нюжөдчи бок вылам небыд воль вылö, чужөмөс сөмын төрөдi пызан дорö йоз косттыс. Оз öд ков, да тшөктöны! А он пуксы: ыждалөмөн, лёкалөмөн шуöны, он кө тшөтш гажөдчы.

— Ноко, босьтiмö! — кыпыда чуксалö Карп. — Гөсть! Ставөн, ставөн! — быдөнкөд чокнитчис.

Гөсть кыпөдліс юр весьтас вина тыра стöкансö, кузя падьялөм бöрын киргыштіс:

— Но! Мед ставыс бур! С праздником инö!..

Мужикъяс тыртöмтисны кружкаяссö, юыштіс и Марпа, толькö ми Öдя бабкöд вом дораным вайöдлім и пырысь-пыр бөр пуктім ныр уланым... Да и гөстыс вомас эз босьты.

Карп ыджыда ымöстис юом бöрас да шмоньпырысь шыасис:

— Пыр на важкодъ тай! — няклявны кутіс вом тырнас пызан вылысь гырысь яй кусökъяс. Нятшкö сідзи, пельясыс вөрöны. — Ті нö мый! Ёгор Васильевич, праздник помлась!

— Сё пасибö! Ог! Ог вермы!.. Карплöн мугыд чужöмыс и кыз сьыліыс кутісны гөрдöдны.

— Вышитчан?! Подумаешь!

Тапнитіс гөсть Карплы пельпомас.

— Понимаешь, племеш? Эг вина юны ме лок, Карп Кирьякович.

Карп эз вочавидз, паръяссö курччаліс, а сэсся бергöдчыліс да боксьыс «Родина» приёмниклысь ручкасö бергöдыштіс, горöбтіс кыз, мича гөлöс чум тырөн.

А гөсть вувзъысьöма чай вылö: пушкö, гөрд клеткаяса турунвиж свите-рыс гөйöдзыс кайöма.

Карп нёнялö кыз чигарка да сьөлөмсяныыс тшын кольчаяс лэдзалö. Гожся, дженьыд соска дөрöма, вöсни сойясыс зэв кузьöсь, ош лапа кодъ гөнаöсь...

— Но, понимаешь ли, чайыд чайён, праздник праздникөн, но ковмас и могöс ассым висьтавны, — пуктіс чашкасö гөсть. Карп дорö матö нёровтчыштöмөн ставлы кылөм вылö шыасис Ёгор Васильевич. — Кор сэсся думайтанныд каралö воны?

— Бура кö вөрзявны... Верст комын-нелямынөн чарөм кузя... Вежон мысти воан, чайта, — мед не дзугны, буракö, кывъяссö мичаа торйöдлөмөн шуалис Денис.

— Зэв вед спрора! — сөдзöдіс пинь пырыс да кымöс вөвтіыс буж-гыльтчис дед вылö Карп.

— Мамтö шогöдысь! Гражданскöй дырйи тундрасö подөн помсянь помöдз вожмавлі еджыд банда бöрся вөтлысигөн, — öддзис старик.

— Тэ?! Банда бöрся?! — синъяссö паськөдіс рөднöй дедыс вылö Васьö. — Нэмнас на эн висьтавлы да...

Дед шпыньмуні:

— Эг ме, тэнад дедыд...

— О-го-го-го! — быттьö тыртöм ведраö кучкалісны, гора серöктіс Васьö. Гөсть лөсьöдчис пызан сайысь петны.

— Карп Кирьянович, ме вед тэкöд сёрнита. Вай шу кыв, кор каралас лоанныд. Вежöрам пасъя колана кывтö.

— Воам! Кор колө, сэк и воам! — кыпыда көсйысис Крап.

— Июнь 20-өдыс медбөр срок, — кывкөрталіс гөсть. — Тимофейлы колө водзджык локны каралас, веттехникыс көръяслы прививкаяс вөчигөн оз тырмы. Да и медичкаыс на отсасыштас, гашкө.

— Да, асныравны, дерт, оз позь, — шыасис пельөссиянь Тимофей.

— Мытш, шурин! Ачым төда! — шуис Карп.

— Ме ас вөсна төдышта жө, — зрыштіс Тимофей.

— Ладнө, огө кутө вензьяны, — лабутнөя водзө нуөдіс сёрнисө Ёгор Васильевич. — Мый шуөма — вөчны. Каралын аддзысям. — И петіс.

— Тэ, шурин, — Тимофей дінө шыасис Карп, — стадасө караулитны сямман, а көзяйствоас төлкуйтан сөмын дадювса бык мында.

— Мыйла колө сёрмөдчынысө?

— Кывлін? Көрыс туй бөрө кольөма. Став колясыс эз кув. Лымйыс сылас, и бөр кокйив сувтасны. Найөс и өктыштам ас стадааным. Гөгөрвоин, шурин? Карплысь юр вемсө сизь эз кокав.

— Тайө өд, Карп Кирьянович, гусясьөм лоө.

— Сідз жө зверь травитас, — мыйлакө кезнитліс бригадирөс, видзөдліс ме вылө да тшөкмуніс.

Гөстьөс колльөдісны ставөн. Кор пуксис дадь вылас да войөдіс дадювнас, ме юалі Ёдя баблысь, коді, мися, сійө.

— Вась Ёгорыс? Партееч. Завыс фермаас. Сійө и тундраас мян вылын көзяиныс. Шань морт.

Гөсть волөм бөрын дзикөдз потіс вина гагныс зятя-шуриналөн. Оз сёрнитны и румка өтлаын оз пөрөдны. Вөжон чөж чомным сулалө өти местаын, Тимофей да Карп та вөсна тшөкыда вензьяны, зыксьөны.

Тимофей кык асыв нин ветліс удж вылө чай ютөг. Марпа чойыс нарошнө дыр узьө, верөсыслы жө коклябөрө тувчалө. Ме куті водз чеччыны да Тимофейөс юктавны. Сэсса Ёдя бабкөд өтвылысь дзоньталім пастуклысь нярмөм төбөксө. Тима көмасигас нинөм эз шу, гашкө, унзильвывсыс эз и казьяв.

Ме сувта, водз нинөм ог керө да мудзтөгыс унмыд оз лок. Тешкодь, водан югыдөн и чеччан югыдөн. Öти асылө пон увтөм шызьөдіс мянөс, көрдор понмыд ройө оз увт. И збыль вөлөм гөсть локтө. Сыладорсянь жө матыстчис, кодарө мунліс Вась Ёгор. И дадювсө домыштіс буретш сійө аргыш бөрас, көні фермаса завлөн сулавліс вөжон сайын.

Ми матыстчим гөсть дорө, дадь гөгөрыс сувталім, а воысь бара на кодөскө быттө виччысьө, мыш саяс видзөдлас да юрсө копыртлас. Ёдя баб дзик чужөм дорас сибөдчис, сюся-сюся дзоргө, сэсса тай нюжөдас:

— Ми-итрей! Мый нө нин? Бурьсь али лөкысь тайө?

Воысь эз сёрнит, тыдалө, мыйкө лов вылас абу лөсьыд. Перйис шөвк

табак көшөлсө да кыз чигарка гаровтис, өзтысис да вөлисти киркигыр, быттьо йиа ваон прөстудитөма горшсө, шыасис:

— Вась Ёгор вед кулөма! Дады вылас пуксөн и сьөлөмыс сувтөма.

— Ойя да ойя! — кыкнан кисө енэжлань шевкнитөмөн лыддьөдлыны кутис Ёдя баб. — Беднөйө! Нестшаснөйө! Жальө, Ёгорө-ө-ө...

Ми Марпакөд бабөс кутим сойбордьясөдыс да лөньодам, мися, эн асьтө весьөпөрт, он нин Ёгор Васильевичтө бөр ловзөд.

— Рөд, гашкө, вөли бабө? — кызди верма меліджыка юася.

— Абу рөд зськө да, мада... Сват лоө жө ылісянь. Зэв нин прамөй ньөр вөли, медбөр кусөксө вомсьыс йөзлы вөзьяс... Отсалас нин мый вермас мортыдлы...

Пуксьөдим Ёдя бабөс дады вылө, валерьянка доддысь перйи да юкталі. Баб аслас гөлөсөн нин шыасис:

— Кыдзи нө кулөма? Оні нө кыз сытөг, көр видзысьяслөн өд бур юрыс оз ло.

— Тима Вис дорысь аддзисны. Пырзьөма нин, даддяс куткырвидзө, юрыс морөс вылас лэччөма, веськыд кыис шуйга морөс дінас кынмөма.

— Сьөлөмыс! — артмис менам.

— Сьөлөм вылас, коньөр, вексянь норасис! — сыркмунис Ёдя баб.

— Поньясыс пө кыкнаныс сэнөсь: өтиыс дінас, дады вылас, мөдыс бокланын көин моз омлялө. Көрьясыс ловьяөсь и, вөжжисө крепыда кын киас гаровтөмөн кутө.

— Төдіс ли мый ли... Ме пө татчө тундраас и кула, кор юалан, серам вөчлывліс... Кылыс вөтис, мадаясө, — нюкрөдлана лыддьөдліс водзө Ёдя баб.

— Төгөты! Төгөты! На тэд! — друг кывсис Карплөн чорыда горөдөмыс. Сійө чужьяліс чим сьөд кузь гөна гөстельсь понсө, коді вөлөм сылысь понсө пурө.

— А-а! Митрей тай, — увтыртігмоз шыасис Карп. — Могөн?

Некор на ме эг кывлы ижмасаяслысь, медым пырысьөн гөстельсь могсө юалісны. Быдөн казяліс, бригадир кыскө локтис вирыв ош кодь скөр.

— Ёгор Васильевич кулөма... Да ещө йөзыс нин кокасянінынөсь. Тшөктисны корны Тимофейөс да медичкасө да...

— Мый нөшта «да»-ыс? Шу!

— Асьтө тшөтш стаданас зэв виччөны. Тулыс өд сөрмис-сөрмис, а оні со кызди талялө. — Митрей виччысис Карплысь воча кыв, а мөдыс чашйө-пөрччө кокьясьсыс кыса лямпаяссө да скөралө.

— С-суи кө зськө, места выланыс че-чергөдалі, менсьым юасьтөг стадасө гөнитөны-тойлөны!

- Ой-ой! Карпушко, йӱз сёрнисӱ тай нин он кыв. Вась Ёгор ӱд кулӱма, — лывкӱӱдлӱ Ӓдя баб.
- Кулис кӱ, олӱм вылысь нин, — шуыштіс Карп.
- Мый нӱ тӱкӱд, Карпушкоӱ, лоӱма?
- Он ӱмӱй гӱгӱрво, пӱрысь, ме-менсьым юасьтӱг пастукьяс стадасӱ толӱны каралӱ!
- Гӱсть чай ютӱг муніс мян чом дорысь, ӱбидитчис, тыдалӱ.
- Сэсся коркӱ чом дорӱ воисны Тимофей да Васьӱ, чӱла лӱдзалисны дадӱвьяснысӱ.
- Миян нӱ бур юраыс кӱні? — бӱрдӱмсьыс чирӱм гӱлӱсӱн юалис Ӓдя баб.
- Сӱйӱ кольчис. Стадаын дед, — вочавидзис Васьӱ.
- Чомысь муш кодь пӱльтчӱм петіс Карп, буракӱ, скӱр йывсьыд пӱрӱдӱма нин стопка.
- Коді тшӱктіс? Ме тӱян петкӱдла!.. Ті али мый бригадирыс? Ӓтвечайтанныд, мыйкӱ кӱ лоӱ!..
- Век нин пӱра, зять, — лӱня, но ясыда шуис Тимофей.
- Мый нин пӱра? Ноко, висьтав! — ыджыд да ӱн Карп вевттис мыгӱр-нас шег кодь Тимофейӱс.
- Йӱз моз тӱ верман юасьны? Эн чеччав — ог полӱй, — и ме дорӱ вешӱис Тимофей. — Вась Ёгор на кулӱма и.
- Тӱдсӱ нӱ мый, кулі кӱ? — дӱльӱдчана юалис Карп.
- Ми мыжаӱсь жӱ... Кольчим вӱрӱ да сӱйӱ татчӱдз косавліс... — ыпьялӱ тшӱтш чужӱмыс Тимофейлӱн. — Йӱзлысь пастбищеяс травитам. Яндысьны колӱ.
- Мытш! Тӱнсьыд оз юавны!..
- Ме, навернӱ, зять муна дзикӱдз ті дорысь, — кыдз кымӱртӱм повӱддя дырӱи зӱр, виччысьтӱг юӱртіс Тимофей.
- Ставӱн чӱв усисны. Карплӱн чужӱмыс серӱссис.
- Муна мӱд бригадаӱ. Юр сюяніныд быдлаысь сюрӱ.
- Но, ладнӱ, шурин. Эн сӱр, мый оз ков. Пара лата горт пӱв вылас ковмас сетны Ёгорлы, — шай-паймунӱма Карп. — Чай юам и ӱні жӱ туйӱ. Майбыр, век югыд, лун кӱть вой.
- Тимофейлӱн чужӱмыс пыр и югдіс. Горалигтыр найӱ пырисны чомӱӱ Васьӱкӱд нурьясьны.

## ЙӱЗКӱД АДДЗЫСЬЛӱМ

Коймӱдысь нин вӱрзимӱ. Аргышьясӱн буза-базакылысь толаясӱд кыс-

кысьом бөрүн чомнымос сувтодам лымйысь мездьсьом, быгалом гөрд мылькъяс вылө. Миян аргышъяс бөрся кольө уна километр кузя гөрөм уль лым. А мыльк вылысь сира төбөк нырөн чужйыштам мусө, и гөрд бус лыбө паныд. Өтарсянь и мөдарсянь мича лөзөн волялөны яр шондї улын кузьмөс, гөгрөс и змей моз веглясысь тыяс. И лымйыс кажитчө лөз рөмаөн.

Ясөвеляө миянлы, туйсө индө, Денис дед, нярмом каюр маличаа, куш юрсө вевттьома вижөдыштөм пеггу шапкаөн.

Тимофей да Карп өні оз нин дузъявны өта-мөд вылө, зїля өтвив тойлөны стадасө каралө. Карп, мем кажитчө, весиг меліасьны кутіс ставкөд и торья нин Тимофейкөд. Ачыс курччасысь вөв моз жерьялө, а кивыис мавтө व्या бордөн.

Унджык кадсө ми мөвпалам ас кежын, аргышъяс өта-мөдысь ылынось. Водзын аслыс төдса ордымъяссө чукльөдлө Денис дед, шөрас ми Марпакөд, бөжсө сигөртө Өдя баб. Вөрзям водз асывсянь, витшкөны додь суювьяс, нюркйөдлөны нэмөвөйся сьыланкывсө. Лун шөр бөрүн ясөвөйным вайөдіс миянөс ыджыдкодь мыльк вылын дөввидзысь кык чом дорө. Сэні бергалісны уна йөз да дадюлаяс. Дерт, ми висътавтөг гөгөрвоим: тані бөрья туйө кольөдөны Вась Ёгорөс. Өти чомъяс некутшөм көлуй абу, көр волясөн вевттьөм джекъяс вылын куйліс покони́к. Йөз пырис-петіс, прөщайтчис пыдди пуктана морткөд. Мужичөйяс пөвстысь кодсюрөяс чышкышталісны син дорьяссө, а олыштөм нывбабаяс гора лыддьөдлісны, бөрдөдісны покони́ксө. Мөд чомйын лөсьөдөма тундраса сөян-юанөн пызан, мед бура казтыштны кулөмаөс.

Куим мужичөй стружитісны горт пөвьяс, норасисны оз пө тырмы. Карп перйис доддьысь да сетіс кык лата, вель паськыд кузь пөвьяс.

Кузь тушаа мужичөй, кодөс шуисны Павелөн, висъталіс, регыд пө локтас вертолёт и лэбөдас Ёгор Васильевичөс чужан сиктөдз, сьөдз пө ставсө колө лючки эштөдны. Павеллысь быдөн кывзысисны, сійө, буракө, өні лоис фермаса завнас. Горт вөчысьяс дінө сюртчис тшөтш миян Тимофей. Кыла, эз нин өтчыдысь горт вөчысьяс шыөдчывны Павел дорө, зэв гырысьөсь пө көрт тувьясыс да пөвьяс потласьөны. Дерт, начальниклы посниджык көрт тувсө некысь сюрөдны. Сійө чөв оліс. А Тима аддзис петан туйсө, пу тувьясөн пө ставсө йитлам.

Вертолёт воис рытгорув, пуксис орчча мыльк вылө. Еджыд горт көр видзысьяс пыртісны көрт лэбач гыркө.

— Прөщай, Вась Ёгор! — өттшөтш горөдісны Денис дед да Өдя баб.

Меным вөлі шог жө: өд медбөрья здукөдзыс мортыс вийсис-уджаліс. А ме, медичка, немторйөн эг вермы отсавны.

## КОКАСЬОМ

Көр кокавыны — сійё лоё стада лэдзны карал пыр да көръяслы вöчны прививка, медым гожомнас эз паськавыны кокасьём висьёмъяс.

Выль завьс каралё кыскис Тимофейёс да тшöтш и менö. Дерт, сэтчö чукöртчисны уна йöз: веттехникъяс, кыдзи Тимофей, вöли и ветврач, чöv олысь дзор старик, рабочöйяс. Вель ыджыд коллектив чукöрмис. Ме первойсö думайтi, мый, мися, и керны та мында йöзыслы! Но уджыс ликмис пöттöдз.

Медводз мужичöйяс дзоньталiсны каралсö, кодöс лöсьдöмa кык ты костö. Стадасö веськөдöны тыяс костö, оз и казаявлы көрыс, кыдзи веськалö ыджыд йөр пытшкö. Сысянь йöткöны мöд йөр пытшкö, кодлөн вомыс векныыдджык да сійöс позьö пöдлавыны. Со стада меставын. Водзын бара на ичöтджык йöртöдъяс. Меддзескыдiнас, кодöс көрзина моз кыöма вöсни бадь ньöрысь, «кокалöны» көрсö. Прививка вöчöмысь кындзи каралөн и мöд мог — лыддыны көръясöс, пасйыны, кымын выль теля чужис, ыджыд-ö лоины воштöмъяс. Уколалём көрыс кузь коридорöд котöртö ыджыдкодь йөрö, сы бокын сулалö бригадир да горзö точкысьяслы-пасьялысьяслы:

- Хора!
- Важенка!
- Намнюку!
- Нялуку хора!
- Сырича!

Дзескыд камеравын зыка удж. Вийся, ачимöс ог жалит: варыш моз сатшкыся вийсьысь көрлы сьылиас да сывъяла. Вынаджык көрыд менö чышьянöс моз летйöдлö. Сэсся кутшöмкö мужичöй отсөг вылö воас, не-тшыштас водз кокöдыс, да менам көрыд буса му вылас нюжмунö. Сэки перья вакцина да укол вöча: нетшышта гөнсö сьылисьыс, кушöда кучиксö, йодөн мавта и — укол. Вынаджык пастукыдлы нинём оз сулав көртö бертны: тшапкас тшöкаöдыс да жмитас көрлысь юрсö аслыс морöс бердас. И яр зверьид кукань кодь лоö. Но век жö сувтса көртö уколалiгөн медся на ёна колö виччысьны, вермас водз кокнас чапыштны, дойдны асьтö либö кисьтас вакцинатö. Эз öтчыдысь та йылысь меным дольлы Тима. Да и уна мукöдторйö сійö менö велöдiс.

Уджалам водз асывянь сёр рытöдз, позьö шуны, усурмунтöдз. Мукöд стадаыс кык тысяча сайö көр, быдöс колö кутлыны. Он пытшьясöс кутав, а визув зверьясöс, торья нин мудзöны пастукьяс. Шойччöмыс вичмылö сöмын сэки, кодыр стада воигьясö кост овлö, лун ли мöд ли. Кык лун шойччим, виччысим Карплысь медбөрья стадасö, весиг Павел да Тимофей корны ветлисны. Карп зэв скöрысь понмалёмөн сюйис стадасö каралö. Шондiа

жар лунё веськаліс; июнь помасьё, турун веждё, корьяс сярвидзёны. Уджалам, пось кисьтам. Коркё и пажын кад воис. Зэв виччысяна кад быдёнлөн. Сёян көр начкыны индём мужичёйяс тільоны-пөрччөдөны кусё Карп стадаса медся шылъыд да паськыд мышкуа хапторкалысь, йёз ыткөбтис бипур дорын ноксьысь пөвар дорё, а ми Тимакод лэдзим ки помысь кокалан камераын медбөр көр да вёлисти, кызди видз вылын зорөд чөвтысьяс, тэрмасьтөг сэтчө жё довгим.

А көр туша дорын нурьясьёны нин! Сёморё! Пуртөн вундыштёмөн и вир сорөн няклялёны. Быр-р-р! Ме төда, көр видзысьяс оз вермыны уль сёянтёгыс, айбарчтёгыс. Но шоныд кадё! Кодыр сы мында стада таті прёйдитіс. Быд сикас бактерияыс вермас сюрны. Уськөдчи торкны лёкторйысь, өвтча, горза:

— Мый ті! Дугдө! Ковьяс! Ехинокок сюрас. Дугдө, мися, дугдө!

— Ох-ох-хо-хо! Медицина, эн виртё ми вёсна пустё портит! — гөрдлө чань моз Васьё и тшөкъялө тыра вомён серамысь. Гыгзьёны и мукөд кульсьысьыс, нарошнө ме водзын дэльөдчөны.

— Ы-гы-гы! Кутшөм бара ехинокок! Ен мед видзас, нэм сёям да... Тайё тай! — горалө пач пөдан пасьта гөрд чужөма мужичёй.

Но мый сэсся керан! Окота шошаөдыс быдөнөс кыскыны уль яя сёйысьясөс, гөграла, куысь пета скөрла, а дзик некод менё оз казаяв. Эг терпит, ки пөлөдыс кыскалі яя туша дорысь... Кывзысисны вед: некод сэсся виль пөв туша дорас эз матыстчыв, пөвар гөгөр чукөртчисны ставөн... Пөвар көрт кружкаясөн, дзик тырөн, быдөнлы мыччалё госөн кенясьөм яя шыд. Парьястё чишкалысь көрт кружка дор пөлялан, виччысьөмөн ныылалан чөскыд көра шыдсө... Небось сёйсьё ывла вылад, кор сола пөсьөн көтасьөма мышкуыд!.. Сёйигмоз апалан тшөтш морөс тырөн небыд тувсов сынөдсө.

Карал гөгөр му эжыс кульсьөма, талясьөма, кызди мөс видзан йөрын, чорөгөсь, гөптөсь... Мужикьяс пукалёны ас уланыс кокьяс сюркнялөмөн, нывбабаяс кокьяснысө нюзжөдөмөн. Сөмын Васьё өтнас бокинджык пукалө да вильөдө уль яя ордлы. Вильөдчө и аскөдыс сёрнитө, но өтлаын пукалысьяслы зэв бура кылө.

— Уль яйсө кө көр видзысь эз сёй, век нин кыссө нюзжөдіс. Эк, Люба, Люба! Яндыд, яндо жө и эм! Сэні став витаминьыс. А вир кө юан — өш кодь лоан.

Чөв олі да топөдчи, а сэсся эг вермы терпитны, чепөсийи Васьё дорө нывөв моз, тшапки кысьыс йиран ордлысө да тыё лэбөді.

— Эк, Люба! — ышловзис Васьё. — Кор нин миян кодь мортөн лоан?

— Васьё, лок шыд панаяв, — корисны йёз. Но Васьё быттё эз и кыв, вешийс расланьё да водіс. Ланьтис, буракө, унмовсис. Шыд сёйим, чай

юим и кылам: Васьö ымзыны кутіс, кынöмас кутчысьöма да лёкысь веглясьö, весиг кок йылас сувтлö, быттö няртала зёлöдö, вой көрöс кутö, сэсся бара жбун усяс. Вылö чеччыштас и траски шыбитчö-шмоткысьö, быттö холераён висьмём көр.

— Йöйылдөн йöй кодь и висьöмыс, — шуис кодкö. Ме повзи, видзöдлйöз вылö: со, мяся, уль яй сёйöмыд кызди на бергöдчыны вермас.

Босьті лекарство да матыстчи висьысь дорö, мяся, кыті топöдіс, со пö, кынём увсö зырало. Видзöда да, абу быттö дундöма кынöмыс. Лекарство мяччи, а сійö кызди кватитас киöд да дзимбыртас менö ас улас.

— Ти-има!! Ти-има! — горза.

А Васьö песö лысьöмös да зильö оковны. Тима отсöгөн öдва мынтöдчи, суйышті зонлы кальк вомас көр нитшсö.

— Тэныд, Василий, збыльысь колö вакцинасö суйны, — скöрысь шуис Тимофей.

— Мый нö тэ суйсян, гашкö, Любаыс менам гöтыр лöб, — ырыштчис Васьö.

— На, — вайöді сылы ныр улас кабырöс.

Сэсся бара уджö кутчысим. Бергöдлам коньöр көръяслысь сьылдзирсö, кыз емөн укол варскöдам, бус лыбö и гөн лэбö.

Сэтчö и зык пансис.

— Ок и руч! Ок и руч, но и сöбака! Кык син костсыд ныртö гуас, — көритö Карпöс öтырышъя чигарка нёнялысь, вийöр пельпомъяса, ичөтик пастук Митрей, коді Вась Ёгор йылысь юөрөн воліс мянö. Сійö Карп стадаысь ассьыс вошöм көръяс смекайтö.

— Ме-ме-нам тайö көрыс, — асланыс нетшкö көрöс Карп. Митрей асланыс жö. Көрлөн пельыс пасйитём и збыльысь сьökыд шуны, кутшöм стадалөн сійö. Матыстчисны на дорö Павел и Тимофей.

— Тайö, зять, Митрейлөн көрыс, — лöня шуис Тимофей. Карп пыр жö дугдіс горзыны. — Шурин син улысь нинём он дзед. На, Митрей, джагай, — мый вынсьыс сöтыштіс Карп көрлы коскас, сійö лигышмуні, төкөтö коскыс эз чег.

Тадзи Тимофей отсöгөн Митрей кыскис Карп горшысь некымын көр, домаліс гезйөн дадь бöжас. Бурмис сьёлöмыс пастуклөн, Тимофейöс ошкыны заводитіс.

— Вась Ёгорыс водзджык куліс, эз удит Тимофейöс партияс суйны.

— Партияс оз суйны, — шыаси ме. — Сійö тэныд абу карал. Сэтчö көрöны либö шыödчöны.

— Всö равно. Тимофейыд справедливöй, — кайтö Митрей. — Карп начкас тэнсыд көртö и асьтö жö гөститöдас, синнас оз лапнитлы. Тимофей сы ног оз вермы.

— Мытш! Митрей, лысьомтö иза!

— Он лысьт, тані начальствоыс матын.

Сёр рытнас помалім Карплысь стада кокалём. Бара тшөг хапторка начисны да мужичöйяс айбарчасисны, менам эз нин тырмы эбөсöй накөд водзсасыны. Шыд кружка юи да довги неыджыд керкалань, көні наръяс вылын узыліс мяян каралса бригада. Көть мудзи ёна, сьолём вылын вöлі кыпид, сьökыд удж помасис. Мужичöйяс узылісны улыс наръяс вылын да джоджын, нывбабаяс вылыс наръяс вылын. Нюжөдчи нар вылө и пыр жö умовси. Регыд сьökыд вөт заводитчис.

Быттö кыз му улын куйла, ки-кокөс вөрзёдны ог вермы, кыла, менсьым уна пөвста паськөмөс кодкө пөрччөдө, кынём кузя, бекъяс кузя кияс визлалөны. Кыдзкө-мыйкө клеитчөм син лысьясөс паськөді. Коді нө тайö? Пель дорам пошкө, коскысь вөньюс разьё и менө бан бокам окалө-чупйөдлө. Сө морө: Васьö! Бабаяс костö суйсьөма... Мый нө сійö менө пелалө?

— Чөв! Любуш, жальö, ставыс узьöны...

Васьö көрт асыкөн топөдөма менө морөс бердас. Öдва веськыд киөс прөстмөді. Буракө, дзикөдз зверми, звирк пукси, синьясөс арышті да кызд тай веськыд кинам став вынысь зутшварта Васьлы рыжөй тошка тшөкаас, гирилюки тутіс нар вылысь, грымгысис джоджө, быттö куль мешөк, керкаыс быдсөн йиркмуніс. Йöз садьмисны, оз гөгөрвоны, мыйла Васьөлөн нырсьыс виялө вир. Юасьöны Васьөлысь, а сійö нускө, нырсө кыскалө и кыв ни джын оз шу. Ме жö нарошнө синьясөс куни и куйла.

— Люба Ивановна! Висьысь эм! Мыйла нө он чеччы?!

— Аслас корсьөм висьөм сьлөн.

Йöз серөктісны да ланьтісны, бара кыз ун найөс личкис.

## ГОЖСЯНИНЫН

Асшөр ногөн бергөдчис тундраса дженьыдик гожём. Не кө лөддзыс да номйыс, пастукъяс ног — «грезсьыс», эг и казявлөй шондібанөс. Торъя нин ёна нөйтчө көрыс лөдзсыд, жмитчас стада öти чукөрө (тундра вылө), чушкө-пошкө көрыд, жарасьö, синьясыс код мортлөн кодь гудырөсь. Видзөдан пемөсьяслөн майшасьөм вылө да быдсөн жальыд петө. Медым кутшөмакө отсавны көрьяслы, пастукъяс босьтöны көр воль да матыстчöны стада дорө. Павкнитан вольсө му вылө и ачыд дорас лэдзчысян, киад тасма либө бөдь. Медся окотапырысь лөддзыс пуксьө еджыд воль вылө. Начкөм лөдзсө быдөн öктө торья тазйö — колхоз тайö уджсьыс мынтö торья дон. Ёна зильö тані Васьö, сійö быд лөдзлы вачкигөн горөдө: «Гад!» Гашкө, и мөд помка вөсна Васьöыс зиль лои — сійö виччысьтөг гөтрасис. Вежон дурис,

быдөнкөд видчис. Сэсса кытчөкө вошліс вежон кежлө и том ичмоньёс вайөдіс, банійом чужөма изьватас нылөс.

Гожсянінын чомъяс өта-мөдысь абу ылынөсь. Волөны өтка бригадаая-сысь пастукъяс и нуөдлөны менө асланыс чомйө, көть көр видзысьясыд кызвыннас дзоньвидза йөз, но гежөдика шыасьлөны жө медицина дорас. А өти чомйө мөдөдчи ачым дадюлөн. Кык лун сійө бригадаас нокси чом тыр посни челядькөд; гөгөр видлалі, мамъясныслы мыськыны тшөкті да паськөмнысө вежны. Вєськөдчи гортө, ас чомйө. Карп шуис мунігөн, вер-мас пө лоны «вөрзьөм», водзө мунөм. Карплөн чом быд асыв дөввидзис джуджыдкодь мыльк вылын. Көть тыдалө, но мунны колө вель дыр. Йөзын кык лунсө олігкості өтарө зєрис, а туйө петігөн дзирдаліс нин ёран шонді. Кєвмисны быдөн бур туй, но эз тай сідз ло.

Тундраад важ туйтө тальяны абу кокнитор, менам, тыдалө, бокө кежсьөма, син водзысь чомйыс вошис. Рытладорыс личкис ру, и ме шөйөвоши, пукси дадь вылө, виччыси ру потөмсө. А сэсса кутіс шливгыны-зєрны, чужөм кузя визлалө няйт ва. Вазьөм муыс быдзакылө кок улын. Шливгө и шливгө, ной паркайө вылысам лои пуд сьөкта. Со быттьө омөлика югдыны кутіс. Ме лөкысь горза, весиг корсьорө ырөстывлывла, но төда, коінъясысь кындзи некод оз кыв ливзөмөс. Йирмөг босьтө, чеччала домыштөм дадюв гөгөр. Гашкө, войбыднас ог кув ли мый ли? Некодлы тай, чайта, лөксө эг керлы, сөвесьтөй йөз водзын сөстөм. Мыйысь меным татшөм неминучаыс? Гөгралышта дадюв гөгөр да бара чуксася бөрдігтыр. Шы ни төв. Ок, көдзыд! И пола ме помтөм-дортөм тундраын. Он тай, небось, узь, пельөс чошкөдө-ма. Бордъясөн шутьялігтыр лэбис юр вєсьті утка кельөб. Матын кыліс мукөд лэбачьяслөн бордъясөн сьөкыда шлаккөдөм, буракө, дзодзөгьяс. Быд боксянь кылө уткаяслөн герчкөм, өд тыяс костса мыльктор вылын ачым сулала. Со бара: вук, вук! Вук, вук! Тайө ас позсяньыс вукөны кынь-пиян, мамнысө чуксалөны, көнкө абу и зєв ылынөсь. Майбырья! Сэсса му улысь моз горөдөм шы кылі. Ачым мый вынысь горзыны заводиті. Дугды-ла, здук кывзысь и бара горза. Сьөлөмө меным быттьөкө токөн лыйыштіс: вєськылладорын кодкө эм! Пасьмунөм ру пырыс аддза — ты мөдарас кодкө вуджрасьө. Ош, гашкө, да? Дрөж босьтліс весиг. А вуджөрыс ма-тыстчө, медбөрын мортө пөри.

— Ой, Тима! — котөрөн уськөдчи локтысьлы паныд, сывъялі да сыркъ-явны-бөрдны куті, Тимофейлысь дзоньнас морөссө көтөді. Тимаысь любө-ыс тайө здукас меным некод эз вөв.

Вөлөмкө, Карплөн бригада асывнас разьөма чомсө да вөрзьөма выль местаө, сы вөсна ме вошти сійөс ас син улысь. Нывбабаяс ропкөны, Люба пө воас да кысь чомсө аддзас. А Карп быттьө кывсө ньылыштөма дай пельтөммөма. Сэсса шуөма: гашкө пө, кор на воас медичкаыд да, төвсө тані

виччысьны ог кутёй. А Тима абу вунёдёма менё, чом местаас виччысьёма, сійё бригадаас ветлёма, кысянь талун асыв ме туяс петі. Шуёмаоьсь, муніс пё, сэсса и корсьысьны заводитёма.

— Зэв нин, буракё, Карплы колё вёлі вёрзынысё? — көритана юалі Тималысь.

— Ме думысь морттё виччысьыштны пыр нин позис, — öзйис сэтчө и Тимофей, коді бөрья пёраас, мем кажитчө, збойджык нин лоёма.

— Код тёдас... — нурбыльтіс вомгорулас Тимофей да содтіс: — Уна-ысь тай сійё вунёдлывлё йёз йывсьыд...

Чомйын зэв радёсь лоины менам воёмлы и лёглуной пыр жё кытчөкөсыліс. Воча, сё во аддзысьлытём быттё, кияссё нюжөдөмөн, уськөдчис Öдя баб.

— Оя да оя! Воин! А дедным вед этша эз дикмы, этша эз!

Денис еджыд чышъянөн төбөм чужёма, веськыд бан бокас кыкнан кинас кутчысьөмөн шөйтіс да копрасис чом дорын жё, ымзё, пинь висьөм тшапкёма.

— Медичкаыс вед воис, көзяин! Пинь кыскысьыс Люба!

— Ог, ог, пола! — дзөрөдө тошсё старик.

— Эн челядьясь, кыски.

Аслам жё сьёлөм кок пыдөсам лэччис, некор на вед нэмнам пинь некодлысь эг кыскыв, асьыым сөмын өтиөс перйылісны, а өд татчө торья суюсьлун колё, но и өткажитчыны абу лөсьыд.

— Гашкё, сідз бурдас, — өдва кылыс артмё Денис дедлөн.

— Кыскы, кыскы, лёксьыс бурөс нинөм виччысьны, — самасьёма старик дорас баб.

— Гашкё нё, пинь капляён, — ылөдлө дед.

— Кыскы, мися... мужик, полан! Ме ставсё кыскалі, ыджыд өчередь сулалі... Öні аддзан! — и баб дедлы жернитліс югьялысь көрт пиньяссё.

— Но ладнө, бара инө, старука, кывзыны тэнө ковсьылас...

Мем бөрынтьчыны вёлі оз нин некызди позь.

— Пуксьы, дедө, куд вылас да топыда кутчысь, — велөда ас думысь. — Тэ, бабө юрсё көзяинидлысь кут топыда... Дед, эн пов, ме сөмын видлала... Гашкё, ог и кыскы, пинь капля пукта, зэв кө сісь, сісь кө нё, кызди клещиас босьтан.

Быттё зэв прамөй кыскысь велөда, а ачым мудерита. Спиртовка вылын дезинфицируйті пинь клещи... Колё шуны, пиньсё кыскыны сё збыльысь вёлі мем зэв неокота. Теория серти быд пинь вылө колё торья клещи. Но тані ме өтнам, и клещиыс өти жё, коланасө кысь босьтан.

— Нолы, пиньтө видла... То нө, то нө! — Денис дед и ымөстны эз удит, кызди ме суюсьмөдчи да зэв өдйө кутчыси клещиөн индөм пинь

дорё, нетшыштї зэв збоя, кокниа и шедїс, мый клещи улас веськалі. Дед юалана видзёдё ме вылё, эштіс пё, то пинь вылас, кодї клещи помын на вёлі.

— Карп гозья вёлі шуасьёны, нем пё оз куж яन्दовїд. Со кутшём өдїё дедлысь вомсё прёстмөдїс, — ошкыштіс менё Одя баб.

Ме ог гөгөрво, мыйла дед чуньнас клещи дорё зурөдө. Видзөдлі бурджыка, акнитї: кык пинь тшөтш кыскысьсёма. Кутї видлавны клещисё ныр улё вайөдөмөн: сїдзи и эм! Шомөдз съодасьём кык пинь өтлаасьёмны, йитчөмны. Сы вёсна и кык шедөма, коть клещинас өтиё кутчысьлі.

— Кык кө и кык, — сьөлөм сетїс баб, — этшаджык мөдысь кежлө колис кыскынысё.

## КӨР ВИДЗЫСЬЯСЛӨН ТӨЖДЬЯС

Пашляк көдзыдьяс дырйи миян стада пырис төвся йирсянїньясё, Изьва дорса ягьясё. Райздравын меным пыр жё сетїсны отпуск и ме бара овмөдчи Катерина пөч ордө, сьлөн шоныд да сөстөм вышка вылө. Катерина пөч дорё, кодї менё ассъыс нылөс моз колльөдїс тундраө, эг жө куш киён лок, вайи бөчка тыр тундраса выя пелядь (Тимакод тывьясьлім да солалім). Ешө козьналі пөрысьлы, медым кокыс эз кынмы, том көр куысь вурөм кузь гөна чулкияс, чомсаяс ног, липичаяс. Одя баб да Денис дед ыстїсны сьөд пежгуяс, кык вежонся теляяслысь мича куяссё.

Ола сиктын. Со и шондї бергөдчис тулыслань. Көр видзысьяс бара тундраө петөм йылысь сёрни панїсны.

Көр видзысьяслөн сөвещание воссис районса культура керкаын, важмөм ыджыд пу вичкоын. Көдзыд ру тшын моз пырис шоныда ломтөм залө, помся дзуртїсны сьөкыд өдзөсьяс. Кинотеатрын моз бөрлань кыпалысь джодж, уна радөн сярвидзисны бур пуклөсьяс, пыранїнас збоя уджалїс буфет. Ру пытшкысь мыччысялісны са кодь сьөд малича юра мужичөйяс, лым еджыд юр выланыс алөй лента шыркөтша нывбабаяс. Сиктсаяс бара жө тшاپитчөны пушыд пежгуысь вурөм шапкаясөн, нывбабаяс — плис пальтоясөн. Изьваад празничайтнытө өна радейтөны.

Пырөм мысти ме здук гоньялі, төдсаясөс корси. Син улам уси гөрдөдны заводитөм важмөм маличаа юр, сїдзи и эм — Тимофей. Пукси сы бөкө. Тимофей гыррдза вылас тшөканас лэдзчысьөмөн мөвпалїс, меным гогнитыштіс юрнас да шпыньмунї мыйлакө.

Сцена шөрын бархатөм вевттьөм кузь пызан сайын пуклөсьяс тыртөмөсь на. Коркө-некоркө кузь пызан сайө петїс сьөд костюма, куш юра морт. Гыгалысь саридз кодь зал ньөжїё лөнис.

— Иван Васильевич, райисполкомысь предыс, — пелям шӧпнитіс мем Тимофей.

— Колӧ бӧрйыны президиум.

— Няша Пашаӧс!

— Правильнӧ!

— Карпӧс!

— Правильнӧ!

Зал горзіс и клопӧдіс кияснас.

Карпӧс сцена вылысь аддзӧм бӧрын менам сьӧлӧм ёкмуніс. Тимофей вылӧ видзӧдлі: чужӧмсӧ дзевӧ. Яндзим сылы, буракӧ, зять вӧснаыс.

Трибуна вылӧ сёрнитны петіс польдчӧм чужӧма, ыджыд кынӧма морт, ме сыкӧд тӧдса нин, Семяшкин, районас видз-му овмӧсӧн веськӧдлысьӧс вежысь. Мотор моз, гӧлӧссӧ вежлавтӧг, лыддис докладсӧ Семяшкин. Залын кутісны вугравны. Менам вежӧрӧ сӧмын и коліс: медся бура уджалӧма став коллективъяс пиысь, кӧрлысь юрлыд содтӧма, план вевтыртӧма Карплӧн бригада. Медся бур бригадирыс вӧлі и эм Карп.

Ме кыйкнитлі Тимофей чужӧм вылӧ, сійӧ важ моз на юрсӧ лэдзӧма да синсӧ куньлалӧ, оз ли мый ли кывзы, узьӧ нисьӧ олӧ. Ме тувкнитышті гыррдзанам бокас, сійӧ веськӧдыпырысь бергӧдчыліс мелань да вӧйпис, ог пӧ ӧд узь, кывза пӧ.

— Вопросья! — шыасис залӧ собрание нуӧдысь Иван Васильевич. Кӧр видзысьяс этша сёрниаӧсь, но веськыд йӧз, мый эм сьӧлӧм выланыс, синмад шуасны.

— Некутшӧм план абу пастбищеяс вердӧм кузя, коді кызди кӧсйӧ — сідзи и олӧ, — чилзіс кодкӧ бӧрья радсянь.

— Правильнӧ!

— Сідзи и эм!

— Колӧны виль пастбищеяс.

— Мукӧд пастбищеыс тандара кодь нин.

Иван Васильевич лыбӧм зыксӧ чӧлӧдіс кӧлӧкӧльчикӧн.

Сэсса трибуна вывсянь сёрнитіс Няша Паша, аслас тӧдӧмлуныӧс тундраын паськыда нималысь морт, уна бур сӧвет сетіс, кызди водзӧ йирсяніньяс бурмӧдны. Кывзісны сійӧс зэв сюся да дыр клопайтісны.

Сэсса трибуна вылӧ кайис Карп, чужӧмыс тӧвся шонді кодь гӧрд, дарьясьӧма, оз мыктав.

— Таво ми пуктім став вын, мед сохранитны поголовье. Оно у нас сей год бур. Веськыда шуа, ог ошйысь, миянлы, кызди ті тӧданныд, ёна отсалісны районас юралысьяс, налы ыджыд аттьӧ став кӧр видзысьяс нимсянь.

— Охо! — кыліс залсянь.

— Тэнад тай мыйкӧ вывті нин бур ставыс?!

- Мудер руч да, дерт.
- Колö кужны да оз ков узыны, — вочавидзис Карп.
- Ещö кодi мöдö сёрнитны? — кыпöдчис Иван Васильевич.

Ме йöжгыляси-йöжгыляси да школьник моз лэпти киöс.

— Кыв сетсьö... — председатель джёмдылис, сийö, тыдалö, эз тöд менö и куалис öтилысь, сэсся мöдлысь и сы бöрын сöмын юöртис: — Лудыкова-лы... Медработниклы... Висьталас тундраын медицинскöй проблемаяс йылысь.

Ог ме тöд, кызди мунi залöд, кайи джуджыд пос кузя, лои трибуна вылын.

- Дона ёртъяс! — ме джёмдi, колана кывйыс эз сюр.
- Давай, давай, медицина! — горзö кутшöмкö бузгун дядьö.
- Эн пов! Петкöдлы.

— Сёрнитöй, Лудыкова ёрт, ми кывзам, — ышöдiс Иван Васильевич. Сылөн восьса нюмысь ли мый разьсис менам кыв-ворöй. — Ёртъяс! Ме көсья шуны коллективын климат йылысь.

— Но-о, поводя вылö вуджин, мадаö...

— Мый нö висьталö?

— Чомйын ми олам разнöй йöз, век öтлаын, öти котырын, öткымынъяс костын кө абу вирьяслөн лöсялöмыс, кутшöм сёрни вермас лоны дружнöй удж йылысь? Со мый вöсна колö тшöтш тöждысьны бригадаяс котыртигөн, — сэсся тэрыба бөр лэчки трибуна вылысь, пукси бөр аслам местаö.

— Лудыкова ёрт вальтор шуö, коланатор, — кывкöрталiс менсьым сёрниöс Иван Васильевич.

— Кыв сетсьö Артеев... Тимофей Павловичлы.

Тима сцена вылö котөрөн моз и кайис:

— Ёртъяс! Ставыс мян вöчсьö индöдъяс серти. Миян эмöсь маршрутнöй картаяс, но веськыда кө шуны, ми сийöс ёна торкалам. Босьтам мянлысь бригада, коть бригадырыс менам зять, но ме лекторсö ог көсьы дзёбны: Карп Кириянович передöвикөн көсий лоны мудеритöмөн, йöз тшöт весьтö. Маршрутьястö сийö быттö оз и тöд. Став йöз водзын шуа, мед водзö татшöмыс эз вöв.

— Ас төлкын-ö тэ, шурин? — кывлысис Карп.

Тимофей трибуна вылысь лэччис пöсьсö чышкалiгтыр. Сэсся заводитiсны сетавны премияяс. Ми неуна виччысьыштим да петим ывлаö. Пажнайтим Тимофейкöд тыртöм на столöвöйын, ми медводз сёйысьяс, буракö. А талун рытнас совещание вывсаяслы банкет, сiдзкö и мянлы Тимофейкöд тшöтш инмö. Сёйöм бöрын Тимофейкöд ветлөдлам райцентрса магазиньясöд. Нинöм ог ньöбасьöй, прöста синнымöс вердам. Кутчысям ёрта-ёртъян верст сайын: Тима то мöдар туй бокас вуджлö, то бөрö кольччылö. Ней-

джыд сиктад ставыс тэнö аддзöны. Сёрни улö пыр и сюран, а Тима зэв яндысьысь. Чöv олам, быттьö кывтöм пемöсьяс, кор Тима матынджык лои, ме шыаси:

— Ёна жö дзескöдін зяттьö.

— Эг на ставсö висьтав. Сэки тай тулыснас, помнитан, оз вöлі лэдз менö каралас, стадаас чукöрмöм бокöвöй көръясöс корö вöлі кутавны да пеляныс ас стадасьыс пассö тэчны. Ме эг нин кут лясöсьтчыны. Пасьялöма öд ачыс.

— Таысь öд судитны колö, — ырыштчи ме.

— Мун да докажит öнi, кор пельясыс бурдiсны нин.

— Со кызди сiйö передöвикас петöма, ме неуна гөгөрвоышта жö вöлі мудеритöмсö. Тима, водзö ог лэдзö сылы татшöмторсö вöчны?

— Ог, — чорыда шуис Тима.

Пемдытöдз шöйтiм сикт кузя, а сэсся менам грездö, Кырулö, веськöдчим, кодi вöлі райцентрсянь километр сизим сайын. Рытулас тövзьысис, да турöб лыйис. Кырулö кежан туй вежын миянлы паныд сувтiс Карп.

— Повзинныд, шыш гозья? Тiянöс ныр вылö усьтöдз нин корси, кытчö, мися, вошины? Туй вежас лои виччысьны. Тимофей, тэ шурин али портянка? Ноко волы татчö матöджык! Волы, кора кө!

— Эн мун! — дöбельки тувччи Тималы пимиа кок вылас.

Но Карп нетшкö нин Тимофейöс киöдыс.

— Ветлам, менам доз эм!

— Оз мун Тима! — шуи ме.

— Тэд нö кутшöм мог! Гöтыр али мый? Мунiм, шурин.

— Оз мун и ставыс, — петук моз зырöдлi ме ыджыд Карп вылö.

— Эн кывзы некор бабаясöс, ас юрнад ов! — велöдö Карп.

— Ог ю ме! — нетшыштiс кисö Тимофей.

— Вузалин ассьыд рöдтö!

— Мунiм, Тима, мунiм! — тойла ме Тимофейöс зыксьыс ылöджык.

— Мед дукныд сэсся эз вöv тундраас некоднанныдлөн, — пиньяснас гирскис миян мышкын Карп.

Сойбордiйöдыс кутöмөн Тимофейöс ме котöртöдi чой горув. Эг и казялöй, кызди ас сиктö воим, ас керка дорö, Катерина пöч ордö.

Кильчö вылас нин роскөн малича юръяснымöс ёрта-ёртлысь пыркöдiм, буретш ме вöлі вильшасьöмөн швачöда-пыркöда Тимаöс, кодкö мышсянь тупкис менсьым синъясöс. Öдва мынтöдчи. Дженъыд пальтоа, туплиа да клёш гача ме водзын дзöргис Васьö.

— Привет молодежи! Гуляятад?

Тима дорö ёнджыка топöдчи, öдзöс вугьяс кутчыси.

— Люба, Люба, нөрöвитыштлы но... — гөлөссö вежлалö Васьö.

Эг терпит, зырөдлі варыш моз.

— Код тай! Мый колө? Гөтырыд абу али мый гортад?

— Люба! Ивановна, сьөлөм косьтысьө! — веглясьө Васьө.

— Мун, мун гортад! — тойлала бөрлань ме Васьөс. — Аддзыла, гөтырыдлы висьтала.

— Ме өдйө ки пөлөдыс пырті Тимаөс да игналі кильчө өдзөссө. Ас думысь бура вөчи, Тималы ме дорын лоө талун медся бур. Васьө гольөдчис да камөдчис крукалөм өдзөсө, но миянлы Тимакод Катерина пөч борд улын вөлі шоньд и лөсьыд.

## БӨРКЫВ ПЫДДИ

— Мада нылө, Маша, чай юны лок, — вөтын моз кыла Катерина пөчлысь корөмсө. — Он өмөй кыв нинөм, мый дыра нин горза-а...

Маша сөмын на пөдлаліс Люба Лудыкова дневникысь медбөрря лист боксө. Мөвпалө. Кутшөмакө и завидьтө сылы. И пызан сайын юрысь оз петны том медичка йылысь мөвпьяс.

— Катерина пөч, тиян ордын овліс медичка Люба.

— Люба Ивановна? Кыдзи эз. Овліс. Оні райздравөн веськөдлө, — и Маша син водзө сувтіс гөгрөс чужөма, мелі нюмбана, коді сійөс, выльөн воөм медработникөс, примитіс удж вылө.

— А верөсыс коді? — бара юаліс Маша.

— Тимофей. Оленьфермаөн веськөдлө. Ок шань морт. Гозья зэв кужөмөн олөмсө вөчисны, кыкнаныс институт помалісны, первой өтиыс велөдчис, сэсся — мөдыс. Век өта-мөдсө виччысисны. Со кык пиөс быдтөны. Төлкөвөя олөны, мукөд моз вина вылө оз видзөдны и.

Маша бара казтыштіс Любовь Ивановнаөс: томиник на ачыс, а со кытчөдз быдмөма. И шемөс босьтіс — абу немторйысь повзьөма, абу бөрыньтчөма сьөкыдлуньяссыс, ас кинас дорөма ыджыд шудсө. А артмас-ө Машалөн сы моз?

# ВАНЬӦ ДА САНЬӦ

**К**ӦР видзсыяслӧн чум ылӧдз дӧввидзӧ-тыдалӧ. Асывводз. Ярьюгид шондӧ юрвесьтса розь пыр чум пытшкӧ видзӧдчӧ. Тулыснад шондӧид тундраад и войшӧрнас оз дзевсыв, а сӧмын мусур весьтӧ муртса кезлӧ лажмӧдчылас. Асывводзсянь пӧжӧ.

Тундраса тайӧ чум пытшкас, палялӧмаӧсь да, гигзӧны-сералӧны кык вок, Ваньӧ да Саньӧ. А батыныс челядӧлӧн кӧр стада видзны тэрмасьӧлсьӧдчӧ, войсӧ дежуритысь Вась дядьӧс мед вежны.

Дӧзмис, тыдалӧ, Ваньӧ Саньлысь чирзӧмсӧ кывзыны да ӧлӧдӧс:

— Ноко! Дугдывлӧ сэсся, либӧ ывлаӧ петӧ ворсны!

Но мамлӧн мелӧ гӧлӧсыс пыр и дорйис:

— Мед, Павел! Регод кык вок ылӧ торьяласны... Жальясӧ меным! Ёна на гажтӧмтчам сэк.

Кык вок ай-мамлысь сӧрнисӧ пыдди пуктисны, сэк жӧ и чеччисны.

Лыддӧдлісны нин луньяссӧ, кор школаӧ лэбас вертолётӧн Ваня. Лэбас ас сиктас овны, дедыс-бабыс дорӧ. Школаӧ Ваньӧ пырӧ медводдзаысь на.

А Саньӧ ышнясьӧ, мый сійӧ кык во на ай-мамсыс оз торьяв, тундраад пӧ медлӧсьыд. Дай ай-мамыд дорын медгажа. И Ваньӧ кор оз ло, Авко кӧрписӧ сылысь Саньӧ ачыс кутас вердны няньӧн.

Вийсьӧны челядь, гӧб-лӧдз синмад да пеляд пырӧ. Мамныс мыссьӧдӧс вокьясӧс кӧшысь васӧ кисьталӧмӧн:

— Тэ, Ванюш пиӧ, буквартӧ велӧдышт, мада!

Вокыс местаӧ чилӧстӧс Саньӧ:

— Мамӧ, ме велӧда жӧ!

— Тэ, мада, дзоля на!

— Ме?! — и Саньӧ кок чунь йылас кыпӧдчыліс, мед Ваньӧысь не кольччыны тушанас. Мездысис Ваньӧ вокыс сойборд улысь да чом пытшкӧ зырӧдліс. А Саньӧ бӧрсяныс. Кык вок котӧрӧн вайисны мамыслӧн вурсян кудйын видзан букварсӧ. И пуксисны даддӧ, топӧдчисны орччӧн. Ваньӧ пыр и сардмыштӧм водз чуньнас зургис медводдза листӧ рисуйтӧм букваӧ да Саньӧ вылӧ дзоркнитліс:

— Ноко! Висьтав, этайӧ кутшӧм буква?

А Саньӧлы букварсыс пыр и серпас син улас усьлі, кызди нывка вом дорас кияссӧ кутӧ да горзӧ.

— Этайа-а! Этайа-а!

Чукля кывйыс Саньӧлӧн чорыда бергалӧ.

— Этайӧ? Ау-ау! Ау-ау!

Саньёос Ваньё съод чёлкаёдыс някыртліс мулань. Быдсён синваыс пырьс лёз синьясас доршасьліс.

— Выжыв! Тёрыт на төдін да?!

Саньё шешьялө, немтор сылы — дзөрө да нюклясьё, мыйысь Ваньёлөн вирыс нёшта пузьё.

— Он төд нин?!

— Часлы!

— Ёдйөджык но!

А Саньёлөн юрсьыс петөма нин, мый колө Ваньёлы. Сійё сувтіс Ваньё дорысь да кок пөв йылас чеччавны кутіс. То өти вылас, то мөд вылас, пеляс быттьөкө ва пырөма.

— Но, тэ! Ёдйөджык, шу! — скөрмис дзыкөдз Ваньё вокыс. А Саньё нин кутчысис Воронко понйыскөд ворсны. Терпенньёыс быри Ваньёлөн и уськөдчис вокыс дорө да сідз бөрсяньыс чепөльтіс, мый мөдыс лёк ногөн горөдіс:

— А-а-а!

Гөрдөдөма Ваньё, чужөмыс потө, а Саньё бара нин чиктывлө, чуньсө плешас кутө, кок пөв вылас век чеччалө.

— Төда, төда! Тайө буква... А-а-а-а! Медводз буква «А-а-а-а-а!»

— А мыйла нө водзвыив ин висьтав?

— Вунө-өдчыштлі-і!

— Но, а этайө буквасө төдан нин жө!

И Ваньё зурөдө «О» букваө водз чуньнас.

— Этайа-а! Этайа-а! Этайа-а төда, мися!

— Но, мый, мый?

— Этайа-а! Этайа-а! Буква «көлач».

— Көлач?!

— Да. Көлач.

— Ноко, ноко! Мөвпыштлы. Ноко! Кор айө уна чери кыйөма, тэ мый сэк горөдан, кор дивөйд петас?..

— Ме?! Чери? Уна! Уна чери! О-о-о-о! Буква «О-о-о-о»?

А мамыс басьсө вөлі вердө чомдор бипур вылын пуём шыд-рокөн, чайөн юкталө, да кыкнанныс гусьён радлісны-вашьялісны. Сэссия кык вокөс мамныс сёйны корис-чуксаліс.

# ВАНЬ ДЕД

— ПЕТЬО! Кузьма Петрован!  
Миян вёлосьта челядь тадз нимтоны сасьод чёлкаа юрсиа, чени-  
вези ки-кока да потш кодь кузь да вöсни тушаа шмонь зонкаос,  
кодi кöр видзисьяслөн пи.

Буретш төвся каникул рытьясö челядь котырыд миян радейтоны лавка  
да клуб дорö чукöртчыны. Сёрөдз вёлөсть кузя дзедьсясьомөн ворсоны  
челядь.

Вöли Рөштво рыт, важья праздник. Неважөн на ягын сувтөдөм кöр дор  
чумийьсь гортас воис Кузьма Петрованыд, и петис вёлөстьсö видлыны, и  
асьсö петкөдлыны öти вёлөсьтасяслы.

Веськалис сийö пöдса нин лавка дорын, кодi дзик выль на да, посни  
челядюлов костö... Вильышпозьяс ёна кутисны Петрованос грекө вöйтны!..

Челядюлов ыджыд кытшөн гөгөртөдөмны Петрованос да вильшасьöны.

— Петь, гашкө, тэ нин öни сэсса кöрдорса медыджыдыс?!..

— Петрован, дадювтö нö ачылд веськөдлан али айылд нö?!..

— Ха-ха-а-а-а! Хо-хо-о-о!..

Петрован бур неблюй маличаа, пакьясөдзис чөрьяса сьод-сьод кысья-  
сысь вурөм, саөн лөстались төбөкьяс кокьясас. Ачыс би киньясөн вирда-  
лысь посни сьод синьяса, зэв жö визув да ёсь кывья... Кыдз шульвласны  
кöрдорсаяс: зептад кывла оз пыравлы жö. Боргысь шор моз сёрниис-  
кывьясыс вомсыс киссьöны... Öти сиктса челядыд эз вунөдны, небось,  
Петрованос...

— Яндо! Яндо!..

— Ха-ха! Хо-хо!

Петрован руч моз кыйөдчис да уськөдчис дзоля войтыр бöрся, но кысь  
кутан?! Пасьмунисны быдлаө, гильзьöны:

— Он кут, он тай кут?!..

Кань кодь вижөн югьялысь-вирдалысь синьясыс Кузьма Петльөн пемы-  
дас öйöны, а тшапкыны-кутны кодөскө сідзи эз и путымы... Пуксис туй  
бокö, зыртөм джуджыд тола вылө.

— Локталö сэсса, уф, сьөлөмө вомөд чеччыны мөдө!.. Локталö, мися,  
ог вөрзьөдлы, честное слово!..

Дыр на чукалис ас дорас Петрован зонпосниос. А сэсса коркө-некоркө  
сы гөгөр өкмис-чукөртчис тола вылас, и юж туй вылас, ыджыд челядь  
чукөр... Но дзик матö Петрован дорö оз матыстчыны, чиктывлöны-виль-  
шалöны то öти, то мөд вильыш поз...

— Он кут, он кут!

— Огö полö, ог вед полö!..

Петрован чилснитис-сьöлыштис сэссия ылö, пиньпырыс...

— Чёрту, сідзкö, ме гортö муна...

— Ин на мун, ин!..

— Висьталышт тундра йывсьыд дай!..

— Мойдышт, Петюк...

Лавка дорса югыд би улын бура тыдаліс, мый Кузьма Петь нюмъялö нин ус улас, коді муртса са визь кодь. И том пастук сэссия льöгöсерд лои.

— Вай висьтышт көрдорсаяс йывсьыд, — шыасис зэв збоа ыджыд пон ку шапка детинка.

— Вешйы, Петя!..

Петрован шпынньяліс.

— Вай мойд, Петя, бурджык! — шыасис нывка гөлöса Генько.

Петрован юр вывсьыс перйис малича капюшонсö, куш юра коли. Сэссия Кузьма Петрован сералыштис, сэссия шутялялыштис, дыр кызіс чорыда, лёкыс кызіс кулакас и, дыр кежлö чöv усьлөм бöрын, заводитис ньöж...

— Ладнö, малямушьяс, кывзö инö!.. Толькö тайö забыль морт йылысь, а абу мойдöм... Тундраса став олөмыс мойд нога жö.

— Висьтав, но! Висьтав, Петрованö, коді тундрааныд медглавноййыс?!. Висьтав, но! — тайö төвгö дугдывтöг, мукöдсьыс водзö петöмөн Лаврö Толя, медся збоиникыс... Эмось маличаөн пасьтасьöмаяс, и пальтоа-пупайкаа челядь, а Толя спортивной костюма, ботинкиа да лыжиа, юрас шапочка...

— Вильшасянынды ли мый ме вылын — быттö и он төдö асьныд?!. —

— Ог, Петьö, дядько!

— Дядь бара на ме тэд лои, Толя?.. Ме жö тэныд братан лоа: тэнад айыд да менам айö кык рөднöй вок, а ми тэа-меа налөн пьян!.. Сідз-вооот! А Закар Вань дедтö төданныд? Төданныд өд, коді тай зыр кодь еджыд тошкаыс, вөлөсть кывтыд поманым овлö, кор көраяс гортын төвийöны, кык судта ыджыд керкаас но... Төданныд?!

Öтар-мөдарсянь челядьяс горөдчалісны.

— Тöдам!..

— Тöдам, тöдам, дерт!..

— Коді нö сэссия оз төд — дзоля Ваньөлөн дедыс...

— Сійö, еджыд тошкаыс, челядьтö муніг-ветлігас век кутыштлас...

— Сёрнитыштас и...

— Моздорас на босьтлас да юр вылөдзыс кыпөддывлас...

— Петрован, эн-ö вунөд, кызд ті орданныд, Вань дед менö ас пидзöс вылас пукөдіс... Коркө неважөн тай?! Таво төлөдзыс...

— Кольөм во төв, Васикö, тыртөм юр! Пыр на тай тэ дзоляник?!. —

— Ме. Ме?!. Ме нин өдзöс юр вылөдз чунь йывьяснам судза да.

— Совхоз Закар Вань дедлы виль ыджыд керка карис-лэптис.  
— Дерт но! Сылөн кымын ныв-пи көр дорас ветлө?! У-у-у!  
— Дедыслөн өд вөлөм дас өти нук-нучка!..  
— Абу дас өти, а, гашкө, кызь ли мый ли... Тані, гортын, дас өти, а карьясын и мукөдлаын бара на выйимось пө?!

— Но вот, сэсся, посни-подаяс, малямущяс, көсьянныйд кө, кывзё өні дзик збыльтор Закар Вань дедныд йылысь...

— А вөлі тадз, войдөр во чужан лунсө Вань дедлысь пасйим... Тундра-ын тайё вөлі, Илья лун аскинас.

Бөрдис и быдён сэк Вань дедным ассьыс быдмөмсө да челядьсянь тундраын ветлөм-мунөм рөбитөмсө казтывлісны ертъясыс и томулов-пастукъяс да...

— Мыйла нө Вань дедө бөрдө, кодкө дойдөма кывнас ли мый? — пыр и татчө шыасис Лаврө Толя.

— А быдсямаыс жө лёкыс да сьёкыдыс Закар Вань дед вывті мунлөма да... Олөмсө ассьыс висьтыштіс да забыль жө?!

— Мый забыль, Петрован?..

— Висьтав, Петь!

— Тэ төдан, а ми ог төдө, Петро! Абу и лөсьыд!..

— Вань дедлы өд, көнкө, нинөм абуысь эз сетны орденсө...

— Нимыс «Знак Почёта»!

Петрован веськыд кисө вылө кыпөдліс, мед зыкө воөм посни войтыр эз шумитны.

— Ин на кымө?.. Кокъясныс шоныдось-ө? Тэнад, Васик? Тэнад, Микулай Гальө?..

Медся посниджыкъяс дорас шыасьліс Петрован. Матыстчыліс да кияссө да банбөкъяссө уналысь аслас куш кинас малыштліс-видлаліс сійө... Дарөм ышмыштысь да уна сёрниа Петрован, а сьөлөмыс, зато, пось и бур!

— Ваньө дед дзоляөн тундраад петөма, ар өкмыса вөлөма... Война бөрся тшыг воас, 1946 воын пө... А 1956, уприа \* вонас, подөн да пыжөн, детинка висьысь мортөс тундрасянь вөлөстьясөдз вайөдөма. Турунөн да ком чери вугралөмаось да вердчөмны... Сутугаысь ас вөчөм вугыр вылө кыйөма, гөнтөр сэтчө, вугырас гартыштөма да... Ёртыс старик пастук коксө кералөм, а медик некутшөм и некөн абу... Ранаыс пө пидзөсас пыктөма...

— Дзөнь төлысь ном пытшкас кывтөмны тундра шөрсяньыд, Яней прохосьянь, Вой саридз море дорсяньыс нин...

Гортас Ді-Бөжө воөмаось, куш синьясныс вералөны, сідз лёкмөмаось, косьмөмны... Висьысь мортыс сэсся больничаө водөма да абу и спра-

\* Упри — копытка (коми).

вйтчөм пö, кулöма... Вирыс тшыксьöм-заразитчөм да... Сэкса пöраö öд бур лекарствоыд öнiя моз абу вöлöмны...

— А кысь нö пыжыс вöлөм, Петрован? — арыштöм синмöм кывзысь Лаврö Толя кывсö асьыс суйыштлiс воча.

— Но, тэ Толя, Яндо, яндо и выйим жö!.. Пыжсö гортын, тан сиктын кералö Максим Петра дядыд кöрдорсаясыслы... Кывлiн и тöдан да вед юасян!.. Юрнад колö рöбитны, Тольчи!..

— Эн нимтысь, Петрован! Быдсямасö ачyd на он тöд!.. — дузгöдчылис татчö Лаврö Толя. — Мед ме Яндо кö, а тэ абу на жö Ясöвейыс!..

— А тöдан-ö ачyd мый сийö Ясöвöй кывйыс?..

— Ог кö тöд, ог сёрнит... Ясöвöйыд — сийö медводзын мунысьыс тундраад, туй индалысь-тöдысьыс... Сiдз, Петь?

— О, юртö тэнсьыд Тольчи, гаг абу на сёйöма?..

— Ме ачым вексянь нин тöда!.. Ме нин медводз тöдi — Закар Вань дедö медыджыдыс! — збоялис и Микулай Гальö, сийö көр ку буркаа да ыджыд шалля, кодлөн помъяснас шыркнитöма-кöрталöма ыджыд пальто вывтiыс и коссö...

Закар Вань дедным пö тундраас быдмöма, и нэмыс сэн кольöма да, и чомъяс пö частö оз узы, а петас ывлаö да маличанас водас даддяс... Тöлыся да веж кöдзыд ли, турöб ли... Закар Вань дедлы нинöм — узыö шкоргöмөн, шойччö лунтыр кыса лампаөн войлöма да чезнитöма, кöть мöд местаö ну-вешты дадынас, чайтан, а, ставсö пö кылö...

— Закар Вань дедтö быдөн Дi-Бöжын тöдö, зэв-зэв дзoляясысь öтдор но... Кор Дi-Бöж кузя ветлö-мунö, бöрсяныс и водзяныс челядыс сьöд чукөр, — некыдз эз ланьтыштлы Лаврö Толь.

— Закар Вань дедным быттö том морт на чöльöб!.. Сана моз шытöг, кок чунь йылас и ветлö. Судта-пасьта тушавислөн öткодь, быттö тупыль тыралö-тупыльтчö но!.. И синмыс-пельыс на тыр-бур!.. Некор бара Вань дед кисö оз видз малича кепысяс... Пыр жö тай гырысь да кöрт крук кодь чорыд кабыра чуньясыс век кушöсь, и пымöсь, быттö шоныд пач дорысьöсь!.. Мелконад лыйсö: ветымын шаг ылнаö пуктасны истöг көрöб — быд лыйöмö сюрö-инмö но, — Кузьма Петрован быттö ачыс сэтшöм, сёрнитiс ышнясигмоз.

— Но малямушъяс! — бара ышмыштö Петрован. — Вань дедь ышня-сьысьтö смерт оз синнас аддзы!.. А сiдз жö и мортöс, код пöръявлöма кöть öтпыр... Сэтшöмтö пыр и вомалас-пöперегалас! Либö шурк-шарк петас, оз кывзы... Сiньяссьыс весиг би киньяс сявкйöны дöзмöмсьыс!.. Ачыс жö, Вань дед казътывлö, морттö пö öтпыр пöръялан, мöдысь сэсся сийö тэд некор оз эскы!..

— Скөр тай зэв сiдзкö Закар Вань дедыс — ме пола! — чиргыштiс став

челядьлы кывмөн, кор дыр кежлө ставныс чөв усылсны, Дзоля Сань, кодї кодйö нин вöлі джуджыд тола пытшкö аслыс чом нога дзевсянин...

— Закар Вань дедыд скөр шуан, Дзоля Ваньö?! Он тöд тэ сідзкö Закар Вань дедтö бура!

— А тэ быттьö ачылд, Петрован, ставсö тöдан?!

— Мыйла ог тöд, кор сы дорын төв джын, тулыс, гожом и арсö олі. Öти вонйын сыкөд узылывлім. Рөбитім öтлаын пыр.

— Мый нö сэсся рөбитö кö бура — аслыс вед! — водзöсалис татчö шешъялысь Лаврö Толя.

— Пастукыдлы колö мортөн вөвсыны, моортöөн! — тöдчөдіс Петьö.

— Миян пöчö — бабö Дуньö тай пыр вöйпö: мортыд пö быдөн морт, кöть кутшөм, Петрован.

— Сідзтö сідз эськö и выйим, Толя, но быд морт ачыс кодь но... А Закар Вань дедö, кызд шулöны, Тундраса Кöзьяин пö!..

— Но, ме сэтшöмьястö ог на тöд, тундраас на иг вөвлы да!..

Толя сетчис Петрованлы да шутьявны кутіс. Петялөн петіс:

— Ме тай шулі водзджык, мый Закар Вань дед йылысь мойдөм уна, кузь нэм чөжнас — Вань дедлы нин квайтымын вит ар, быдсямаыс мортыд вывтї мунö-овлö... Торъя нин тундраад!.. Эк ті, малямущьяс, нинөм на олөмсыс он гөгөрво, ог сэсся сёрнит, ставыс! Муналимöй! По до-ома-ам!..

— Петрован!

— Пе-е-етьö!..

— Огöй на!

— Мед Толя мунö, а ми, челядь, кывзам на Петьсö, — чилөг гөлөснас чирзис Дзоля Саньö, кодлөн лым чомторсянь нин гөлөсыс нискис.

— Кывзам, кывзам! — горзісны гөгөрбоксянь челядь.

— Ин торкасьö, челядь!

— Из на помась Закар Вань дед йывсыс да?!..

— Торкасянныд да öтарö!..

— Мөд асыв бара!..

— Öні, öні!..

— Иг на кымö!..

— Водз на, быд керкаыс на биа со!..

— Висьтышт на, Петюк, Закар Вань дед йывсыс, — пырөдчö Микулай Гальö, Петьöос мышсяньыс малича кышөдöдыс тракйö да...

— Дугды, ин чеплясь, Галюк, а то лачка! — гөт-гөт вөчис Петя да водзö содтіс: — Ладнö, мед ті ног! Код кымö, мед гортö котөртö... Ог кут тэрмасьны... И мед некод оз торк, а то... Ясөвöй — сійö туй индалысь кызд море шөрөд мунысь караблөн лоцман... Тундраыд, мадаясö, море кодь жö, пом ни дор!.. Көр стадаяс, кызд мунысь-локтысь караваньяс, а

дадюлаяс, кыдз шлюпкаон кывтысь-катысьяс... Тайо, дерт, менам чайтом тундра йывсьыд татшом со! — кывкорталіс Петрован...

Сэссия Петрован малича бож увтыс кинас кыскаліс «Барбарис» кампетыяс да разёдаліс быдёнлы, кодлы мыйтаон сюрис.

— Водзё но, водзё висьтав тундра йывсьыд, Петюкё, — сир гаг моз сатшкысьома том кор видзысьлы малича соскас да теводчо Микулай Гальё.

— Но, ладно, водзё! Ме юраныд, малямушьяс, суйи нин бура, мый Вань дед Ясөвöй-капитан тундра кузя и поперег муніг-локтігөн... А сэтчо колё сэтшом мортыс, кутшом Вань дед... Мед ясөвöй-капитаныдлөн бур син вöлі, паметь, юр вежорыс сөстөм небеса кодь — быд кымөр чир тыдалö... Но, мый? Ин гөгөрвоо? Ладно! Водзё висьтала и гөгөрвоад! — сёрнитіс Петрован кампет нёнялігмоз.

— Но вот, босьтам случайяс, тайо став кор дорсаыс төдö и казътывлö, Вань дедкөд вöвлөмторьяссö...

Челядь котыр топыд кытш шөрö босьтысны здукөн Петрованос, ёртса-ёртсö топөдісны-дзескөдісны и, коть улич вылынöсь да.

Петрован кызыштіс, лөсьөдчис водзё висьтасьны челядьлы... А татчö Микулай Гальё шыасис:

— Петьö! Юрыд кынмөма нин да... Суй малича юрсö юрад!..

— Ин велөд, дзоля на! Кынмас! Став кор дорсаыслөн юрыс пыр кушөдöма, кор сёлөмсянь рөбитö войтырыс! — дузжитчис Петьö. — Ладно, мый мөді колё висьтавны... Но, вот вöвлөмтор.. Кольөм во учёнойясос, пропессор öти да и мукөдьяс, Сыктивкарысь и уна мукөдлаысь воөмны тундраö аръя вывнас, вертолётөн лэбалöны чомйысь чомйö. Вель уна лэбалöмны, а сэссия мөдöны лэбны пö нельөд бригадаö... Кыкысь лэбавлөмаось, да абу аддзөмны колөм чомтö! Изьявысь көрвидзөм кузя медыджыдыс и... Врачыяс и... Чайөн да пуөм-жаритөмаөн мян, первой бригада чомйын, гөститөдім, наперво, бура... Закар Вань дед дорö воөмны корасьны, мед ясөвöйалас вертолёта лётчикьясыслы, кодьяс карта кузя корсьөмны да абу аддзөмны тундраад бригадатö, гөгөр ру пөдтөм, а нельөд бригадаын том пастукөс кынөм орлалөм висьөм босьтөма... Слепöй кишкаыс... Аппендицит ли мый?!

— Кынөм орлалөм да, Петь? — шыасьліс Лаврö Толя...

— Да, да! Вертолётсö корөмны а сійö петөм Усинскысь и мянö нельөд бригада пыдди сюри... Эгö пö некыдз аддзö кытчö колö да!..

— И мый, Петрук? — дзайгыштіс Дзоля Сань...

— Мый, мый? Закар Вань дедос лётчикыскөд орччөн пуксьөдөмны. Дедным ликталөм лётчикьяслы, и пыр и сюрөмны нельөд бригада чумö... Лэбөдісны висьысьсö, операция вөчөмны карын...

— И öнi бõр рõбитõ? — ляскысьлис визув синьяснас Петьõлы ныр-  
вомас Микулай Гальõ...

— Ош кодь ён...

— Нõшта мыйкõ, Петь, тундра йивсьыд... Закар Вань дед йивсьыд.

— Но, вот, бара висьтала Закар Вань дед йылысь... Ачым вõли. Вõли  
тадз! Ме да Ирõ Микулай да Вань дед Кытшыль-ты вылын тывьясим аръя  
выв. Чомным тыыскõд орччõн моз... Но, вот кыз миян вõлõсьтса лавка-  
сянь кантора дорõдз... Гõса пелядыяс пач пõдан пасьтаõсь, комьяс чер нуд  
кузяõсь... Ведра куим шедi... Мõдiм на водзõ тывьясьны, но туманитны  
кутiс... Вань дед черинас, кык мешõк-нопторийõн, ыстiс менõ да Ирõ Ми-  
кулõс чомйõ, а ме пõ тывторсõ õшышта зiбьяс йылас да воа жõ... А ми  
мунiм и... Вошим! Рытсянь асылõдз бергалiм, быдлаõ сюрлiм, но некутшõм  
чомйõ эг воõ... Югдõм бõрын, мõд асывнас, кор руыс разалыштiс, миянõс  
Вань дед аддзис, дадюлõн корсьысьны петõма... Бур тундраса пон кодь  
нырыса!.. Пыр чомсяяс казьтывлõны да шуасьõны, кор пõдтас тундра вывсõ  
кыз ру, да Закар Вань дед кõрын дежуритõ, да колõ чомйõ локны, либõ  
кытчõкõ ылõ мõд чомйõдз делõясõн ыстасны — чомсяяс õтик гõлõсõн  
шуасьõны:

— Вань дедным оз вош, сийõ асьыс чом местасõ, шyd-рок сёянiнсõ,  
нэм эз воштыв, и оз вош!

— Петрук, тэ яндо?

— Яндо, дерт! Куим воõдз яндоõн позьõ, а сэсья...

— Сэсья мый?

— Либõ пастук, либõ — дадь бокын пукалысь пассажир...

— А Вань дед? — чилõстiс Дзõля Васьõ.

Челядь ызгысисны, чõлõдiсны и Васьõõс, и õта-мõдсõ, мед оз торкась-  
ны висьтасьны Петрованлы.

— А Вань дед скõр?

— Кор ковмас скõр! Шули нин тай — смерт оз радейт дышьясõс,  
горшьясõс и пõрьясьысьясõс. Синьяснас оз аддзы сэтшõм войтырõс и  
ёртсõ... Мед пõ сьõлõмыд быд мортлы вõсьса-жан!!! Морт мортлы мед  
тõварыш пõ да друг... Пõсь да веськыд сьõлõма Вань дедыд, лёка олысь  
мортлы висьталас веськыда синмас, оз пов сувтны и воча, морõс на морõс...  
Оз, дерт, толькõ ас вõснаыс сийõ, а дзик и бокõвõй вõсна либõ общõй  
делõ вõсна... Мукõддырийыс пузьõма мыйысь кõ да код вõсна кõ — чужõ-  
мыс кельыд, тiралõ... Частõ кывлан Вань дедлысь: ме ог ас вõсна вись, ог  
ас вõсна!!! Õд, забыль, челядь, унаысь нин казяли, кызди Вань дед пась-  
тасьтõм пышйõ-котõртõ отсавны ёртьясыслы, кодьяс удж вылысь воõны.  
Отсалас дадювнысõ лэдзавны ли доддявны... Да быд удж дорõ вевьявлõ...  
Сьõлõмыс сьлõн небыд, ыджыд да пым!

— Кыдз небыд? — пыр и шыасьліс Лаврө Толя.

— Йөзлысь шогсө и дойсө кылө но, либө! — кывкөрталіс Петьö.

Челядь котыр пельнысö чөшкөдөмөн кывзисны Петьöс, а Микулай Гальö дзик Петьö ныр улö суйсьöма да видзөдö сылы вомас да синьяс вылас, сьөлөмсянныс кывзö.

..Кузьма Петьö ланьтліс, бара мыйкө мөвпыштис чорыда да вөлись водзö на нуөдіс сёрнисö:

— Таво Закар Вань дедлы из шуда вөв... Сійö ёна майшасис-лөкаліс. Таво Закар Вань дед понтөг колис. А көр видзысь ас бур көрдор понтөг, быттьö китөм и коктөм көра стад видзиг... Весиг, шуны кө, быттьö синтөм и пельтөм арся сап пемыд вояснад. Сэссия, ті сиктса челядь, асьныд төдад, йөзлөн понмыс некор тэкөд оз мун аслас көзяин дорысь... А көрдор понмыд өд видзö разалөмысь-паськалөмысь, көйнысь-санаысь... А понмыс Вань дедлөн, Воронкоыс, вөлі көзяиныслы синмас и сөчкө-видзөдö, а сэссия көрыс бөрся кодзалө... Катша сьыліа, еджыд морөса, весь кузя сьөд гөна неыджыд пон.

Кузьма Петрован ланьтыштліс, быдөнөс ёсь видзөдласнас сотыштис-видзөдліс да назгыштис:

— Кодьяс шуасисны, мый Закар Вань дедысь полөны? Тэ, Николай Галько, шуасин, мый Вань дедысь полан?!

Микулай Гальö эз шыась, юрсө улö лэдзис.

Гөгөрбоксянь шыасисны челядьясыд:

— Ме тай иг-а!

— И ме — иг!

— И ме!..

— Ладнө! Чөв! Тайö нө висьтала водзö Вань дед йылысь, сэк төдмалан-ныд. Висьталі тай Вань дедлөн Воронко понмыс кутшөмджык... Пөрысь нин вөлі медся мукөд пастукалан поньясысь, а Вань дедыд Воронко пон бөрсяыс видзөдіс да төждысис, кыз пуз чужөм челядь вөсна бур мам!.. Гөгөрвоинныд?!.

— Иг?!

— Мый?!

Петрован гөт-гөт бара серөктіс. Петрован рөдыслөн эм мода, йөзкөд сёрнитігөн оз-оз да друг серөктыштласны. Бур мода.

— Тулыс пом вөлі, Патей вис дорса өти джуджыд мыльк вылын чом-ныс дыр ңин сулаліс, пианасялісны важенкаяс...Сідз нин лои, пиөдчан пөраыс миянөс Вис дорас суис да... Öпансө! Ваыс матын! Көрьяс кө вуджавны кутасны и травеж вермас сунны! Көрьяс бөрся видзөдім сюся, кык мортөн көрсө видзим... Ме лөсялі Вань дедкөд өти войö, а сійö водзсянь нин шогсис-норасис пыр, мый Воронкоыс сьлөн, кодөн пыр ошйысис, из

ло өні визув да висьö ли мый ли?! И важөн нин Вань дед ышлолаліс, мый Воронкоыс сьлөн абу дзик ас кодь. И, сё збыль! Воронко, кыдзи дузья-лысь морт, мед не рөбитны, шлөнъяліс бөжсö улö лэдзöмөн, быттьö сы вылö көзяиныс горзöма-видöма, либö лачкöма-нөйтöма... А ми Вань дедкөд рөбитім... Гөгрөдлім көр стадö дорөстыс, медсясö вöлисьөн пиянасьöм важенка-теляös синмалім-дöзьөритім.

— Вооороонкооо, ля-ляляаа! Ля-ляляляааа! — став вынсьыс горөд-лывлö дадьас пидзöс пöv вылас пукалöмөн Вань дед. — Кытчö нö Воронкоыс менам сьвдчис-лоис?.. Көн нö Воронкоыс? Ля-ля-ля, Вооороонкоо!..

Кыкнаным гөгөрбок гоньялам-видзöдам... И со коркө мысьт мем син улам уси бадь чаща пövстысь сьöд ёкмьсь... Вань дедлы горзі да ликті кинам... Вань дед бара ёна чуксаліс ассьыс рөбитан ёртсö, но сійö, кыдзи мянлы тыдаліс мыльк вывсянь, юрсö улö лэдзöмөн, бөжсö лювгөдöмөн, усйысис бадь чаща костöд бокö... Биноклясьö мянны мичаа тыдаліс, кыдзи Воронко, мян горзём вылö бергөдчылас и пуксьыштлас, сэсся бара мянсянь мөдарö лювгö-ылыстчö...

— Воронко, жальö, мадаö! Вороонкоо! Пöрысьмин, мадаö!..

Сэтшöм жö нин сьбөлөмсянь шуаліс кывьяссö пыр ылыстчысь Воронко вылö сөчкиг-видзөдіг. Дадь вылас сувтса сувтöма Вань дед...

— Лый, Иван Яковлевич, — вöзйи ме...

Но Вань дед из шыась дыр, а сэсся бергөдчыліс мелань да мурөстіс:

— Киö оз лыб, аслам ёрт вылö!.. Абу Воронколөн некутшöм мыж, пöрысьмис... Ставөн коркө пöрысьмöны...

И ме, челядь, аддзылі, кыдзи Вань дед ырөстөмөн бөррдзис...

## ВАНЬÖ ВОК

**Г**ÖРÖМ-КÖДЗÖМ да пуктысьöм бöрын, кор садьяс вöччöны мича дзоридзясьөн, сиктын уджьясьысь коласт овлö. Ми, челядь, сэк купайтчим полөйясын лун-лун, көдзыд на ва вылö видзөдтөг. Уялам полөйын, суналам, резсям ваөн — гажа али абу!..

Татшöм öти здукö кодкө горзыны кутіс:

— «Бородино» локтö! «Бородино»!..

Ю чукыль сайысь и збыль тöдчыны кутіс юсь кодь еджыдтор. Ой, кутшöм лэчыд гөлöса «Бородино»!.. Тутсігас ме пыр пышья бокö да пельясьö чуньясöс суйла.

«Бородино» со шлопкө-катö Сыктыв кузя, зэв нин буре тыдалö. Шы-

зим-гызим челядь котыр, котортам крут кыр йылö, пекарня дорö, кытчö пароход пыр сувтлö.

Со «Бородино» сибöдчö кыр дорö, тутсансыс джижгö-петö пар, тайкö тутöстас.

Горзöны челядь:

— Тутöстö, тутöстö! Пельястö тупкö, пельястö!

Кодкö чирзö:

— Пышъямö бокö!

Ме лэдзчыси йөр потшöс бердö, мед ог усь кок йылысь тутсігас, пельясö суйи चुньясöс. Аддза: пароход труба дор тутсанысь еджыд ру пуркйö, а мем оз кыв немтор.

Лэдзисны пароходсянь кыр йылö трап, и пароход гырк пытшкысь гузьгыны кутіс кыр йылö йöз. Коді мыйöн! Пуысь и кучикысь чемоданаöсь... Чышъян тубрöсаöсь, мешök-нопясаöсь. Ставыс тай челядь!..

Кыски ме пельясысь चुньясöс и кыла: «Ленинградса челядь воöмны!» Йöз чукöрын баба гөлос ливкйöдлыны кутіс: «Ой, донаясöй! Збыль öмöй Ленинградьсь?! Бобöясö, коньöрьясö!»

— Мый сэнi ливзöны?! Коньöрьяс, коньöрьяс — геройяс найö! Геройяс — вот кызд!.. — вомалö ливзысьöс кок пöв йылас зiля бергалысь конюк Пронь, гражданскöй войнаса инвалид.

Сиктса нывбабаяс кутлöны, окалöны, бöрдöдöны воöмаясöс. Виль йöз костын, и кор бöрдöны, ме пыр бöбмыла, сёлöмлы оз ло лöсьыд, гашкö, сыысь, мый ме гортын эськö збой, а йöз дырйи польысь зэв. Видзöда: сиктсаяс ки пöлöдыс нуöдалöны воöмаясöс берегсянь. Вötöда ме öтиöс, то мöдöс, коймöдöс, став дорас котралі, некод мем аддзöмторсö кисьыс оз лэдз. Сідзи ме и коли Ленинградса челядьтöг, эг тöдмась некодкöд, он öд сэсся йöзкöд мырддьысь челядьöн. И зэв жугыль ме вои гортö, и мед сайкалыштны шогысь, ветлі ассьыным мöс вайöдны, сэк жö и тöдмалі: сиктö пö детдом воссö. Детдом! Вöвлöм купеч Васькалөн пöвйөн кышöм кык судта виж керкаас детдом пö лоö!

Узьны ме воді усыпаныйив пуксьöмөн, но водз зэв чеччи. Отсыштi мамлы картофель весавны да мый да и пукси öшинь курич вылö (ёна вöлі ме радейта сэнi пукавны). Пукала и видзöда катыд, вöвлöм купеч Васька керкалань. Казялі: миянö кежис Марья Степановна, сельсöветса пред. Мамлы та йылысь пырысь-пыр юöртi, мамö ёна шай-паймунис, вöвлытöм гөстя пö пырö... А гөстя сэн быттö и вöвлöма, порог дорсянь и варовитö:

— Васильевна, зэв ыджыд могөн тэ дорö... Могмöдан он?

— Мыйла ог, мыйла ог? Верма кö нин? — öтарö-мöдарö котралö керкаті, джек-пызан вешталö-лöсьöдö, оз тöд, кытчö и воштысьнысö. — Пытшкöсас пыр, порог дорсяныс мый нин.

— Ог-ог. Ог зшты ёна!.. Ленинградсаясысь өти баб да нук... Лэдз, Васильевна, патерао... Коть мөд керкаад, төвьанад...

Ме мамө дорө котөрти да ки пөлас кутчыси, шөпка: «Лэдз, мамук, лэдз!..»

— Мыйла нө ог? Мыйла нө ог? Лөсялас кө йөзыслы? — сёрнитө мамө да мыйлакө малалө-летө менсьым чорыд пратьяса сьөд юрсийс.

— Сідзкө, позьө?..

— Позьө, Степановна, вешы пызан саяс, мый лөсяліс, — кыскыны кутис сой пөлөдыс предөс пызан дорө мам, Марья Степановна пыксьө да дольө:

— Ог! Ог зшты! Коркө мөдысь!..

Петіс ми ордысь Марья Степановна да тэрмасьөмөн муніс сикт катыд.

Воысьяс йылысь ме пыр жө юөрти Толя воклы, сийө ичөтджык меысь. Ставөн босьтчим пелькөдны керка пытшкөс, ассьыным и мөд олан керканымөс. Воккөд ми пыркөдім да выль идзасөн сюялім перинаяс, төлөдчим. Мамө чышкаліс бусьяс, черань везьяс да мыськис джоджъяс кильчө помөдз, пуктім самөвар, кодөс важөн нин эг пузьөдлөй. Синьяс ортөдз видзөдім катыд, виччысям патерщикъясөс, но найө эз воны, коть лои нин вой шөр. Водалім да виччысям. Войын некод эз лок. Водз чеччим. Сэки асывнас детдомсаяс телега вөлөн вайөдісны миянлы олысьясөс. Бабыс крукыльтчөма муөдз, кашкө ёна, кузь сьөд сарапана, беддя. Дзоридзьяса еджыд чышгьян увсьыс дзор юрси пратьяс син вылас лэччөмны. Внукуы, тыдалө, визув: вежов синьясыс югнитлывлөны.

Мамө колхозө удж вылө кутис тэрмасьны, меным индіс-велөдіс мунтөдзыс, мый вөчны-овны. Мамө мунөм бөрын ме мөд керкаө петкөді кринча тыр свежөй йөв, картупеля сөчөнъяс. Мөдысь петавлігөн кори роч детинкаөс ас ордө ворсны.

— Тебя как имя? — рочася ме ськөд.

— Ваня.

— Вай играем, — кыска ме ки пөлөдыс сийөс енув пельөсө, көні Толя вок чачаясөн ворсө.

— Петкөдлы, Толя, ассьыным пароходнымөс, — кора ме воклысь. Тайө пароходсө кык вок өтлаын вөчлім сөйысь, мелөн мавтім косьтөм бөрас, нимтім «Бородиноөн».

Но Толя син арыштөмөн ме вылө дзоргө, чужөмбаныс гөрд, паныд сувтіс, потшис чачаяслань миянлы туйсө, а «Бородиноөс» питшөгас суйис.

— Тэ мый? — скөрми ме.

— Ог сет! Жугөдлас! — горөдіс Толя.

Ме шогысь видзөдлі гөсть вылө, а сийө тракнитчис ме кыысь, котөртис өдзөслань, крапкис-петіс керкаысь бөр. Ме сы бөрся. Вань кымынь водөма вольпасяс да бөрдө, ставсө гөгөрвоөма, коть и роч. Бурөдны босьтчылі,

кыдъя роч кывъясөн такөдны, но Ваня ёнджыка на бөрдны кутіс. Скөр йылысь бөр котөрти гортө да топөді пельөсө вокөс:

— Тэ мый вөчан, яндысьтөм бугыль? Мый? Тэ йой али төлка? Мый өні сиктасяс шуасны мян йылысь? Мый?

Толя чөв оло, нускө. Нөшта ёна вирөй пузис менам ыръянь чөв олысь выло. Кватиті ме Толяөс шошаөдыс (верма: мем дас, а сылы сизим ар) и тойлалі ме сійөс гөбөчө да игналі сэтчө, гөбөч өдзөссө гезйөн сөрейө көрталі.

Ачым бара петі роч детинкаөс бурөдны. Коркө-некоркө зонка лөнис, мыссьөді ме сійөс да петім ывла чомйө ворсны. Ывла чомйын мян быдсямаыс жө вөлі: пес чуркаысь пилитөм көлесаяса тележкаяс, пуысь жө тасьтї-паньяс, сөйысь вөчөм гырничьяс, трактор-машинаяс, пароходьяс. Роч Ваньө лои рад, кутіс видлавны чомйысь чачаяс, ме сэк кості котөртлі карта сайө. Сөй гуысь вайи лөз сөй, вөчи пароход:

— Ту-ту, Ваня!..

Ваня нюмъялө. Сэсся ме сөйысь мөді вөчны Сивко вөлөс, кодөн ме быд во юр кыскала видз вылын, но менам Сивко некыдз оз артмы, мыйкө кукань кодь тыдалө. Роч Ваньө шпыннялө менам вөчөмтор выло да «Му-у, му-у!» шуалө.

— Кукань, — висьталі ме, сэсся содті: — Знаешь? Это теленок — кукань.

Сэсся ме босьтї джаджыйысь потөм пу пань да водзө велөді комиөн:

— А это ложка — пань... Знаешь? Это ложка — пань, это теленок — ку-кань...

— Ку-кань, пань!.. — гөрдлө Ваньө да чуньнас индалө шуөмторьяссө. Мем уси дум выло мамөлөн индөдыс, колө капуста киськавны.

— Пошли, — кора ме Ваньөөс.

Пуктасьяс дорө подөна векни туй мян амбара-вирича костөд мунө. Ме шевкья-муна и друг крап уси — сунгыси му бердө. Мый нө? Коді кокөс крукаліс? Кутім видзөдны Ваньөкөд, а си турун пратьясысь, кодьяс тані быдмөны туй пөлөн, лэч вөчөмны. Коді? Дзорьяла. Лэбув пельөсысь синмө усьлі кыйкьялысь Толя вокө. Сійө и лэчсө октөма. Ме малала доймөм нырөс, чышкала-пыркөда гачысь буссө и петкөдла воклы кулакөс. А Толя эльтчө:

— Он и кут! Он и кут!.. — и петкөдлө мянлы кывсө.

Пуктасьяс киськалім, сэсся төдмалім — Толя петөма-пышйөма гөбөч өшинь пыр. Ваньөкөд восьлалам гортлань, а Толялөн вуджөрыс тыдовтчыліс нин ылын, лыйө-пышйө карта сайясті. Ме горза сылы и өвтча кулакөн. Ваньө гөгөрвоис да такөдө:

— Не дразни и не будет...

Менам юрөй пыр на пуө-уджалө, мөвпала, кутшөм нөшта выльтор петкөдлыны гөстылы. Кучки аслым плешкө: ягө кайлам, гашкө, тшакьяс нин петісны!

— Пойдем лес, Ваня?

— В лес? Зачем?

— Гриб искать.

— Грибы? Пойдем.

Кадыс водз на, мөвпала ме, став ягсö на котравны удитам, меным тшака местаясыд төдсаөсь сідз, көть синтөг индала-вайёда сэтчö.

Кос ягын ме дыр котралі помысь помö. Ваня менам бöж пыдди, быттьöкö ме дорö көрталöм. Корси ме корси да öдва öти сюри. Ваня видлаліс менсьым сись тшакöс да төдмаліс:

— Белый гриб.

— Да. Роч гоб, — вочавидзи ме.

Ме бара на котралі коз увьясті, но нинöм сэсья эз сюр, аддзылім сöмын кымынкö уртшак, кодöс ме кулялі да сёйим ульöн. Ме сэсья Поска Шор дорö кайигөн юалі Ванялысь тшакьяс йылысь, вөлöмкö, сöмын картинка серти төдö роч гоб да ельдög, нэмнас абу сёйлöма тшак пуөмөн ни путөг. Ме висьтавлі, көнджык кутшöм тшак медся быдмö, кызди сійöс вотны.

Палиб мылькьяс бокин ме пыр жö казялі оз тусьяс, воті содз тыр да вайи Ванялы:

— Пробуй.

Ваня видліс да дыр нувсис:

— Вкусный!

Ме висьталі:

— Оз!

Сійö кывбöртис:

— Оз!

— Ме радлі. Вотім чуман лякмөн да пöтмөн сёйим оз. Ме сэсья сук, чöскыд туруна Палиб гöра бокась öкті азь гум кор, гөнью да сылысь вужьяссö. Ванякöд варовиті:

— Суп варим, чöскыд...

Палиб гöра йивсянь дыр видзöдім дзоридза видзьяс да гөрöм муяс вылö, вöтлысьыштім бобувьяс бöрся да чиркьяс куталім. Чукöртім-куталім чиркьясöс, кодзувкот карйысь кодзув колькьяссö ме öткалі мармелад банкаö, кодöс ме пыр кыскалі зептын. Зептын ме новлöдла и көрт тувьяс да кольчаяс. Ворсанторьяс вылö ковмылö быдторйыс. А Ванялы стöчмöді:

— Рыбачить пойдем, удочка знаешь?

— Удочка... Ерш, пескарь — о-хо!

— Вечером, когда заря...

— Ладно! — Ваня новлöдлö да нимкодясьö катшасиньясысь да купальничаясысь букет вылö.

Гортлань ми матыстчим мөс вайөдан кадө нин, а лэччигмоз пожөма ягысь бара на сюри кымынкө уртшак да кык роч гоб. Гортө воөм бөрын Ванякөд өтлаын, ывлаын вөчыштөм плита пач вылын, ми пуим тшака шыд. Сэтчө ми тэчим и петшөр, кодөс нетшким канава бердысь, и Палибса азь гум корьяс, и шома турун, а пусьөм бөрас ме гудырті тшак ваө кык пань нөк. Во, тшак ва лои! Зэв нимкодпырысь сөйим, пөтны он вермы. Чугун тыр пуөм тшак ватө муртса и кушөдз эг бырөдөй, кольыштім мамлы да Толялы. А Толя вокө пыравлөма нин керкаө, нянь пөв вылысь картупеля сөчөнъяслөн лыдыс өна чинөма, а ачыс Толя некөн оз тыдав.

— Уф! Наелся, — сьөкыда вөрө Ваня пызан сайысь сувтөм бөрын. — Воздух, лес!..

— И речка! — содті ме. — Вечером!

Ми кайлім сөйөм бөрын межа вылө, турун сіясөн весалам пинь костьяс-нымөс сөянысь, нянь кыдьясысь.

— Хорошо, тихо! — шуис Ваня.

— Мужиков нет, дети и матери не поют... Скучно, — рочала ме, сы вөсна мый меным забеднө, вирөй пуө Гитлер вылө. Ваньө быттьө лыддьөма ме юрысь мөвпьясөс, другысь зургис пиганас Сыктывлань:

— Гитлеру выш! Накося, на!..

Сэсса өдва ловья кодь Ваньө унмовсис межа вылын, жуяліс, буракө, кузь лун ме бөрся кыскасьөмысь. Алөйгөрд кыаа лөнь рытлөн чөвлунас кывліс мөсьяслөн да ыжъяслөн баксөмыс. Сикт пасьтала павьялө льөм пу дзоридз дук. Ме пөрччи ас вылысь батылысь пинжаксө да плавги узысь Ваньө вылө, мед гут-гаг оз дөзмөдны, да жаляддза эг и пальөд нин вуграсьны, көть унаысь матыстчывлі сы дорө видзөддыны да садьмөдны. А аскинас став сикт петіс страда вылө. Ми мамкөд кыкнан вокным тшөтш — юр кыскавны. Сьөлөм выланым мян долыд.

Видз вылө мунтөдз роч Ванялы ставсө висьтавлім, кызди горт овны, и кокни сьөлөмөн, став йөзкөд тшөтш, тэрмасим видз вылө.

А рытнас мянлысь семьяөс виччысьөма шог.

Горт дорын телега вылысь чеччигмоз и сьөлөмөй менам юковтіс мыйкө абу лючки-ладнө кылөмысь, а мамө менө панйис, уськөдчис керка дорө, кытчө чукөрмөмаөсь йөз, да кодкө ливкйөдлө кылө:

— Ой да мый нө нин да мый лоөма, кулө нин да!

Ме мамө бөрся сүйси йөз водзө, кильчө вылө. Сэні куйліс роч Ваня да сьөкыда лолаліс, кусынтьчывліс кык кусыньөн. Сійөс вукйөдліс, чужөмыс то гөрдөдлө, җо мел кодь еджыд лолө.

— Больничаө колө нуөдны, — шыасис кодкө челядь пиысь, а кодкө ыджыд морт сылы вочавидзис: — Марья Степановна вөвла муніс нин...

Фельдшер Нина Ивановна бергаліс роч Ваня гөгөр: то юкталө йөлөн, то

чуньсö сылы вомас суйö, медым пö восöдö. Ми мамкöд пöсьсö чышкалам Ваня чужöм вылысь, то кöдзид ваон мыссьöдам.

Марья Степановна воис телега вöлön, водтöдiсны Ваняöс сэтчö перина вылö, телегаö жö пуксисны фельдшер да мамö. Райбольничаö мунiсны.

Ме лысьтi ассьыным Сярукöс, юим воккöд свежöй йöв, но узьны эгö водöй, виччысим мамöс.

— Вов, мый нö лоöма, мый? Кулö оз нö, висьтав? Вова?.. — юалис Толя вок.

Ме арыштчи сы вылö:

— Тэ эн сёрнит! Эн шыась весиг!?

— Ме, менö мый вöчи? — бөрддзыны дась Толя.

— Мортсö дэ-дэльöдiн! — öдва артмис менам, синва войгъяс тöдлытöг гöгыльтчисны вом кöтшö. И ме рытывбыд висьтавлi Толялы Ваньö йылысь, кызди найö тшыг нисьö пöt вошласьöмны-вöйласьöмны быдса тöлысь Ленинград дорса нюръясын, сэсся веськалöмны партизангъяс дорö, а сэсся и татчö Коми муö. И поездöн, и пароходöн, и быд ног...

— А ме... ме чайтi ышмысь сийö, — шыасис Толя.

— Тэ чайтiн, тэ чайтiн, — нери ме вокöс. — Тэ сийöс дойдiн, кор «Бородинотö» эн сет...

— Ме, ме... — Толя выльысь шогö уси.

Мамö больничаысь воис сёр, ми уськöдчим сы дорö юасьны.

— Отравитчöма сийö, — жугыльпырысь юөртiс миянлы мамö.

— Мыйöн?

— Код тöдас, эз висьтавны, — вочавидзис мам.

— Мама! — чöv олöм мысти шыасис Толя. — Ваньöыс сийö больницаас жö куйлö, кöнi тэ бурдöдчин, кытчö тай волiм тэнö видлыны?

— Сэни, пиö, сэни. Визинас öти больница и эм.

Узим ли олiм ли ми тайö жар, номгъя, но лунгюгид войсö, ме висьтавны ог куж. Сöмын зэв водз кутiм жöдзны, а сэсся ме казялi: Толя воши. Татчö-сэтчö, некöн абу. Висьталi мамлы. Быдлаысь корсим, чуксалiм — абу. А асья кадыс сы öдийö котöртö, колö нин видз вылö йöзкöд öтлаын петны. Мамö мунiс, а ме кольчи да котöртi сикт кузяла корсьны-юасьны вокöс. Быд паныдасысьлысь юала, эз-ö аддзывны Толяöс. Сикт помын олысь дед шыасис: аддзылi пö, ичöтик детинка, кöмтöм, мунiс кывтыд нюрлань, Визинлань.

«А?! — кучкис мем сэк юрö мөвп: — Толя, буракö, Визин больницаö Ваньöос видлыны мунiс?!» Визинöдз öд дас вит верст дай Сыктыв ю вомöн перевоз, яг кост вöлök зэв кузь и.

Котöртi ме да котöртi Сыктыв ю дорöдз, öдва перевоз виччыси, сэсся

Пустош кузя Визинлань мөдөдчи. Сикт помасьом бөрүн бара уськөдчи котөрөн водзө, лолөй тырлө да сувтовкерла, бергөдчыла да бөрө видзөда, оз-ө синмө машина усь, кодї, гашкө, нуөдыштас Визинөдз. Оз, машинаяс оз вөтөдны. Коркө и Визинө вои, а сэсся и больничаө, а сэсся и Ваня дорө лэдзисны.

Дыр ми варгим быдтор йылысь, шензим, мый кутшөм сюсь, небось, миян Толя, дарөм дзоля — аддзөма туйсө Визинөдз и больничаөдз, абу повзёма. Толя пукалис мянкөд орччөн да сылы вөлі зэв нимкодь.

Ваня пагавлөма гут кулан тшакьяс сөйөмысь. Врач өдйө бурдөдїс Ваняөс. Баба-внука сэсся микөд өти жырыин кутїсны овны, өти сөян дорын, а ми лоим быттьө куим вок.

## БАТЬ КОК ПӨВ

**В**ОЙНА ВЫЛӨ мунігөн батьө тшөктїс миянлы синъяснымөс моз жө видзны сылысь вөралан понсө — Сობольөс.

— Эн төждысь! Огө воштө! — көсйысисны гортө кольччысьяс, медсясө ме, дас кык арөса пыис.

Но ми эгө помөдз кутөй бать водзын кывнымөс: миян Сობольным вошис арнас. Куим лун помся корсьысим. Быд ногыс чайтам, мися, кодкөдкө вөрө усйысис, дөзмис керка дорас куйлынысө да, либө кодлыкө сылөн волялысь мича куыс кажитчис — пөрччөдїсны. Торъя нин менам сьөлөм вылын шог, йөз сөрнитөны, ур куяс вылө пө сельпо пызь сеталө.

Миян жө Сობоль сиктса медбур вөралан понйыс вөлі. Воши. Вот и көсйысь, вот и кыйсьы сэсся!..

Узя и ола пон йылысь мөвпөн. Казялис, буракө, шогалөмөс Петыр дедө да чукөстїс:

— Пыравлы, пиук! Ме тэд мыйкө заптї...

И сө збыль, кор сарай өдзөссө восьтїс дед, ме чуйми.

— Ура, Жучкалөн кычияс! — өшөдчи дедлы сьылиас.

Дедө понтө бөрйыны, небось, мастер: кычанъясыдлысь вом пытшкөссө видлалө, плешнысө малалө.

Видзөдө, вит костысь кодї медвизув. Бөрйис меным дед еджыд морөса сьөд кычиөс, көдлысь синкымъяссө быттьө руд краскаөн мавшытөма.

— Нель синма, — шуө Петыр дед, — ур выв лоө.

Тайө кывьясыс быттьө вийөн мавтыштїсны менсьым сьөлөм дорөс. Лыскоөн нимтїм.

— Мамо, то Лыскооc вайоді, Собољ пыдди лоо, быдмыштас да ськөд ур кыйны кута, вот!..

Мамо малалө юрөс:

— Чөв, пио, зэв өд на тэ ичөт...

— Кыям, вот аддзылан, — кывкөрталі ме.

Лыско быдмис өдийө, оліс сарайын, идрасигъясө пыр и вөлі керкаөдз тьевкнитас. Пырас да різьялө-котралө жыръясті, уськөдө-жуглө мый веськалө. И вөчи ме сылы пөвъясысь чом. Важ пась шой вольсалі, нитш сюялі пытшкас. Лыско овмөдчис чомйө.

Арся войяс пемьдөсь, но Лыско шы оз сет. А сэсса быттьө тшыкxис, быд вой помся тьвгө-увтө и омлявны на мөдлас. Такөдам-шытьөдам — нинөм оз отсав... А өтчид асья войнас нин Лыско эраліс-эраліс да тьвгыны кутіс.

Шляпкисы өшиньө: понъяс чашйөны Лыскооc. Уськөдчи ывлаө — гырысь понъяс чепөсйисны керка сайө.

Ывла зэв лөк, шляча усьө. Лыскооc шутьяла — некөн оз кыв. Бөр пыри. Шуй виччысьны югдөмсө.

Асывнас Лыскооc эг аддзы горт дорысь, мөдөдчи төрытья понъяслөн туй кузяыс, омөлика төдчыштісны на. Лымъя эрд вылысь сьөдтор казялі. Матыстчи сы дорө, а тайө Лысколөн колясьясы! Көинъяс тай волөмаөсь! Гудыртчис менам юрөй забеднөысла: надея вөралөм вылө бара воши и сэтшөм гажтөм мем лоис, көть тані туплясьөмөн бөрд. Синва аслам сідзи и петө-киссьө.

Мыйөн вои гортө, медводз Петыр дед дорө сьөлөмөс ректыны котөрти. Ставсө веськыда ратшкөді-висьталі дедлы, а сйө пельсө пушвартөмөн кывзис-кывзис да скөрмис:

— Дзикөдз пезъясыд вельмөмны...

Рытнас и воис миянө Петыр дед да вайис чипан позйын кычипиянөс.

Дед, ме да Жучка посводзө сайөдчим, өшинь рамасө босьтім, ывлаө мед видзөдны и лыйны лөсьыд вөлі. Керка өшинь улын тьвгөны кычипиян. Увтө-омлялө миян дорын Жучка мамныс. Асьным ланьтім, виччысям көиньяслысь матыстчөм.

Чипан воськолөн кыссьө кадыс, кокъясөй нин турдыны кутісны.

Дед кыйкнитліс ывлаө да лэптис пишальсө. Косяліс войсө лыйөм шы. Ме нинөм эг вермы гөгөрвоны, кытчө-мый дед лыйис. Но сэк дедө жө горөдіс:

— Котөрт, Ваньө, ывлаө!

Петыр дедлөн буретш кокыс висьмөма вөлі, ме лыйышти-уськөдчи ывлаө.

Видзөда, керка сайөд пушыд лымйөд кыккокйыв чеччалө көин.

— Ак тэ, пез! Ад горш! — пидзөсчанясьөмөн сизьді көинлы бокас картөчөн.

— На!

Лыйом шысö эг кывлы. Но пицаль помысь сявкнитлём бисö аддзылі, аддзылі и, кызди джөмдіс да суніс коін, нюжаліс. Матыстчи, а коінлөн вомыс пась, кывйыс ортсыын öшалö. Эштöма.

Дедö лыйöма жö вöлі чипан поз дорö коінöс.

Асывнас мян дорö став сиктным чукöртчис. Шензьöны. Куяссö пöрччалім да косьтыны öшöдім.

А луннас дедкөд лэччим сельпоö дрöб-порок корны. Сельпоса пред тöршасьö дедкөд:

— Пачка порок, куим кило дрöб...

Дедö катлөдлө юрнас, кывнас шлочкөдö:

— Но-но. Ур кыйны нинөмөн лоö.

Дед син бөжнас видзөдлө мелань.

— Тайö öти охотник вылө?

— Öти вылө, дерт.

— А мөдыс вылө оз сетсы?

— Эн мудерит, эн мудерит! Кутшөм ещö мөд?

— А нукö, со тай öдзөс дорас. Абу өмөй морт?

— Этайö печикыс? — шпыньмуніс пред.

— Батыслысь лызь туйсö таялө: öти коінсö сійö чергөдіс! А тэ сэнi — «печик». Скөнъ скөрмөдін!

— Ладнö. Гижам либö. Овыс?

— Овыс менам жö, а ним-вичыс Иван Егорович лоö.

Медводдзаысь менö вичнам ыдждөдлісны, казеннöй кабала вылө пас-йисны, дрöб-порок пай сетісны

И вот тасянь ми дедкөд мөдім кыйсыны договор серти. Война кадö ми дедкөд уна ур-тулан сдайтім.

## СКВОРЕЧЬЯС

**В**ЕРАНДАÖ писькөдчысь шондi югөр пальөдіс Ваняөс. Сійö звирк чеччис, трустик-майка кежысь петіс ывлаö, заводитіс мыссьыны. Чышкысьөм бöрын, синьяссö читкыралігтыр, Ваня пукаліс нин кильчö пос тшупөд вылын, нимкодясис аслас «гöстьясөн» — скворечь-ясөн.

Лун вöлі жар, төвру эз пöлыштлы. Бурөвöй дорын бруткөдчысь дизель, балокьяс да палаткаяс дорын некод эз тыдав, сідзкө сёр нин. Бокын-

джык, медджджыд гора вылын, дөввидзис бурөвөй вышка, кодлы дзик йылас пысалөма гөрд флаг, флагыслөн рөмыс тасянь оз төдчы, но Ваня сідзи төдө. Вышка дорын уджалө сылөн батыс, мамыс — посёлокса садикын нохсё.

Ваня гөгрөдлө синъяссө отарө-мөдарө, скворечьясөс кыйөдө. Со рация видзан щитөвөй керкадорса мачта йылын чим съөд ёкмьль тыдалө. Тайө, дерт, и эм сылөн скворечыс.

Прамөя бергөдчывын эз удит, а мачта вылын скворечыд абу нин, быттьөсыліс. А сэссия здук мысти и дзик Ванялань зэв өдйө жбыркнитіс. Шевкнитөм бордьяссө өдйө топөдіс и швачкысис-пырис скворечник розьө.

Со сійө быйкнитіс бөр, петіс позйысь, пуксыштліс кызд пу вож вылө. А со картопель му вылын нин нидзув корсьө, тювкнитөма нин кода кө кості!

Сквореч мам пырджык позйын — пьян вөснаыс төждысьө, а батыс: позсянь — му вылө, мусянь — позйө, семьялы сёян ваялө, кыасянь кы-аөдз мырсьө. Ок, и уджач!

Зэв нимкодь Ванялы сёлөм вылас, медводз асланыс посёлокын сувтөдіс скворечник. Сійөс муө суйөм кузь зіб йылө өшөдөма, абу, дерт, ёна мича, посылка ящик сяма, но ас киён вөчөмторсьыд любө. А Толя вокыс, көть и ыджыдджык, сөмын дэльөдчис да сералис.

А Ваня эз сетчы. И со өти шойччан лунө батыскөд сувтөдісны зібсөпосни кызьяс костө. Быдөнөс шензьөдіс Ванялөн вөчөмторйыс. Өд тайө — посёлокын медводдза скворечник.

А тулыс войвылө эз тэрмась. Ваня юасис, кор нин воасны скворечьясыс, но некод эз куж висьтавын. И со, өти асылын Ваня чуймис: пырөны-петөны скворечникө пышкайяс серти гырысьджык съөд лэбачьяс, кыкөн. Ваня кынмис места вылас, куткыртчис, видзөдө: өтиыс пуксис вевт вылас, мөдыс кызд пу вож вылас. И заводитісны тюргыны, быд ног шутьявнысывны. Ванялы окота вөлі мый вынсьыс горөдны, мед ставөн кывлісны: «Скворечьяс воисны! Миянө скворечьяс воисны!» Но Ваня горзыны эз мөд, ещө повзясны да бөр усйысысны.

Дыр нимкодясис, кытчөдз гөсьтьяс эз жбыркнитны. Радлігыр Ваня пырис гортас, но Толя вокыс эз нин вөв, котөртөма кытчөкө. Скворечьяслы кажитчөма Ванялөн позйыс, радпырысь овмөдчисны сәні.

Ванялы вөлі нимкодь. Пос помын пукалыштөм да сөйыштөм бөрын Ваня лэччис купайтчыны.

Пыр и вочаасис Толякөд, коді вевъялөма сытөг прамөя нин гулайтны.

— Видзөдлы, мый менам эм! — збоя өвтчө ныр улын гөрд резинаа рогаткөн. Боктыс мунігөн сійө синва петтөдзыс чепөльтіс ичөтджык воксө. Ваня дойысла курчис парьяссө: видзөдіс ылыстчысь Толя вылө, бөрсяньыс горөдіс сылы: «Рогаткөн ветлан?! Мамөлы висьтала...»

Ёна парскö Ваняöс ыджыд вокыслөн вильшасьёмыс, но мый вöчан, вынаджык да.

«Дыр нин Толя корсис гöрд резинасö и со кыськö аддзöма», — мөвпыштис Ваня да веськөдчис дзоридзөн ымралысь видзяс вомөн ичöтик юлань.

А тайö кадö Толя воис асланыс керка дорö, пуксис кильчö пос помö, кöни неважөн на нимкодясис скворечьясөн вокыс, мөдiс синъяснас корсьны лыйсян пас.

Некымынысь Толя метитчылис рация керкаса чардак öшиньö, но бөр лэдзлис кисö — батыс тöдмалас, тасмаалас.

Буретш сэк, быттьö нарошнö, сквореч локтiс да пуксис Толясянь зев матö, кыз пулөн чаль вылö, вомас мыйкö вайöма.

— Аха! — ставторсö вунöдлис свет вылысь Толя, мый вынсьыс зэлöдiс рогаткалысь резинкасö и радлiгтыр веськөдiс чуньяссö. Шутьялiгтыр лэбис пев пом кодь из да шнëкысис лэбачлы.

Кылис вöсньыдика чипöстөм шы. И пыр жö гөгөрвоис Толя, мый вöчис зев мисьтöмтор, кöть сэсся му пырыс яндзымысла мун. Сийö гоньялис: эз-ö кодкö казаяв, лэптiс муысь шоныдов на лэбачöс да шыш моз котөрөн дзебсис керкаö, оз тöд кытчö и воштыны «прöмыссö». Дыр бөбъялис Толя, но вот кыськö матыстчис Васька кань, тшапкис джек помысь и гөбөчö вурыштис. Но Толялөн полöмыс тайөн эз помась. Сийö дыр мөвпалис, кытчö дзебны рогаткасö, а кор дзебис, пышйис гортсьыс.

Пöттöдз купайтчöм да гожъялөм бöрын Ваня тэрмасис гортö. «Мыйла нö скворечьяс оз тыдавны? Көн нö уджач батысь?»

Воис удж вылысь мамыс, Ваня уськөдчис паньд, жугыля юөртiс, мый скворечьяс абуйсь.

— Воасны, — такöдiс писö мамыс.

Аскинас Ваня чеччис кыаыскөд тшöтш, öд скворечьяс медся лöсьыда сьылöны сэки. Но скворечьяс, мыйта кöть эз виччысь, эз петкөдчыны. Зiб дорын кывзсысьыштис, скворечникын шы ни тöv. Сийö чукöстис Толяöс видлыны скворечниксö. А вокыс... вокыс мыйлакö бокö сувтiс да сапөг нырнас мусö гудйö.

— Öтисö ме, ме!.. Рогаткаөн... — висьталiс сийö. — Эг кöйсы да артмис...

Ванялөн чуньясыс асьныс шамыртчисны кабырö, видзөдласыс сотiс бөб моз дзоргысь воксö:

— Шпана! Весась! Весась син водзыйсь!

И Ваня зырöдiс Толя вылö, а сийö бöрынтьчис, бöрынтьчис да котөртiс кытчökö. Дерт жö, сылы вöли яндзим.

— Öни аслыд ковмас вердны сквореч пьянсö! — горөдiс бöрсяныс Ваня. — Куласны öд!..

# САМОКАТ

**В**АНЯЛӨН суседьясыс ненечьяс. Сійö быдса вежон чöж виччысьö другьясыскöд аддзысьлөмсö. Сöмын шойччан лунö найö волöны бабыс ордö, а сідзисö олоны мöд сиктын, велöдчöны интерна-тын. Кык судта ыджыд интернатас, кытчö öтчыд воліс Ваня, олоны көр видзысьяслөн челядь. Дружня олоны, кыпыда ворсöны, вöлины кө эськөн и Ванялөн бать-мамыс көр видзысьяс... Но сълөн му вöдитысьяс.

Ванялөн другьясыс сюсьöсь. Муртса кокныс керка порог вомөн вуджас, а удж нин бабыслысь дзайгöны. Сэсся панласьöмөн уськөдчасны кык вок пес да ва пыртлыны, горт дор пелькөдны. Бабныс вокьяс йылысь пыр шуалö, менам пö мада ки вежысьясö бара воисны. Керка дор уджсö бергö-дасны да асланыс радейтанаторьясö кутчысьöны.

Зэв бура тöдö Ваня, вокьяслөн медся радейтанаторьясыс дзик абу öткодьöсь. Асланыс радейтанаторьясөн кык вок ылöдз нималöны, та йылысь сиктын быдөн тöдö. А вокьяс оз öтитор радейтны. Толя эськө лун-лун исласяс, бабыс шензьö: лыжи вылын кө сійö чужлöма-а. Толя косіник, винёв, зэв пельк. Съöd сэтөр кодь синьясыс визулöсь, гöгрöс чужöмыс вашьялысь. Вова вокыс мөдарö — ньöжмыд, лабутной. Мортöс кө Вова рисуйтас, сы кодь и эм, а көр кө — дивö! Дзик ловья!

А медсясö Вова ноксьö пила-черөн, пыр мошкоритчö-вöчö мыйкö пу-ысь. Бать кок пöv, сійö «зарни кияса» мастерөн кывсьö сиктын. И школаын быдөн Вовалысь уджсö аддзö: öтилаын мича витрина, стенд ли, а техни-ческой кружокын — самолёт модель.

Талун Ваня эз казаяв суседьяслысь кодакостікö воёмсö да ёна чуймис, кор кыліс зыксьöм да гөлöсьяс сертиыс тöдіс ассыс другьяссö, тэрыба котöртіс на дорö. Толя лыжиасьöмөн вокыс дорын сулалö, а Вова пили-талö дöскаяс.

— Батьö воас да, удта, медбур пövьяссö тшыкөдлан. Эн, эн, мися, орлав. Дугды! — пузьöм вира Толя чилзис Вова вокыс ылö.

Толя казаяліс Ваняös да ланьтіс. Вокьяс виддзаасисны воыськөд, Толя дözмөмөн юөртіс:

— Мастералö бара — кутшөмкө самокат вöчö...

Ваня видзöдіс-видзöдіс Вовалөн гөгөрвотөм ноксьöм ылö да виччысьтөг артмис:

— Вай, Вова ме тэд отсасьны кута. Позьö?

— Мыйла нö оз.

— Ті сöмын менсьым нинөм эн вөрөдö. Смотри! — горөдіс Толя, тойыштчис бедьяснас да суныштіс керка пельös сайö. А Вова да Ваня

босьтчисны вöчны самокат, кодi некодлөн на абу да кодöс некысь некоднанныс синнас на эз аддзывны, весиг картинкаяс вылысь.

— Ме стружита да тувьяла, а тэ мерайт да пилитав, ладнö, Вова? — сьöлөмсянь шуалö Ваня.

— Ладнö, ладнö... Сöмын лыжиясыс абуöсь.

— Мыйкö мöвпыштам. Вова, меным рисуйт самокатсö, а то ме век на ог гөгөрво, мый вöчам.

Гортас пыравлис да бумагатор вылö Вова рисуйтис Ванялы ассьыс думыштöмторсö. Ванялы кажитчис.

— Со! Паськыд пуклössянь кык лызь вылö лэччöны нель кок. Артмö мыйкö дзик мöс лысьтан джек кодь. Кык лыжиыс крепыда йитчöны джек кокъясыскöд. Пуклос водз нырас рульыс, сийö коймод лыжи вылын, коймод лыжисö кодарö бергöдан рульнас, сэтчань и сетчö самокатыс, зэв гылыд и оз пöрлась.

— Ок и лöсьыд исласянтор! Мыйла жö ме водзджык эг татшöмторсö думышт? — майшасьö Ваня да зiля отсасьö Вовалы.

Заводитисны другьяс юрнысö жуглыны, кытысь лыжияссö аддзыны. Толялөн эськö эм да, он лысьт вөрöдны.

— Кыдз чуркаясыс лöсалам лызьяссö, — зэв збыльысь шуис Ваня, но Вова пыр и öлөдiс: «Чöv, уль лызьясыд лымсö гөрны кутасны. Оз туй!» Лоис эськö энөвтчыны самокатсыыс, эз кö Вова ассьыс сьöлөмсö ыдждöд да шу: «Мед! Пукталам Толялысь, мед мый лоö!» Шуöма — вöчöма. Самокат дась.

Зонкаяс котöртисны медджуджыд кыр йылас, кöни тыдалисны ызгысь челядь.

Вова вöли зэв прöст мортөн. Öтчид на ачыс эз исковтлы, а вöйис нин ёртъясыслы.

Зонпосни тшöктöмсö и виччысьöмаöсь, быттьö ма вылö самасисны. Быдөнлы окота видлыны-пуксьывны либö вөрöдыштны рульсö, оз кö нин сюр стрöка исковтны.

— Этша эз патурликась!

— Чöv, сийö лёка рулитис да! Ме бара кужа исковтнытö.

— Усян!

— Ачыд эн усь-а!

Ваня казялис, мыйкö дзөръявны кутис ёртыс. Вова Ванялы пеляс: «Толя локтö!»

— Ме доръя! — шуис Ваня.

Толя кайис кыр йылö, кывзысис челядь сёрниö.

— Бура лöсьыд, он пөр, толькö нöшта чой паныдсö ачыс оз кай!

— Позьö весиг кыкөн исковтны.

«Өні ме сэсся!..» — «Тэ?» — «Ме!» — «Ме мёда жё», — быдласянь кылісны гораа шуасьёмьяс. Толя пөрччис лыжияссё да уськөдчис исласысьяс дорё:

— Вайлы меным!.. Ме видла! Дзик өтпыр, честной кыв!..

Толя кыкысь нин исковтис, но оз на энотчы самокатсыис. Сійёс кытша-лоны челядь, оз лэдзны, лои Толялы ёртьясыслысь кывзыны.

Нюмьялігтыр матыстчис Толя Вова вокыс дорё:

— Кыдзи нё юрид уджаліс тайёс мөвпыштны?!

— Бать кор воліс «Бураннас», сэки аддзылі и мөвпалі... А тэ, Толя, он скөрав ме вылө?

— Мыйысь?

— Лыжиястө тшыкөдлі да...

— Менсыым өмөй лыжияссё! Вова, мый нё вөчин?

— Важось өд нин вөліны найё, — дорйыштис другсё Ваня.

— Мед көть кутшөмось, исковтисны тай на лөсьыда-а.

— Толя, тэ өд кык лыжи өти кокад он жё көмав? — шыасис Вова. — Абу өд лыжитөм тай өні.

— А чегас кө?

— Сэк ми самокатсё бөр разям дай.

— Сідзкө ме сөглас, — кыпыда шуис Толя. — Тэ, Ваня, миян Вова кодь жё вөлөмыд юра.

Сэсся другьяс, гораа варовитігтыр, мөдөдчисны гортаныс.

## РЫЖӨЙ ТОЛЯ

— **Т**У-ТУ-ТУ-ту-у-у! — шыалө тыртөм коридорын горн, юралө тайё сьёлөм вөрзёдан шыыс школалөн восьса өшиньяс пыр ывлаө, паськалө сиктө, сы вөсна мый сиктса керкаяс пуксялөмны керөс гөгөр, код вылын дөввидзё-сулалө гырысь өшиньяса школаыс.

Шондїён дзирдалысь да син водзын чеччысь веж туруна ывла вылысь гузьгысис ворсысь, чеччалысь, долыда варгысь челядь котыр пөдан жара квайтөд «а» классө. Велөдчан во бара помасис: өні нин со ставөн сөдьмой-саяс!.. Талун медбөрря пионерскөй сбор.

Лым кодь еджыд дөрөма зонкаяс да сэтшөм жө еджыд партука нывка-яс, би кодь галстукьясыс, морөсаныс пөртмасьоны.

Лыйлөны-клопакылөны парта пөвьяс, шыалө класс, быттё гывавлысь Изьва юныс.

Шумыс друг ори. Лоис сэтшөм лөнь, мый төвся узьомысь палялөм гулөн дзизгөм-дзизгөмыс кылө.

Учитель пызан сайын отрядса председатель Ваня Другов — латшкөс тушаа, паськыд пельпомъяса детинка, мыр кодь топыд тэчас нога. Ни өти родтөг сийө сулалө пызан сайын, став класс водзын да ньөжйö шылькнит-львлө баля нога еджыд кудрисө кинас.

— Заводитам! Елена Ивановна мем тшөктис! Öти вопрос! «Гожся каникульяс дырйи совхозлы пионеръяслөн отсасьөм».

Челядълөн вомныс калькмунома, былялөны Ваня вылө и классын шыч ни рач, но бөръя парта сайысь другысь чарөстис потш кодь кузь да вөсни тушаа, пистиөн резөм чужөма детинка:

— Пөрйөдлсны, пөрйөдлсны, челядь! Медводзө кө петам, Москваö нуөдлыны көсийсны... Пөрйөдлсны!.. Медводз местаө петим. Мыйта тильсинныд! Пөрйөдлсны!

Тайö Толя, классөс дзик өти бөрө кыкысь, мамыслысь сьөлөмсө дойдалысь, а мамыс өд совхозса медбур доярка, пыдди пуктана морт, кодлы уджыс сюрө петан да шондi лэччан пöраясö, а батыс абу... А Толя ашшөр оломнас йөз водзын мамыслысь юрсө уськөдö.

Толялөн во джынйөдз поведениеысь вöли «неуд». Велөдчан во заводитчигөн вешалкаын челядь пальто зепъясысь перчаткыяс вошавны кутисны. Вөлөмкө, Толя босьталө — коллекция пö вöча, кымын сикас кепысь овлө. Толяөс сбор вылын топөдлсны. Сийö кыв сетис водзö не вöчны тадз.

— Быдторйыс өд гортын эм, а со вед кутшөм, — ышлолалис мамыс. — Но талун ме сылы пуж петкөдла!

Толяөс пыр синйөны өти классаяс и школаын, и ывлаын, ворсiгьясö. Толялы тайö быттьö мөррчискодь жö: бурмөдiс велөдчөмсö и поведениеысь мөд во джынйын «уд».

Мөвпалис öни тайөторъяс йывсьыс дзонь класс и Ваня.

— Москваö муноны да толькө ог ми. Витөд «б» муно и... Накөд Елена Ивановна.

Шызис-гызис классыс!

— Тайö Толя вöсна, че-елядь, Толя вöсна! — гөрдөдөма Вова, физорг, вот-вот скöрысла потас, кольквиж синнъясас би киньяс. Повзян!

— Ме?! Ме вöсна бара абу!.. Ме нин көн успевайта, — дорйысьö шайпаймуноМ Төля.

— Тэ вöсна, Толя, мен висьталисны учительяс, — класслысь ызгөмсö кисö кыпөдөмөн чөлөдөм бöрын кывкөрталис вöсныдик льöб доръяссö курччалысь Ваня. Сылы, тыдалө, эз жö лөсьыд вөв.

Но сэки, зык-шум шöрас, класс өдзöс другысь воссис и пырис выйөн

югъялысь комбинезона дядьö, шапкасö юрсыы босьтис и чöлалöм класс дорö шыасис джöмдаліг:

— Челядь, а ме вед... Ме тiян дорö зэв ыджыд могөн. Менö тiянöдз Елена Ивановна ыстис. Виль муяс вöчим совхозныдлы, эстөн, Ыджыд шор дор ыбъяс вылас... Тöданныд, кывлінныд?!

— Тöдам!

— Аддзылім!

— С-100 тракторныд сиктöдз буалö!..

— Шор дор рассö ставсö нырöмны.

— Сідзи и эм! Мелиораторъяс ми... Отсасысьяс, ув сотысьяс миян колöны, асланым оз тырмы да, вот тiян дорöдз вои. Дядя Петяөн менö шуöны, бригадир пыдди сэн, — кытшö сувтöм челядь костын варовитö воём морт.

Челядь мöда-мöд вылö дзоръялöны, а некод нинöм оз вочавидз.

— Но, мый, челядь? — чöвлунсö торкис гажа гөлөсөн шешъялысь Ваня.

— Мунам!

— Мунам!

— Оз пöжар ло?!

— Оз. Почваыс васöд. Уль и керасыс, арся да. Öтарас шор, а куим боксянь — важъя муяс, — пöся сёрнитö дядьö: — Но кыздэ?..

— Гөлөсуйтам? — челядьöс видзöдласнас гөгортис Ваня.

Тшем вөр моз кыпöдчылісны кияс.

— Талунсянь?

— Талунсянь!

— Бур тай! Москва пыдди Ыджыд шор бокö! Ха-ха! — горзö Толя.

— Пионеры, будьте готовы! — гөлөс ыдждöдтөг, но ставлы кывмөн шыасис Ваня и юөр весьтас кыпöдліс веськыд кисö.

— Всегда готовы! — öти, но пель чунöда гөлөс юрöбтис воча. Пионеръяс шуисны отсавны му вöчысьяслы, а сэсса и... видз вылö.

— Сбор Ыджыд шор дорын... Вежсьöй. Истөгъяс босьтö, — велöдіс Ваня.

Он тöд: дзикöдз вежсьöма Ыджыд шорбокса керөс. Нэр кыздъяс сора рас пыдди, көнi быд оськoлын вöліны турун юр гырся вутшъяс, лоöма джодж кодъ шылъыдін. Бульдозерьяс көрт нырнаныс топöдöмны, шылъöдöмны нюрсö. Вожмавлöны керөссö трактор туйяс, сэн-тан вужнас бергöдлөм пуясысь амбар да керка гырся чукöрьяс.

Пом ни дор шылъöдöм местаяс синмөн он судз муртавны, быттьö мусюрыс куим боксянь уль йөв кодъ небесаыскöд сөлькнитчöма. А кывтыдыс оз тыдав джуджыд кыръяс вöсна, но кылö ызгö-визувтö Ыджыд

шор, нуõ парма ягысь, нюръясысь сылõм лым васõ, гудырõс да йиа кõдзыдõс.

— А мõд во тайõ местаас лоõ нин гõра-кõдза, — сёрни керõ Ваня, ачыс кирза сапõгасьõма, брезент курткаасьõма.

— Ставным нин сзсся, а Толя абу да оз нин и во буракõ.

— Москваõ сылы дышысла окота, — кõритана сёрнитõ Вова, а ачыс нетшкõ ызõн турун да кульõ пõрлõдлõм кыздыясысь сямõд — ломзьõдчан вылõ.

Став зонпосниыс чукõртчисны, школаысь лэччигõн нывкаяс кольччисны мамъяс-чойяс дорõ мõс, куканьяс видзны. А зонъяс õти кывйõ пыр и воисны: мед мунõны, совхозлы жõ вõд отсасьõны.

— А дядя Петя мõй оз жõ во? — юалис ичõтик гõлõса Миша.

— Оз! Сийõ гаражõ тэрмасис: трактор пõ жугалõма да... Эштас да ми дорõ бергõдчывын сэк мõдис, — юõртис ставлы Ваня.

— Ой, зэрмõ! — чилõстис кодкõ чукõртчõм челядьяс костысь.

— Кõtõдас!

— Õзталамõ!

Шливгыны кутис тувсовъя шонид зэр. Челядь быд пõрõдõм пу чукõр дорõ уськõдчисны: кос увьяс, ызõн турун ки тыръяс õзтõны; нюлыштас би кывйыс челядьлысь чукõртõмторсõ, а сзсся чискыны кутас, ньõж дзоляммõ.

Чукõръяссянь ёрта-ёрт дорõ котралõны, ставлõн оз ырзья биыс, пõдõ, бõр кусõ. Жугыльõсь бõрõ-водзõ жõдзõны другьяс, майшасьõны, но тõлк оз пет.

— Тонõ кодкõ шалсий таланьõ, — юõртис парьяссõ курччалысь Ваня.

— Дядя Петя!

— Абу!

— Тõдтõм, капюшона плаща, кузь чõръя резина сапõга.

— Киас мыйкõ эм. Чера, чера!..

— Но, видза инõ!.. Дерт, эн тõдõ!.. — воысьыс вõлõма Толя.

— Черыс бара мыйла, пес керавны али мый мõдин? — увтыртана висьталис Вова, син бõжнас Толя вылõ видзõдлис да.

— А тi нõ мый, эн на заводитлõ? — кежõдис сёрнисõ Толя.

— Гашкõ, и эг... Тэдсõ мый, — шуасис кодкõ чукõртчõм челядь костысь.

— Зэрõ, — ыстысис мõд.

— А ме босьтi кос сямõд да со мый, — ноптор мышку сайсьыс пõрччõм бõрын кыскавны кутис Толя: — Со мый сулеяын...

— Мый?

— Тõдмав ноко!

Ваня босьтис Толя кийсь тыра сулея да исыштис:

— Солярка!..

— Вот и эн төд: карасин!

...Карасинөн киськалём чукөръяс өдйө ломзисны. На югөр улын лоис ставныслы кыпид. И сэки Ваня шуис:

— Кывзөй, ёртъяс. Локтан во быть нин ветлам Москвад. И Толяёс босьтам.

## ЖУЧКА

**В**ОЙНА йөзлы вайис уна шог, но медводдза шогсьөмөн лоис аслыд кынөмпөт шедөдөм... Гөра-көдзаөдз, өти тувсов лунө, өкти сёянтор муяс-пашняяс вылын: кузъяс, кольём वोся шепъяс. Ягладорсянь гортө воигөн нырысь-ныр воча воим суседса өттшөтшъя детин-какөд, Толиккөд, коді вөлі ружьеа.

— Мый кыйим? — пыр и юалім, көть нин аддза вөлі, мый сійө нинөм оз вай.

— Мый? Нинөм! Ягас нинөм абу да... Тойтө он кый, — жерьялө воча Толик.

Школаын жө Вова другө корис менө бокө да шөпкөдіс: «Вөравны тай мөдін, гумляяс дорын дозмөр-тарыс жуө... Мамөлы висьтавлөма Опонь дед, весиг рынышас нин пыравлөма пө...»

Ме дюдьявны куті, кодлы эскыны — Толялы али Вовалы. Школа бөрын пыр жө котөрти Петра дедө дорө сёрнитышты та йылысь. Төлкуйтім ры-тывбыд:

— Вермас и лоны. Тулыснас пөтка тшыг да вердчывлө тусьясөн... Да и рөдмис, буракө, уна. Оз вөрав некод да...

Ме висьталі дедлы, мый водз чечча да аски школаөдз кайла ружьеөн гумла дорө.

Дед суйсис:

— Ог төд, понтөгыд мыйкө артмас оз.

— Вайлы Жучкатө, мый сэсся, — нем думайттөг кори ме дедлысь кычиписө. Пөрысь Жучка дедлөн абу нин, тайө вель.

— Энь кычипи зськө, да вит төлысся на и эм, — вочавидзис дед. — Босьтлы, абу жаль.

Жучкакөд ми важся другъяс, ме сійө корсюрө вердывла мыйөн верма. Сійө менам чукөстөм вылө и вөтчис ме бөрся гортөдз, көні вөвлывлі нин жө. Йөрти вой кежлө Жучкаөс гидө, мед эськө бөр эз пышйы. Зарадитчи

батылөн запасъясъсы: квайт патрон видлём вылө. Водз воді, мамöлы тшöкті пальöдны вой шөр гөгөр.

Эз узъсы, сөмын бергалі. Чеччи вой шөрысь водзджык на. Кок чунь йылын ветлі, көмаси-пасътаси, понла петігөн мамө шыасис:

— Эн дыр ветлы, пиук, школаад мед он сёрмы.

Көсийси мамлы быд ног и, надея куттөг, воськовті кильчöбьсь югдан ывла вылө. Воськөдчи вартан гумляяслань. Муртса петі карта потшöс сайö, понйöй тивгыны кутіс: йөрмөма потшöс дорад, оз путымы петны, ни чеччыны. Лоис моздорын вуджөдны. «Сөмын матайтас, тыдалө, татшөм понмыд», — унабьсь нин төрытсъянь татшөм мөвп менам юрын бергавліс. «Ладнө, коля нин гумляяс дорас, гашкө, понтөг на лыя», — мөвпала бара мөдарө, ачымөс ачым такөда.

Рынышъяс дорө локті рөмыдөн на и. Збыль, ылісянь на кыла: шпора-кылöны-лэбöны лэбачьяс. Гумла сёрөмъяс кості ветлöны, öтарын и мөдарын шпорөдчöны. Öтчид ныр улө воліс зэв ыджыд дозмөр да повзбылі быдсөн. Сы вöсна сёрми да лыйи нин бөрсяньбьс. Но эз сюр. Тадзи кө, патронöй этша.

А кычипи Жучка кутіс ньөв моз öтарө-мөдарө котравны. Котралө да тявгө-увтө вöсни гөлөсөн. Гөгралі-гөгралі, немтор эг лый сэсся. Югдыштіс нин. Смекайтчи да некутшөм пөтка тай синмө эз усь. Мөдөдчи кладбищедорса пожөма вөрлань. Öдйө казялі, мый сэн, пожөмъяс вылын, гырысь сьöд чутъяс.

— Дозмөръясыд сэні пукалöны, — мөвпышти пыр жө ме да лои рад, мый кайөс аддзи.

А Жучка матын эз тыдав. Матыстчи медматын пукалысь пөткалань и кыла: Жучка неылын тявкнитлас да бара. Ладнө, мед тявгас. Копырөн, кыйөдчөмөн муна аслам дозмөрлань, а сійö гоньявны нин кутіс. Кымынкө воськов ме нөшта вөчи, кыйкнитлі пу туганлань дозмөр вылө, а туганыс куш нин. Лэбөма дозмөрыд. Кыті подөн, мукөдлаті кыссьөмөн заводиті матыстчыны мөд дозмөр дорө, лыян выйөдз бара эг во, дозмөр, бордъяс-нас öдйө тірөдчиг, сунгысис-лэбис вөр шөрө.

А Жучка, кылө, камгө-увтө öні нин яра. Пыркөді гачөс да нырвомөс буссьыс, няйтсьыс, веськөдчи Жучкалань. Тупыль со сійö чим еджыд гөна пукалө пу улын да вылө юрсө чатөртөмөн, камгө-увтө, а дозмөр сы вылө копрасьö да котсө либө кургө. Видчө, буракө, пөтка первойсö, а сэсся вильшасьö кычан вылын: «Он судз! Он судз! Он кут!» — дэльөдчө дозмөр.

«Ав! Ав! Мыйла кайин? Лэччы!»

Пу сайсянь пу сайөдз копырөн котөртіг ме öдйө вои дзик нин Жучка дорө, кашкөмөс чөлөді да метитчылі, но бөр дугді. Кийö дзөрө: зэв нин ёна колө кыйдөсыс да. Шойччышти, ачымөс быд ног такөді да бара

метита, кыдзи Петра дедө да батьö велөдлісны, бокас лэбачлы. Ачым нин сулала дзик сійö пу улас, көні дозмөр пукалө. Öні либö некор! Гымөбті. Пулысь кос увъяс жугліг дозмөр шнөпкысис дзик кок дорö. Жучка вожасьліс нөйтчысь дозмөр вылө, öдва мырдди кыйдөсөс, сэссия бөр малалі Жучкаөс, кор радла дрөжжитан киясөн ме дзеби дозмөрсö ас вöчөм ноппйö.

Муртса на ме дорын вөлі Жучка, а кыла: бара нин камгö-увтö дзик матын. Öні сэссия эг нин зэв пов и сюсьджыка нин матыстчи дозмөр дорö. Бара инми! Этадз ме нельöс лыи, а витöдыс вөлі веськалөма съод дозмөр, пу вылысь уси да гундыр моз шлопсьö да нөйтчö, öдва ме сійöс ланьтöді. Мешöкө оз нин төр да ректыси и сюии öтнассö, медбөръясö. Сюии съод дозмөрöс мешöкө да зэв кузь да паськыд бөжыс колис ортсыö на, öтнас и төрö мешöкө, сэссия эз ни öти. Пөрччи гач көвйöс, мукөд нельсö кокъясö-дыс öтлаö көртавлі, кык ноша öтлаалі, пельпом вомөн чөвті: öтиыс морöс вылын, мөдыс мышкын — вожөдөмөн.

Ой, мый сьöкта — ыж тушаысь на, дерт, сьöкыдджык. Шешъяла. Ас керкаöй со тыдалö, а ме тувчча и ог сэссия, ог вермы öдйöсö да, и гачöй усьö, кута. Кодкө, кылö, матын ме мышладорын лыиис кыкысь, а сэссия карта сай йöрын менö вөтөдіс морт. Тайö Толя. Бара на воим төрытья местаас. Менам кыйдөс вылө дзоргиг. Толя шай-паймуні, да сылөн чужö-мыс кутіс гөрдөдны:

— Ой, мыйта дозмөр кыйöмыд!

— А тэ?

— Ме — нинөм... Понмыс тэнад увтіс?

— Да, Жучка увтіс, а ме лылі.

— Шыть, пез лов! — горөдіс коклябөр дорас гартчысь гөрдов пон вылө Толя да корис менсьым:

— Вай, нуышта, отсышта кильчö помөдздыд.

Ме сеті Толялы ношаясöс да вөтчи бөрсяньыс куш киөн. Толя варовитö:

— Ме эськө тайö дозмөръясö уна лун нин котрөдла да зэв полысьсьö, а понйöй оз увт.

Жучка котөртис водзын гажаа увтігтырйи. Ме Толялы нинөм эг вочавидз, а думышти: «Айда, Жучка таысь пон лоö, а Толя пөръяшка».

Гортъясö торйөдчигөн мем жаль лои дзугыль Толя да вөзйи öти дозмөрöс:

— Босьт, менам со уна, а тэнад абу.

Толя гөрдөдіс пель йылөдзыс да кутчысис дозмөрлөн сой кызта голяö, босьтіс.

— Аски ме тэнö нуöда, эн коль. Ладнö? — ылісян бергөдчылөмөн горзис сэссия сійö меным.

— Ладнө! — горөді воча ме да мөвпышти: «Дедлы ковмас дозмөр вистыны, сэсса и Воваяслы. Вова өд меным индіс, кызд жө...»

Мамө воча уськөдчис кильчө вылө да кивтөммыліс, сэсса эта мында прөмысысь повзискодь:

— Ой-я да ой-я! Аминь-аминь! Ачыл кыйин?!

— Ачим, мамө. Жучкакөд кыкөн.

— Аминь да минь! Бласлө Кростос! Ичөт пиёй нин вердысьөй, — эз инась некыз, зэв рад мамө. — Мудзин көнкө ёна, тшыгыялін?

— Эг, эг, мамө. Нинөм! — лыддя ме ачимөс ыджыдөн нин, ог няргы.

Мамө котөрөн вайис мем йөв тыра кринча. Ме неуна чурснитышти да кань ворйө ставсө кисьті Жучкалы. Мед сөйө, сійө унджык на нажөвитіс. Но мыйөн сэсса понлы мынтысян. Мед сөйө, сөйө пөттөдзсыс.

## МОТОРА ВЕЛОСИПЕД

— **О**МЛӨН ЗАКОН... — пычиктө Толя, — шусьө, кор сила тока веськыда пропорциональнө, а сопротивлениеыс мөдарө пропорциональнө...

Кыйкьялышти: унаөн шпыннылісны сы кывъяс вылө. Толя кылө и код-лыськө шөпкөм-висьтасьөм, но велавны оз мөд, веськодьпырысь очсалө.

— Толя, уроктө бара абу велөдөмыд, — ышловзьөмөн шыасис Елена Ивановна.

— Абу кө и... — букөстис Толя и тшөктытөг шлап пуксис бөр парта саяс. Пуксис Толя и дузьяліг шуасьө: — Мем физикасыс нинөм, ме тракториставны мөда...

— О-о-о-о! — чилөстис кутшөмкө нывка.

Чөв олыштөм бөрын Елена Ивановна кывкөрталіс:

— Трактористыдлы физикаыд бара и колө!..

— Колө?! А Петыр Витьө тай школасө абу помалөма, а тракторист?!

Челядь котыр ызөбтісны: «Ха-ха-ха! Тракторыс Витьөыдлөн пыр жугалөма»...

— Витьөөс гортас бөр пыр кыскөны...

— Висьталін жө, Толя! Ха-ха-ха!

Толялы кывйыс сэсса эз шед и джагалі, шондіа ывлаө орө видзөдө. Видзөдө немторсө, көть и петкөдлө збоялөм, а сьөлөмсө шог йирө: бара «кык» воис!

Толяөс мездіс выльысьөн юалөм Ваня Другов, коді Омлысь законтө

төдіс стих моз и торъя юасьомъяс вылө кужис вочавидзны... Классын гявны кутіс радлун, быттьо ставлөн рана дой бурдіс.

Буретш меддолыд пөраас Ванялы кодкө лыйис няклялөм бумагаөн. Ваня пыр жө бергөдчыліс Толялань, коді өдйө юрсө лэдзис.

А бөръя урок вылысь, кызди и пыр, Толя бара «сыліс».

Татчө колө висътавны, мый Толя да Ваня өти сиктсаяс, весиг суседъяс. Олөны суседъяс шөр школасянь ылын, вит верст сайын, ичөтик деревняын, көні совхозлөн мөс видзан комплекс. Ваня школаө ветлө важиник «Урал» велосипедөн. Толя подөн и век медводдза урок вылө сөрмө, а медбөр вывсьыс уттьысьө. Со и талун бара жө...

Аски асывнас школаө мунны Ваня юөртис Толяөс, но Толя чатрасис никельөн югъялысь выль мотора велосипед дорын да ышнясьөмөн вочавидзис өтлаын мунны корөм вылө:

— Мун, мун! Ме вевъяла на, вөтөда и коля на тэнө...

Лоис бөр петны Толя өшинь улысь да сөвны Ванялы вушйөм краскаа, дзуртысь да витшкысь важ велосипед вылө. А Толя выль велосипедсө малалө, бусысь, выйысь сійөс чышкалө, вомгорулас сьылө.

Ваня гольөдө школаө буска кос туй кузя, полө, мед оз сөрмы. Другысьөн тай боктыис швачкысис-төвзис, пуля моз лыйыштис Толя аслас мотора велосипеднас да веськыда Ыджыд Шорө ваас пырис буз-баз, сэтчө, көні сьөд ва муткырасьө. Моторыс «пых-пах» несейис и чөлаліс, коскөдзыс ваө лоис чеччыны Толялы. Ыджыд Шор вомөн пос вөлі киссьөма нин: зэв важ да, разисны пес вылө, а выльыс со орччөн, да джынъя на. Вуджалөны косьөд, а Толя мыйлакө эз йөз туй кузяыс мун, эз кытшовторсө вөч, а веськыдаліс.

Став вынсьыс педальяс бергөдліг Ваня локтіс ёртлы отсөг вылө:

— Толя-а-а, энлы! Отсала!

— Ме ачым, ачым! — вештө Толя велосипед дорысь Ваняөс, но, көтасьөма да, Толя некыз эз вермы шорысь катны школаладор берегө сьөкыз велосипедсө, эз кө сы шуасьомъяс вылө видзөдтөг, мускылясь-отсась Ваня.

— Мун тарантаснад! — шенасьө Толя. — Ме тэнө вөтөда.

Ваня кылө и аддзө, мый Толя сійөс өтдортө; да и шонді со шорбокса сись кодь веськыз пожөмъяс юр вылө нин кайис. Көть и зэв эз вөв окота кольны ёртсө матайтчигөн, но кадыс эз виччысь. Ваня став эбөссө зэвтөмөн веськөдчис школалань.

Дыр гудрасисны Ваня юрын мөвпъяс. Мый нин ваяс Толялы тайө мича велосипедыс? А, гашкө, дзикөдз ылалас велөдчөмсьыс велосипеднас Толя?.. Код төдас?! А Ванялөн сы вөсна сьөлөмыс висьө, өд сійө отрядса председатель.

Школаөдз Ваня воис, а Толя сідз Ваняөс эз и вөтөд. Да өд эз и во, эз мыччысь лунбыдөн!

Вильторйыс, мый Толя ньөбөма аслыс мотора велосипед, чардби өдөн паськаліс и классын, и школаын. Но өд Толя весиг велөдчынысө абу воөма, виль велосипедөн гуляйтө...

Школаысь бөр гортө гольөдигөн Ваня видіс быд ног Толяөс. А Ыджыд Шор дорө матыстчигөн сійө казяліс, мый кодкө кыр йылас вуджрасьө. Ош, гашкө? Йөз водзө пө туй вылас унаысь нин петавлөма... Но сэк жө и синмас усис морт.

Тайө вөлі Толя, саось ныр-вома. Сійө шордорса джуджыд кыр йылын вольсалөма ассыис лөз болонь курткасө да сэтчө быдсяма часть да болт тэчөма, виль велосипедсысь ставсө разьөма.

— Мый нө лои?! — кашкысь Ванялөн лөз синьясыс гөгрөсмисны.

— Ог нин төд! Лунтыр вийся, а оз заводитчы, — сырман гөлөса Толялөн синьясысь дой тыдалө.

— Искраыс эм?

— Эг видлы...

— Искратөгьд бара оз заводитчы некор...

— Видлам!

— Видлам но!

— Кызди нө?!

— Кызди пыж моторыдлысь но: свечасө масса вылас пуктам да...

Ваня вөчис мый колө да корис толькө бергөдлыны педальсө Толяөс. Искра эз вөв и эз ло, көть мыйта свечасө эз косьтыны да весавны.

— М-мый нө ку-кутам вөчны, Ваня, а?! — сувтса синьяса Толялөн киясыс тірзьөны, ачыс мыктавны кутіс.

— Моторыслөн книга эм? — ладаа, ыджыд морт моз сёрнитө Ваня.

— Гортын, ящикын.

— Мотор кө эм, колө и физикаысь кумекайтны, — ылөсас висьталіс Ваня сэсса содтіс: — Гортө мунам, ставсө бура лыддыам-велөдам и вөчам...

— Тэнад, Ваня, пыж мотор эм... Тэнад физикаысь «пять».

— Лөсьөдам, эн кө разиг-тэчигад кыткө дзикөдз жугөд, — эскөдіс Ваня да отсасис Толялы чукөртчыны гортө мунны.

Некымын часть, шедөм педальяс, чеп, каретка да быд пөлөс гайка-болт... Көртыштісны колясыяссө велосипед пуклөс бердө, кодьясөскө сюялісны зепьясас и. Велосипедьяснысө вуджөдісны шор мөдарө. Эз и төдлыны, кызд воисны гортаныс.

А сиктын Ваняөс Толя пыртіс ас гортас. Сөйисны, петісны кильчө помө, став физика книгаыссө да «Мопед Рига-3» инструкция сьөрсыныс тшөтш босьтісны.

Толя физика книгаҥо нырсө суйома да бурго:

— Омлөн законөн шусь... — а сэсса бара: — Амперөн шусь сила тока.

— Корсь да велөд индукционнөй ток, — тшөктө Толялы Ваня.

— Сийос ми эг на велөдө да.

— Велөд! Мотор кө эм, быдтор төдны колө, — чорыда эскөдө Ваня.

Толя нускө-велөдө физика законьяс, Ваня — велосипед инструкция. Тшөтш мотор вылын велөдөмассө видлалөны.

— Магнетоыслөн катушкаыс вермис котасыны, — юөртө медбөрын Ваня: — Ва шөрас вед куси...

— Сө збыль! Вермө мөй?!

— Книгаыс оз пөрьясь, — кывкөрталө Ваня.

— А мый нө сэсса лоө?! — нориника юалис вежынтьчөм чужөма Толя.

— Паччөр вылад косьтам войсө.

— Сө збыль, Ваня?!

— Бензопилалысь тай батьө век сідз вөчлывлө...

Аскинас школаө мунны Ваня Толяос юөртис, воис сы ордө водз асыв-нас. Толя лои зэв рад сылы. Кыкөн магнетосө өдйө пунктисны бөр ас местаас и дзик пыр видлисны, эм абу искра. Искра өні вөлі да ещө кутшөм! Чеччалысь битор вөлі чим лөз, сийө весиг трачкакылис.

Эз тай ковмы дыр виччысьны, өдйө заводитчис моторыд.

— Ваня, пуксы ме бөрө, гольода, — корө шешьялысь Толя.

Водз талун школаө воисны суседьяс. Шондө водзын, школадорса вежөдны заводитөм керөс вылын пукалыштисны. Ваня кыкис полевиксьыс книга-тетрадь. И Толя тшөтш. Урокьяс вылө сетлөм уджьяс нөшта видлалөны. Ваня Толялысь юась, Толя висьтавлө. Кажитчис тадзи өтлаын урокьяс велөдны Толялы.

Урок вылө парта сайө весиг пуксисны өтлаө. Толя локтис Ваня партаө, сылысь ёртсө Мишаос ас парта саяс пуксыны вөйпөдіс да.

Елена Ивановна Толяос медводзын и юалис:

— Кузьбожев, тэнад кык «2»...

Толяос быттьө емөн бытшкисны, чеччис и пыр жө панис сёрни, став законсө наизусть висьталіс, гөгөрвоөдіс, кытысь мый да мыйла артмө, мыйысь Елена Ивановна весьөпөри, долыдпырысь шуис:

— Пуксы, Толя, талунья висьталөмсьыд тэд «5». И водзө тадзи велөд.

Кодлы кызд, а Толялы мотора велосипедыд кивыв муніс.

# ВУГРАСИГӨН

**К**ЫК ВОК — вильыш Толя да раминик Вова — вуграсисны ытва дырйи. Насянь неылын вуграсис ыджыдджык зонка — Ваня. Дэбөдiс омöля. Регыд Толялы дыш лои кыйны посни чериясöс. Сийö гусьөн шöпнитiс вокыслы: «Ветлам Вад вис дорö, сэн кельчи-ёкыштö сöмын лэптав да лэптав».

— Ветлам, — шуис Вова. — Сöмын Ваньöсö чукöстам жö.

— Ог, ог! — öлөдi Воваöс Толя. — Сытöг бурджык, а то сийö кыяс, миянлы нинöм оз шед.

— Вунöдiн, мый батыд шулис? Мед ми быдлаын öтлаын вуграсим, гортö öтлаын жö локтiм.

Вад дорö мунiсны куимнанныс. Сэни и збыльысь чериыс бура шедiс, сöмын вевъяв мездавны да самавны.

— Тэ кыр дортiыс матi эн ветлы, буждыны вермас, — унаысь Толикöс öлөдлiс авъя Ваньö. Но Толик пыдди эз пукты сылысь кывъяссö: дзик кыр горулас ёкышыс медся дэбөдiс.

Тöдлытöг йирö гыпкысис ыджыд му пласт. Толя эз удит бокö чеччышт-ны да сыкөд тшöтш сунiс ваö. Визулыс зев öдийö кутiс кылöдны зонкаöс.

Шйöйөвошöм Вова горзö, берег пöлөн котöртö кылалысь вокыс бöрся. А Ваня пыр и гөгөрвоис неминучасö да медся кузь шатинөн вöтчö, чургöдiс помсö Толиклы, мед кутчыяс. Öдва Толиклы сюри шатин помыс.

Берег вылын сулик ва паськöма да повзём Толик дыр куйлiс вөрзёдчытöг. Сы гөгөр ноксис Ваньö, зiлис шонтыны аслас кос паськöм-нас. А ичöt Вова сэк вашнитiс вокыслы пеляс: «Со öд, ачyd Ваньöс вуграсьны эн кöсйы босътны». Толик яндзимысла нинöм эз куж воча шуны.

# ГУЛЮЯС

**К**ÖКЪЯМЫС арöса Вася первойысь локтiс батыскöд Сыктив-карö. Ок, и ыджыдөн да мичаөн кажитчис сийö! А магазиныс танi мыйта! Кытчö оз пырны, Вася век мыйкö дзайгö. Ньöбисны автомашина, наган, автомат. А Васялы пыр этша.

Локтiсны рынок вылö. Мыйсö сöмын сэни оз вузавны! И друг Вася аддзис гулюясöс, кодъяс ветлөдлiсны йöзысь ньöти повтöг да кокалiсны, мый сюрас. Вася мöдiс корны, медым батыс ньöбис коть öти гулюöс.

— Налён кӱзяиныс абу тані, кыдзи нӱ ньӱба, — дӱзмис батыс.  
Сэки на дінӱ матыстчис зыр кодъ тошка олӱма дядьӱ да нуӱдӱс гортас, вузала пӱ гулюястӱ.

Ок, и нимкодясис жӱ Вася. Сійӱ лоис кӱзяинӱн кык гулюлӱн дай садӱклӱн. Дядьӱ козыналіс садӱксӱ, медым позис нуны лӱбачьяссӱ гортӱдзис.

Ёна и вежалісны сиктса посни челядь Васялы. Найӱ первойыс на адзисны гулюястӱ. Дай на пиысь ӱтиыс лым кодъ еджыд, быттьӱ каля. Вася найӱс видзис садӱкын. И ӱтчыд кыдзкӱ гулюясыс мынісны сӱтысь да лӱбзисны чардаксыс ӱшинь пырыс. Лӱбзисны и вошисны. Ёна и шогсис Вася. Дзикӱдз дзугыльмыліс.

Гожӱмыс катовтчис арлань. ӱтчыд Вася ёртьясыскӱд локтӱ вӱлі ва дорысь. И друг на юр весьтти ньӱв моз шутӱвтисны кутшӱмкӱ лӱбачьяс.

— Чавканьяс...

— Уткаяс да... Посни пияныскӱд. Велӱдӱны лӱбавны.

— Чӱлӱй. Гулюяс тайӱ, — гӱгӱрвоӱдӱс челядьӱс вӱв вайӱдысь Прокоп дядь. — Быдса семья. Пияныс посниджыкӱсь на. ӱти гулюыс со дзик еджыд.

— Вася, — нимкодя горӱдӱс ӱти зонка, — карсыд вайӱм гулюясыд тӱнад... Кӱнкӱ пӱжсьӱма и челядьнас воӱ.

— Мыйла менам, — мӱвпалыштӱм бӱрын зӱв збыльысь шуис Вася. — ӱні найӱ сиктса став йӱзлӱн.

Тадзи (война бӱрын) миян сиктын рӱдмисны гулюяс.

## ШӱРИА КЫЙДӱС

**В**ИЛЬИШ ТОЛЯ нуӱдӱс кыйны сирпиянӱс раминик Ваняӱс. Мӱдыс сӱгласитчис. Толя тӱдӱс, мый Ванялӱн кыснаныс абу ас вӱчӱм, а вайӱма карысь. Сійӱ зӱв мича, дзик ичӱтик чери кодъ. Сӱтчӱ, дерт, сирпияныд пыр и шедасны. Вот эськӱ вежсьыны сыкӱд. Сӱмын кыдзи? Ваньӱйд ӱд скуп, оз на и сет.

— Тӱдан мый? — юалӱс ёртыслысь Толя.

— Ог, — вочавидзис Ваня.

— Ме тӱнӱ нуӱда сӱтшӱм местаӱ, сӱтшӱм местаӱ, — тӱрыба висьталӱс Толя, — сӱмын черисӱ лӱптав. Чӱвтан-лӱптан, чӱвтан-лӱптан...

— Эн ылӱдчы...

— Сӱ збыль, Вань, сӱ збыль. Сӱмын меным карса кыснантӱ вайлы. □н кӱ сет, ог и нуӱд сӱтчӱ.

Ванялы, дерт, жаль вöлі вежсьывнытö. Но öд мöд ногön сэтшöм чериа местаад он веськав. Сöгласитчис. Ас вöчöм кыснанас чериыс шедö жö, гашкö, сöмын омöльджыка-а.

Мунісны ылöдз, ю катыд. Со и Баддя кыркötш. Сувтісны. Толя тэрыба чөвтис шатиннас кыснансö, а ачыс тшöктіс Ванялы:

— Мун бокöджык, ылöджык, а то став черисö повзёдан ас вöчöм кыснаннад.

Ваня ёна и дözмис ёртыс вылö, но лоис мунны. Лэччис увлань, казяліс мича места, мöдіс кыснанасьны. Неважөн на татысь Ванялы вель гырысь сирпмян шедавлісны.

Ас вöчöм кыснаныс Толялön бергаліс да тювъяліс зэв бура, дзик чери моз. Мыйön пырис бона вылö да мöдіс кыснанасьны, пыр и шедіс чер пу кузьта сир. Öдва и кыкис берегöдзыс. А недыр мысти самасис и мöд. Кык мича сир нин куйлісны сумкаын. И сэки кыліс Толялön лёкысь горзём-чуксасьöм. Ваня уськөдчис ёртыслань. Ълісянь на аддзис: шатиныс синсьöма мегыр моз. Ок, и ыджыд чери, тыдалö! Видлісны кыкön кыскыны, öдва локтыштіс. Мед эськö эз жö чег шатиныс либö ор жылкаыс. Толя ыстіс Ваняös ваö, пырав пö да видлы, мый сэні сэтшöмыс.

Лоис пöрчысьны да пырны ваö. А Толя берегсянь велöдіс ёртсö, мый да кызди колö вöчны. Некумынысь лои сунлыны. Ваня гөгөрвоис: кыснаныс крукасьöма вузляö. Висьталіс Толялы. Мöдыс скөрмис, веськыда пузис. Кыздз тай тракнитас мый вынсьыс кыснансö. Жилкаыс орис, Толя шняпкысис муö. Эз ло чери ни карысь вайöм кыснан. Толя дыр гыжъяліс юрсö муысь чеччывтöг, эз лысьт весиг видзöдлыны вомсö паськөдöмön сулалысь ёртыс вылö. А мый шуан? Кутшöм мича кыснан вöлі, карысь вайлісны, а весьшөрö вошис. Весиг öти чери эз шед.

Сэки друг зэрмис. Тайö мездіс Толяös. Сійö тэрыба мөдöдчис гортас. Вötчис сы бöрся и Ваня. Сылы жаль вöлі ёртыс, кöть и ёна дözмөдчывліс. Снитки кötасьöм бöрын зонпоснияс дугдісны котöртны. И сэки мöдіс кобны.

— Тольö, вай юкам кыйдöссö, — шыасис Ваня. — Öтлаын öд кыйсим... Вильыш Толя чужöм вывті вуджөртіс нюм: Ваня эз скöрав сы вылö кыснансö воштöмсьыс. Ачыс гора шуис:

— Дерт жö. И кыйим сирьяссö менам кыснанön.

Но Ваня немтор нин эз вочавидз...

# ВАСЬКА

## ВӨВЛӨМТОР

**С**УСЕДЛӨН челядьыс видзисны ракапи. Кыдзи веськаліс сійö на ордö? Бушкала лунö аддзöмаöсь вöрысь. Тыдалö, тöлыс шыбитö-ма позьсыс. Яйыс тыдалö шочиник гөн пырыс. Вомыс паськыд. Нырыс кольквиж. Челядь дзевисны повзёмысла да кынмöмысла сырмысь шоныд ёкмьльсö питшөгас, котөрөн мунісны гортас.

Медся ёна тöждысис быдтас вöснаыс Ваня. Век корсяліс нидзувьяс, пучейяс да мукöдтор, мый воис сьөлөм вылас ракапилы. Ванялөн быдтасыс торйөн нин радейтіс кутавны гутьясöс. Велаліс сёйны и крöшка ийöв да яя шыд. Вочасөн збоймис, крепаммис. Гырысь ракаяс пövстын вильшасьöм, мыйысь сылы сюрлывлі чорыда, да быдлаын лэбалөм бöрын век воліс гортас, пуксьыліс керка öклучень вылө. Сэні узьліс.

А асывнас пальöдліс керкаын став олысьяссö. Ветлөдлө öшинь увті, кравзö: чеччöй пö, югыд нин, колö пö яндзим тöдны. Керкаын кө эз садьмывны, Васька (тадзи нимтіс ракаписö Ваня) лэбзьывліс öшинь курич вылө да таркөдіс стеклөö. Он көсйы, да быть чеччы.

Мамыс лысьтыліс йöv. Но Ваня ачыс первой эз сёй, а вердлывліс Васькаöс.

Гожöмын велöдчыны оз ков. Ваня частö ветлывліс удж вылө, отсасис гырысьяслы. Эз кольчыв вердысьысь и Васька. Сöмын тірзёдö сы бöрся. А кольлас кө горт дорас, регыд мысти корсяс Ваняöс, лэбзяс сы дінö.

Войывса ар локтіс чизыр вой тölөн, шлякаөн, лымйөн. Пыр шочджыка кывліс ракаяслөн кравзöм. А сэсся вошисны и медбөрьясыс.

Дзикöдз дзугыльмис и Васька, этша сёйис, бытьö абу вытьыс. Йöжгыльвидзис öклучень вылын да зэв гежöда сетліс гөлөссö.

А öти асывводзö суседьясöс некод нин эз чуксав. Тыдалö, лэбис луныввлань. Ванялы, дерт, вöлі жаль, но мый вöчан. Вывті нин бур оласнога вöлі, эз вöчлы некутшöм лөктор.

Тövбыд Ваня котраліс школаö, исласис, гажöдчис ёртьясыскöд, отсасис гортсяясы. Воис тулыс, челядь дасьтісны скворечникьяс, но лэбачьяс эз на тыдавны.

Öтчыд керка öклучень вывсянь кыліс ракалөн нимкодя кравзöм. Ваня котөрөн уськөдчис ывлаö.

— Васька воöма, Васька! — горзіс зонка, бытьö чолөмасис аслас

вөвлөм быдтаскөд. Кильчө вылө чукөрмисны гортсаяс, суседъяс. Быдөн нимкодя видзаасисны Васьякакөд. Сэки рака лэбзис да пуксис Ваня пельпом вылө. И быдөн аддзисны, кутшөма лэбачыс омольтчөма.

Со өд кутшөмторъяс овлөны.

## ЛОӨМТОР

Класс гижис контрольной удж. Чөв-лөнь, сөмын сьөлөмсянь уджалысь велөдчысьяслөн шөпкөмныс кылө.

Өтнас Толя видзөдө өшинь пыр ывла вылө, көні жбыръялөны кузь бөжа сырчикъяс.

— Гуляев, уджав, — мөдысь нин өлөдіс Толяөс Нина Васильевна.

— Ручкай абу да...

— Со, босьт менсьым, — Нина Васильевна сетіс асьыс ручкасө.

Толя заводитө дышпырысь гижны. А сэсся бара ылаліс.

— Гуляев, урокыд регыд помасяс, — бара өлөдө учительница.

Но Гуляевлөн юрас иксьяс да игрекъяс пыдди вөліны вугыръяс, нидзுவъяс, вуграсян серпасьяс. Өд төв помасис, и йи кылаліс. А ва кө воссяс, и сёян вежсяс. Рок пыдди позьө чөсмасьны жаритөм ляпаөн, кельчиөн. Триньөбтіс звөнок. Ни өти задача ни пример Толя эз удит бура решитны.

Нина Васильевна сылысь уджсө босьтігөн став класслы кывмөн шуис:

— Толя, талун ме вола мамыд дорө...

Но мөдыс быттьө эз и кывлы: сійөс виччысис ывла выв — ю берег. Сёр рытөдз ворсісны ёртъясыскөд. Мыйөн воис горт дорас, ставыс усис дум вылас. Полөмысла да яндзимысла ёкмуні сьөлөмыс, талунъя контрольнойсьыд өд вермас и «2» лоны. Воліс али эз учительница гортас?

Толя дыр падъяліс, пырны али абу. Сэсся дыр мысти кышим-кашим, гусьөник пырис жө. Мамыс важөнокдь нин, тыдалө, воөма гортас. Пыр и сёйны-юны пызан вылө лөсьөдіс. Толя гөгөрвоис: мамыс мода вылас сөмын паньясьө, өтарө синбөжнас видзөдлывлө сы чужөм вылө. Учительница волөма. И сэки жө сійө казяліс мамыслысь доршасьясь синва. А чужөмыс өти рытөн нюрсмунөма-омольтчөма. И ставыс тайө сы вөсна... Толялөн кикокыс кынкодь лоисны, тшөкмуні, курыд ёкмыль тасасис горшас. Ньөжйөник пуктіс паньсө пызан вылас да уськөдчис ывлаө. Мамыс, кылө, чуксасис, но мөдыс сувтлытөг котөртіс воча вок дінас, Вова ордө, коді велөдчис өти классын. Став шогсө воча вокыслы ректіс.

— Ковмас виль пөв решитны контрольной задачяссө, — шуис Вова. — Вай видлам...

Сөрөн рытнас, кор челядьлөн эштис уджыс, воис Толялөн мамыс.

Гортас мунігөн нин, ойдөм шор вомөн вуджигөн, Толя кутчысис мамыслы ки пөлас да эз нин лэдзлы гортөдзыс.

## «ОТПУСКАЛАН» ЛУНӨ

**Ф**ЕНЯ баблөн челядь абу и вөвлөма. Верөс сайө сійө абу петалөма и... А йөз сёрниясись, пөчьялысь кывлөма, мый сійө ныв дырйиыс «роч акань» кодь пө мича вөвлөма... Ичөтик, гөгрөсіник чужөмыс гожьялыштөма, мугыд, гырысь синьясыс съөд сэтөр кодьөсь, и вильышөсь, би киньяс быттьө öзійоны... Бан бокьясыс баніөмаөсь, са кодь съөд юрсиыс пө вөлөм көсаын, коскөдзыс. Жөникыс Гитлеркөд война вылө мунөма да сідзи и вошөма. Некутшөм юөр абу, только бумага волөма: «Попов Егор Алексеевич пропал без вести...»

Енмыс Пеклаөс туша статьяс и мичлуннас абу кедзөвтөма. Да и мывкыдлуныс бур, мужик юр быттьө Енлөн сетөма аныыслы. Ыдждыд семьяын сизим чоя-вока быдмисны, вөлі медыдждыд чоя-вока кост, и медуна уджыс сылы вичмис гортас. И вот... сідзи и пөрысьмис, верөс сайө петавтөг, а чой-воксө ставнысө кок йылө сувтөдіс. Сёрни кө мужик йылысь томдырйиыс на кыпөдлісны том йөз, и бать-мамныс вочавидзөм вөлі öти:

— Ёгорлы көсйысьлі виччысьны да ог пет некод сайө... Кыв сетлі война вылас мунігөн. Ог веж тэнө, Ёгор, некод вылө, ог веж кувтөдз... Ки кутім да пөдругаяс дырйи кыв сетлі. И Ен грек лоө, ог кө ас кыв вылын сулав... Юрысь оз петавлы, пыр казтьывсьө война кадся олөм-челядьдырным. Öд öнiя олөмным, быд бурас кор олам, мувыв рай кодь нин. Да, овлө, ог на ас костө төрө, ог кужө бура овнысө!

...Таво ылыс видзьяс вылысь турун пунктөм эштөдім совхозлысь, сэссия и страда эштис. Да и картопель босьтөма колхозлөн, и ас муяс вылысь йөзыслөн эштөма, град выв пуктас гортысь сідз жө идравсис. Шуи отпускалан лунө гуляйтны. Ыдждыд рөдвужөс ас сиктысь гөгөртны. Бура вөччи, туплиаси да петі гуляйтны асланым кузь сикт кузяыс: воча вокьясөс-чойясөс, тьотка-вежаньөс видлыны...

Гуляйтігмоз прөйдиті Вичкодор. Грездөд мунігөн вочаасис зэв важ көмпася Феня баб, ведра джынйөн картопель пыртлө... Босьтө-кодйө, и мешөкторйөн гөлбөчас кыскалө.

— Аминь-аминь! — пыр и шусис менам гора. Тулыснас нин сылы 82 арös тырліс, а вот картопель босьтö и новлö, кöть дзик нин чипан восьласөн уйö-мунö. Мешöкас пьдöсыс сöмын и эм, а сьöкыда пыртö гортас.

Аддзи татшöмтортö да сьöлöмам быттьöкö лыйыштіс!.. Аслым кымöсам ки пьдöснам швач кучки да котөрөн сы дорö.

— Господи!.. Картопель мöй кыскалан, Феня баб!!! Прöсти, Феня баб, скöнь вунöдi, юрысь петіс. Совхозлысь видзьяссö да муяссö ытшки-идралі!.. Тöрыт толькö эштöдi, тöрыт. А кöсийысьлі öд картуکتö босьтны отсавны да!..

— Кöсийысьлің эськö, вежа пи да... Эң, буракö, эшты колхоз уджднад?!

— Часлы, Феня баб, öнi жö отсышта.

Феня баб коскас кутчысьöма öти кинас, мöднас зыр вылас мыджсьö гөрбыльтчöмөн.

Босьті кисьыс көрт зырсö. Феня баб оз лэдзчысь. Пиньтöм вомнас тшетшкö-сёрнитö:

— Туплиа да виль костюма да ставсö лякан! А ме эськö сідзи аскиаскомысь эштöдчи сэсся! Гырысь картопельыс, но этша позъяс, — ышлोलаліс сьöкыда баб, ме гөгөр бергаліг.

А ме зіля кодйи картопель позтыръяссö да öкті ведраясö: торйөн гырысьсö, поснисö мөд ведраö. Казялі, вилаөн Феня баб картопельсö босьтö и сёрнитö:

— Виланад кокныдджык: муыс кольö-киссьö, а картукуыс кыптö позтырнас да толькö сярвидзö.

Феня баб вилаөн, кодös сы кийысь босьті, кутчыси уджö: кодъя и босьта ведраясö — гырысь картопельсö — бур ведраö, зэв поснисö — ведра шойö. Тэрмасы. А Феня баб ваткыльтліс-пыраліс гортас да менö чуксалö.

— Лок пырав, Микулай, нурьясьышт кöть да вöлись, паськөм-көмкоттö вежлы и. Ёгор дядьыдлөн көмыс вилькодъ да, лöсялас кө — көмав, ассьыд бур паськөмтö лякөсьтан!..

Лои Ёгор дядь покониклысь пупайка да гач пасьтавны. Лöсяліс кодъ. Ассьым Феня баб лöсьыда тубраліс да медбур улös вылас мичаа тэчис да чöскыда пуом капустаа шыдөн вердіс.

...И вот, зіля кодйыся, мешöкьяс пыртла сарай лэбулö, косьтыны кисьтала...

Кос тушаыс Феня баблөн мегырö нюкыльтчöма, кос ки лапаяс сарөг да потласьöма вирөдз. Ок жö эськö, мыйта удж тайö кияснас бергөдöма-вöчöма!..

Видз вылын Феня баб медбур турун ытшкысь вөлöма. Ачыс кос да кузь тушаа, варов да шмоньлив. Ытшкан косаыс сылөн сыв джын кузя, том да ён мужикьяслы пöру эськö. Куим «соткаөдз» ытшкывліс, да пыр и зорөд чөвтысьөн вöлі, томулов костын велöдысьыс да юр вежөр сетысь пьддыыс.

...Дзурс пемыднас нин эштис мян уджным картофель му вылын. Ставыс босьтсис, и шурөдөм-косьтыштөмөн нин пыртлыссис менам Феня баблөн гөлбөчө.

Сэсса вед со гортө тэрмәся жө вөлі, көнкө, гөтырө, челядьө, мамө вичысьёны да мөвпалёны, мый юси ли мый ли, код өд мый думыштас.

А Феня баб сирасис ме дорө. Гортас менө ки пөлөд босьтөмөн кыкис — пыртис мырдысьөн.

— Керкаас пыравтөг ог лэдз! Сідз он мун и ставыс. Дзонь усадьба вылысь картофель идралін, кодйин и пыртлін гөлбөчө да!.. Господьө, вердысьө, сет тэд здоровье да мывкыд, Иисус Кростосө... Миколэ Угодникө...

Шыд и рок вайліс сёйны мен. Варенньөтө и чөдйись, и сэтөрысь. Пызан выв тыр ваяліс сёян. Вина сулея пызан шөрас тотшвартис-сувтөдіс!..

— Восьты но!

— Ог, мися, мем на гортын уджавны колө.

— Көть мыйтакө да видлан, — и ачыс Феня баб пуртөн восьтис сулеялысь пробкасө да колө жө: быдса грана стөкан тыр кисьтис водкасө. — Ю! Эн ныртө бергөдлы!

— Ог! Ог вермы! Оз позы! Чайтө вот сукджыкөс юышта, горшө косьмө. Ёгор дядьбөс сёян дорас казьята и...

— Но, сідзкө, ачид төдан. Менам дозйис восьтөма тай пызан вылын. Сө пасибө жө нин тэныд, Микулай!.. А то пыр, войяснас, кор оз узьсьы, мөвп воө: кызд нин таво картофельсө бара босьта... Челядь аслам абу, эз вөв, а рөдьяс быдөн карьясын да коркө эськө, гашкө, воасны жө пөди да вед кынмөм му улө мед оз жө урожайыс сюр. Но на инө деньгасө көть босьт...

— Нинөм, мися, оз ков. Ме талун отпускын, шойчча, — шуи да тэрмыштли гортө.

## НЯНЬ КӨР

**Н**ЯНЬСӨ ньөбысь, меліа сёрнитысь мича нывбаба, Егор Ивановичөс вайөдіс ыджыд кирпичной керка дорө. Улыс судтаса ичөтик жырыын, кытчө найө пырисны, весиг луннас өзйис электрической лампочка.

— Пуксьөй! Виччысьыштөй! — шуис нывбаба да петіс орчча вежөсө. Сьөкыд өдзөсьыс востиг и пөдлассиг дзуркнитіс.

Егор Иванович пуксис кыз пөвьясысь тувьялөм бөртөм улөс дорышө. Улөсыс сулаліс коридорысь пыран өдзөс дорын, өдзөса-джоджа костөдыс

ыркъяліс кӱдзыд руӱн. Эз путьмы, а гашкӱ, эз кӱсйы вештыны улӱссӱ ӱдзӱс дорсьыс. Кокныыда лолыштӱс, нюмъевтӱс. Паек ньӱбысь аддзисис!.. Абу на и кокни вузасьнытӱ. Ӑтчид, кольӱм тӱлысьӱ, тшыг кынӱма, лунтыр кытшкылясис базарын, татшӱм жӱ нянь порция кӱсйис вузавны. 25 шайтысь ньӱбысьӱс виччысис. Терпение быри: перӱчиннӱй пуртӱн кень кыза шӱрӱм вундӱс, аклялыштӱс — нянь кӱрсӱ эз кывлы. Мӱдысь да коймӱдысь вундыштӱс — истӱг кӱрӱб ыджда вузалан нянь торйыс лоис. Сӱйис, эз вузав.

Кӱтӱ и оз нин гымавны пушкаяс, быттӱӱ важӱнокдӱ нин помасис войнаыс, но оз на тырмы няньыс. Витсӱ грамм — норма. Егор Ивановичлӱн куим лун вылӱ водзӱ нин босьтӱма. Ещӱ водзӱ дась босьтны, но сӱсся оз сетны. Некодлы оз сетны. Ставлы сэтшӱм закон.

Талун везитӱс сылы. Базарын йӱзыс этша на вӱлі. Егор Иванович муртса перйис питшӱг сайысь сӱй кодӱ топыд, но нырборд гильӱдан кӱра нянь пайсӱ, коркаладор бокнас пуктӱс кепысь ки пыдӱс вылӱ. Дзик пыр и аддзисис ньӱбысь, весиг эз казаяв, кодарладорсянь матыстчис мелӱа варовитысь нывбабаыс.

Ньӱжйӱ кыссьӱ кадыс виччысигӱн. Ньӱжйӱ! Али сйӱӱ сувтӱс? Егор Иванович заводитӱс дзирнясьны улӱс вылас. Тушанас сйӱӱ абу тыдалана: 147 сантиметр. Анатомическӱй кабинетын ростомерӱн мерайтчис. Дерт, кымынӱд во нин пӱттӱдз оз сӱй да. Кысь сӱсся быдман.

Пасьтасьӱма сйӱӱ, деревняса ногӱн кӱ видзӱдны, абу на урӱса. Юрас пон куысь гӱрдоват шапка, кузь сосьяса фуфайка, код улын ас кыӱм дӱраысь гӱрд дӱрӱм, кокас — дӱмасьяса, дедӱн гындӱм еджыд гын сапӱг. Сыкӱд велӱдчысьяс пӱвстысь унаӱн абу жӱ сыысь бурджык кӱм-паськӱмаӱсь. Тшӱтшьяяссӱ некодӱс оз ыдждӱдлыны ним-вичнас, а сйӱӱс ыдждӱдлӱны!

Ачыс ӱд Егор Ивановичӱн висьтасис, кор сйӱӱс фельдшерско-акушерскӱй школаса комендант вайӱдӱс общежитиеӱ. Шмонитӱм пырысь висьтасис, а ӱртьясыс, кодьяскӱд овмӱдчис ӱти комнатаӱ, збыльысь кутӱсны Егор Ивановичӱн шуны. Первойсӱ сералыштӱм могысь, ворсӱдчӱмӱн, а сӱсся велалӱсны ним-вичнас чуксавны.

Кӱтӱ мый шу, а эз, эз кокни вӱв витсӱ грамм няньсӱ вузалӱм вылӱ вичмӱдны. Лун да вой томналӱм тумбочкаын видзис, ключсӱ комендантлы сетлӱс. Гусялӱмысь эз пов, комнатаса ӱртьясыс надӱжнӱйӱсь. Ачыс ассяньыс дзевлӱс! Олӱсны вокьяс моз.

Шочиника то ӱтилы, то мӱдлы воливлӱсны посылкаяс. Деревняысь ыстывлӱсны косьтӱм картофель, крахмал, туйсьясын сола тшак да капуста, косьтӱм яй да кынтӱм йӱв кругьяс. Ыстывлӱсны этшаник и сукарьяс да шаньягас. Деревняын няньнас дзескыда жӱ на олӱсны. Посылкаяссӱ, мед-

сясё вайлывлісны обозьясён карё волысь колхозникьяс, велёдчысьяслөн тёдсаяс. Посылка волан луньясыс вёвлісны праздникьясён: сёйсны ком-натаса став олысьяс. Лун-мёд ставныс вёліны пётось.

Велёдчөмыс көть и сьёкыд, но Егорлы сетчис. Помкатөг урокьяс вылө эз сёрмывлы. Эз сёрмы эськө и талун, но мый керан, лоас виччысьны да.

Кутіс кывны пос кузя лэччысьяслөн кок шы, сэсса дзуртөмөн воссис сьёкыд өдзөс да пырисны кыкөн: нянь нёбысь нывбабаыс да сьёд шыне-ля, косньөд туша олөма морт.

«Капитан!» — погоньяс сертиыс төдіс Егор, но эз повзыы начальникысь, некутшөм мыж ас саяс эз төд. Сувтіс.

— Спекулянт! — крапкис, быттьө сьёлыштіс Егорлы чужөмас, неважөн на меліа сёрнитысь нывбабаыс, коді өні видзөдліс букуша, скөра.

Нывбаба бөр петіс дзуртысь өдзөс сайө. Капитан тэрмасьтөг, кыв шутөг, юрсяныс кокөдзыс, сэсса коксяныс юрөдзыс мурталіс синьяснас зонмөс.

— Ме бөрся лок, — сибдөм гөлөсөн шуис капитан.

Кайисны мөд судтаө, пырисны ыджыд, югыд кабинетө. Капитан пуксис письменной пызан сайө, Егорлы индіс пызан бердас сулалысь бөртөм улөс вылө. Пуксисны. Капитан ас водзас матыстіс бумага лист, босьтіс ручка.

— Кыдзи шуөны? — юалис капитан.

— Егор Иванович.

— Овыд?

— Другов.

— Көні олан-уджалан али велөдчан?

— Фельдшерө велөдча, — збодеритіс зон.

Егорлысь ним-овсө пасйөм бөрын капитан дыркодь курскис-кызіс. Сетіс бумага, 86 номера перөөн ручка, матыстіс Егорлань чернила доз:

— Гиж, Другов, кытысь босьтін няньсө? Али кодкө сетіс да тшөктіс вузавны?!

Сёрнитігөн капитан шенасис кинас, но сёрнитіс вежавидзөмөн, гөлөссө кыпөдлытөг.

— Аслам пайка, — шуыштіс Егор. — Витсө грамм...

— Табак вылө деньга ковмис?

— Ме ог куритчы. Миян комнатаас зоньяс некод оз куритчыны.

— Батьыд көні? — водзө юасис капитан.

— Кольөм воын видз вылө петтөдз кувсис, — нормөм гөлөсөн нин вочавидзис Егор. — Фронт вылысь сьёкыда ранитчөмөн воліс.

Сетөм бумага вылас Егор ни өти кыв на эз гиж. Эз тэрмөдлы и капитан.

— Деньгаыс колө шоперлы мынтысьөм вылө, — доршасьысь синвасө чышкаліг висьтасис Егор. — Каникульяс өд регыд, гортө ветлыны лөсьөдча... Кызь вит шайттөгид некутшөм шопер оз босьт...

— Эмось сэтшөм немортъясыд, — сөгласитчис капитан.

Капитан звонитліс фельдшерско-акушерской школао, юалис, велөдчө-ө сәни Другов Егор Иванович.

— Бур велөдчысь? — дөвөльпырысь шуалис капитан, телефон трубкасо пель дорас кутіг. — Молодеч, сідзкө... Оз, оз ков корсьны и некытчө оз ков ыстыны... Некутшөм мыж эз вөч!.. Мыйла юасы? Сідз. Друговыс — менам төдса, аддзысьлыны көсья, ачым коркө вола...

Телефон трубкасо пуктөм бөрын, капитан пызан йөрсьыс перйис «вузавлөм» няньсө, төждысьөмөн тубраліс руд бумагао да сетіс Егорлы.

— И водзө бура велөдчы, Другов ёрт! — крепыда кутліс Егорлысь кисө капитан. — Помав школатө да ло честной медикөн.

Больничной городокө, школаас, Егор Другов котөртіс быттьө бордьясьөма. Сьөлөм сетіс сылы милицияса капитанлөн ошкөмыс.

Каникул вылө лэдзалөм бөрын куим ёрт эз кутны виччысьны асывсө. Шоферлы мынтысьөм вылө деньга некодлөн эз вөв. Туйө петөм мысти регыдөн и пемдіс. Пуксис зэв көдзыд сынөда, ыргөн таз кодь төлыся, энэж тыр кодзувьяся рыт.

Медводзын, ёнакодь ылыстчөмөн, збодера осььлаліс Веня Чудов, коді вөлі медся эбөса, да и гортөдзыс — Пажгаөдз — сылы да Модестлы вөлі матөджык муннысө Друговлы серти. Но кызьөд верст сюръяөдз вотөдз на жаяліс и сійө. Водзө мунісны өтчукөрөн, кодкө кө водзө петыштліс — сөмын осььков-мөд вылө. Комын километр мунтөдз ставныс эбөсысь усисны. Частөджык кутісны шойччыны: пуксьывлыны мыш на мыш топөдчөмөн либө водлыны мышку вылас кокъяссө вылө лэптөмөн.

— Нурьясям, — ещө километр-мөд мунөм мысти вөзйис Егор. Туйө петтөдз на сійө висьталіс другьясыслы видзтыштөм нянь тор йылысь.

Руд бумагао тубралөм, «вузавлөм» нянь нормаыс чорзьөма. Перөчинной пуртөн вундавны кө — чирйысяс. Венялөн, медся идөр мортлөн, аддзысис кыз суниса трубича. Сунисөн гөгөрбок мерайтісны няньсө да вөлістө сійөн куим тор вылө вундісны-юкисны. Веня чөвтліс нопсө да сы вылын юкисны.

— Ноко мышкөн бергөдчыв, Егор Иванович! — тшөктіс Веня. — Кодлы тайө торйыс?

— Модестлы!

— А тайө?

— Тэныд!

Сейисны тэрмасьтөг, курччыштөм нянь торсө дыр кутісны кыв бердас. Пукалісны топыда кутчысьөмөн. Кынөм пөтөм вылө лача эз кутны, нянь көрнас чөсмасисны.

— Дас телефон сюръя мунөм бөрын кутам шойччыны, — сёрнитчисны ёртьяс. — Пажгаөдз абу нин ылын: квайт, гашкө, сизим верст.

Мунасны дас сюръя кост — шойччоны: мыш на мыш пуксьыласны, мыш вылас водласны. Тадзи мунісны куимысь дас сюръя кост, а сэсса и нель-вит сюръя кост мунём бёрын кутісны сувтлыны.

Пажгаё другъяс воисны вой шөр бёрын.

— Тэ, Модест, гортад мун, ылынокдь на лётікнытё, — шуис Веня. — Друговыс мед миянын узяс.

Чудовёс виччысьомаёсь бать-мамыс. Керкаё пырём мысти пуксьодісны пызан сайё. Муртса тай вевъялісны жё мыссян доз улын пожйыштны турдём кияссё фельдшерё велёдчысьяс! Мамыс ломзьодіс водз пельёс джаджыйн сулалысь стеклөа карасин лампа.

Еджыд дёраё вевттьём пызан вылө вөлі вайөма нин кудйын рудзөг нянь көрыш, өти блюдын сола тшак, мөдын — мачнас пуём капуста.

— Нинөмөн и гөститөдны прамөясё, бобөяс, — шуаліг Венялөн мамыс кывтысь вайис печенча, гөбөчысь катөдіс кык кринча йөв.

Батьыс ломзьодіс көрт пач.

— Йи улысь ок ыджыд налим шедліс! — кияссё шевкнитлөмөн висьталіс батьыс. — Муссё, час, пражитам.

— Няньсё тай нө зэв этша сөйин, Егор Иванович? — пызан сайысь чеччигөн, шмоньливөя вашнитіс Веня. — Быдса тупөсь өд няръявны ошйысин.

— Сьөлөм сотөмысь пола, — шпыньмуніс Егор.

— Но-о? — чуймис бать. — Жаритөм налим муссё видлөй.

— Аски сөям! — вильыша шуис Веня.

— Аски? Аски нин да! — шмонитөм вылө жё бергөдіс сёрнисё батьыс.

Матыстчис югдандор кад, но унмыс некодөс нин эз личкы. Венялөн нопйысь другъяс перйисны велөдчан книгаяс да кайисны гөбөч вылө. Сэтчө жё катөдісны и лампасё, кодөс сувтөдісны сёр вылө. Улыс гач кеждз пөрчысисны.

Венялөн батьыс — бригадир, муніс йөзөс удж вылө нарадитны, а мамыс пач ломтіс да петіс мөс лысьтыны.

— Напервой анатомия велөдыштам, — шыясис Веня. — Тэ юась.

Егор кинас шылькнитіс Веняёс юр кузяыс.

— Юр! — өдйө шуис Веня.

— Латинскөйнас кызди лоө?

— Капут, — пыр жө вочавидзис Веня да чуткис Егорлы морөсас.

— Пектус! — тэрыба жө шуис Егор.

Ки и кок, став чуньяс, став лыяссё, дзик ставсё, мый эм мортыслөн, лыддьөдлісны.

— Пинус? — юаліс Егор.

— Пинус?! — юалөмөн видзөдліс другыс. — Ог төд.

— Пожом, — гогөрвоөдiс Егор.

— Эг на велөдöй пинуссö да, кытысь сийöс тöда, — кутiс дөрөмгачасыны Веня. Сарайö пö колö петавны.

— Словарö видзöдлив, ставсö öд урок вылын оз велöдны, — пасьтасыны жö кутiс и Егор.

Ыркöдчыны петалiгкостi гортас пырис Венялөн батысь.

— Везитiс, Веньö, другылды, — кыпыда шуис сийö. — Предным Межадорö могөн ыстö, медся тэрыба скачитысь вöвсö конюк сетiс.

— Сейышт, бобö, туйö петөм водзас, — тöждысис Егор вöсна Венялөм мамыс. — Кор на гортад воан.

Кутшөм сөйөм! Воддза сөйөмсыйс на Егорлөн рушкуыс эз личав. Стöкан йöv юис да медпервойөн петiс пызан сайысь.

Доддяс Егорöс пуксьöдiсны ыджыд тулупö тöбөмөн. Эз и казав Межадорö вомсö. Чорыда унмовссьöма. Садьмис вöv сувтөм бöрас нин, кор Венялөн батысь шуис «Воим!». Ывлаыс вöли лун югыд нин. А Межадорсянь чужан грездöдз туйыс абу нин кузь — веськыд, Сыктыв ю вомөн.

Регыд и венiс Егор чужан грездöдз туй костсö. Со нин и ичөтсянь тöдса керкаыс. Кытшалöма лым туктаөн вевттысьсөм льөм пуясөн да пельысьясөн. Лым улысь оз тыдав весиг дзирьяа потшöсыс, лымсö нöбалöма керка öшиньясöдз. Төвьян джынйысь пач трубасыс кизьöриник тшын кайыштö, а гашкö, керка шоныдыс руалö. Мамыс öтнас олö. Ёна көнкö виччысьö, кор пö нин пыис локтас.

## БЫДӨН АС МЕСТААС

**К**ÖЧ БÖЖ кодь дженъидик лөддза-номъя гожөм бöрын пуксис шливгысь зерьяса букуш ар. Сентябрь помын тайö вöли. Сувтiм ми асывводз, шоныд воньясысь петалiм, а век нюмвидзысь да мелi кыввора Дусьö дяднайö — дядьлөн гöтырыс — пыр и юөр чомсаяслы сетiс:

— Тöv пуксьöма, мадаясö!.. Камгöма-кынтöма да пидзöсöдз лым усьöма. — И Дусьö дядна кысысь вурөм шоныд тöбök гоз да неблюй липичаяс (гöна чувкияс) мыччис Закар Ваньлы, менам пернайлы.

Чом шöрын зымвидзысь көрт пачным доналөм-гөрдөдөм бокьяса. Көр яя шыдлөн чöскыд дук чом пытшкын гөвкьялö, ичөтик пöртийын яя проса рок менсьым дуль пычкö.

Топыда сөйим да сьөлөм бурмытöдз чай юим. Öд тшöкыда овлö, мый

асья вытънас мукӧддырйиыс лоӧ кыскыны сёр войӧдз. Тундраад ӧд кызд уджыс тшӧктас, сідзи и лоӧ овны.

Ме вема лы вильӧда, синъясӧс пернай вылысь ог вештив. Мый нин шуас-юӧртас талун меным.

Со пернайӧ — вежайӧ — чышкалыштӧс кимӧдзнас потласьӧм вом доръяссӧ, рыжӧй усторсӧ да нюмъёвтӧс:

— Ми племяшкӧд, гашкӧ, медводдза лым кузяыс талун гӧвкъялыштам да? — сэсся чомсаяслысь юасигмоз содтӧс: — Тӧ кызд видзӧданныд, ветлам кӧ ми доддьӧн и дадюлӧн Кытшыль ты дорӧ? Арьян запасьясысь кодлы мый колӧ вайыштны?

Зумыш Ирӧ Микул, бригадирыс, ӧтиясӧс ыстӧс стадаясӧ: дежуритысь пастукъясӧс вежны, мукӧдъясӧс мукӧдлаӧ нарадитӧс. А ми пернайкӧд дӧза кузь туйӧ — Кытшыль ты дорӧ мӧдӧдчим.

Ме, кызди и пыр, пернай дадь бӧжын, ськӧд мыш на мыш пукалам. Кӧръясӧн пернай ачыс веськӧдлӧ и вӧтлӧ-тӧрмӧдлӧ харейнас. Но куритчигьясас век мем тайӧ уджсӧ сетывлӧ. Артмӧ ли, оз ли нуӧдӧмыс менам, но пернай оз тай менӧ вомав да тувкӧд-велӧд-а... Да и ме сідз век синмас-вомас сӧчка-видзӧда, пельӧс чошкӧдӧмӧн кывза сылысь быд кыв, аддза быд вӧрзьяштӧм. Ӧд сийӧ кывтӧ шуӧ гежӧда, но стӧча. Ёсь синма-пеля и сюсь вежӧра менам пернайӧ. Тундраас и чужлӧма, ме моз жӧ. Кык класс помавны и сюрлӧма сиктын. А сэсся став олӧмыс кольӧма тундраын. Йӧз сёрниысь ме эг нин ӧтчыд кывлы: «Закар Вань, небось, тундратӧ ассьыс вит чуньсӧ моз тӧдӧ»...

Бригадирӧ сийӧс унаысь нин пуктыны кӧсйылӧмны, да грамотаыс вӧсна пӧ ачыс эз пуксы.

Дерт, кӧрт видзысьӧн лоа жӧ и ме. Татшӧм мӧвпыс пыр менам юрын. Локтан арнас ме бара велӧдчыны школаӧ пыра, кольча дедӧ-бабӧ дорӧ да кута век зильны бура велӧдчыны.

Пернайӧ частӧ гаралӧ: вот пӧ эськӧ тэд, Саньӧ, кӧр фельдшерӧ велӧдчыны... Пыдди пуктана мортӧн лоан эськӧ. Тундра пӧ тэ, Саньӧ радейтан, и сюсьлун да вежӧртор петкӧдлыштан корсюрӧ.

Туй визь кутам медыджыд мусюр вилӧ, сы мӧдар бокын подков модаа Кытшыль ты сьӧдалӧ. Тундраӧд туйтӧг мунам, нюр рӧчыяс, тыяс да расьяс гӧгрӧдлыштам.

Тыяс со сьӧдасьӧмны-сӧникасьӧмны, ланьтӧмны — ни ӧти утка, ни ӧти юсь-дзодзӧг оз дживъяв сэн. Сӧмын визув ваа сӧдз ёльяс дзольгӧны и котӧртӧны важ моз, тӧв воӧмыд налы оз имит. Ме кывза, а Закар Вань, пернайӧ, вомгорулас нургӧ-сёрнитӧ тундраыскӧд да поводдяыскӧд. Коркӧ тай гаравліс: нэм джынсыс унджыксӧ нин дадюлӧн ветлӧма — эм, мый казьяштынсӧ.

— Но вот, Санько, воим сэссия, — ме кийсь босьтіс вожжисё пернайё да ачыс дадь подійо яран гөрөдөн көртыштіс көръяслысь юрнуодысьсё, вожжи ув көрсё, дадь бөрлань нырнас. Оз нин, небось, өні пышйыны.

Пернайё дзоргё гөгөр да сёрнисё нуөдө тэрмасьтөг:

— Эсийё кос бадь дорас моз, бадь сикасас, сябуча доддын мяня чомсаяслөн төвся көм-пасыс, сёян-юан: кык мешөк пызь, куим ящик печеньё-преник, сакар ящик да. Сідзкө, бара на чөскыда чайтё юны кутам, блинасьны и...

Пернай водзын мунё, ме сы бөрся вөтча. Вожа ыджыд кос бадь дорё сынам-тэрмасям.

— Мать тэнö кантук! — чегыштіс изьваса ногөн пернайё, синъясыс быдсөн чашковтлісны. — Кодкө тай мяніс рөзөритөма! Ставсё тай кодкө пусь-пась вөчөма!

И сё збыль! Бадь пөвстын, бадьяс йылын — быдлаын өшалісны көр гөн ёкмыльяс, рузум торъяс... Пернай бадьяс костсыс чайшөм липича пөв кыпөдіс да видлалё.

— Ме тай эськө йөзыслы гарышты... Мися, тані олыся... — юрнас докйөдліс Вань дядь. — Төдчө тай нин — Михайлөлөн рөбөтаыс... Воськыда кө шуны, йөзыс асьныс мыжаөсь — зверь угоддьёө пырөма лои...

Гөгрөдлыштім, туясим. Вылён усьөм лымйыс став матігөгөрсө еджыд эшкынөн шебралөма, но өткымынлаын синмад шыбитчөны вөлі тырыштөм гөпторъяс, быттьөкө төбөка челядълөн кок туйыс.

— Паськөмьяс тшыксөмны!.. Кытчө нө эськө лоины пызь да сакар мешөкъясыс? — вийсьө пернай.

Недыр мысти сакар мешөклөн колясыс аддзысис лым улысь, бадь вужьяс улысь. Койбедьнас пернайё гудрасис-корсис да. Но пызь мешөкъяс, кодысь көйысисны блинъяс пөжавны, некөн эз вөвны, быттьө сыломны. Аддзысисны печеньё-кампет ящикъяслөн торпыригьясыс. Чөскыд печеньё-кампетон Мишаыд ёна чөсмасьөма, өти торпыригөдз ставсө идралөма.

Пажнайтыштім додь вылө пуксьыштлөмөн галетьясөн, мый ньөблیم буритчысьяс дорө волігөн.

— Видлам тыдорса васыс смекнитлыны, — кывкөрталіс юрсө ёна жугыльс пернайё.

Пыр новлөдлан лэчыд черөн керыштіс аслыс и мен бөдь-зорьяс. Гудрасим кыкнанным сёлөмсянь. Тыыс бадь дорысь сыв ылнаын и вөлі. И друг менам зорулысь сөника ва сюри, еджыд краска кодь. Чукөсті пернайёс, и сылы зор помас ликмис розьёсь, шомөсассьөм пызь пьдөса мешөк шой.

— Но и Мишка! — пернайё пөсьсө ной парка соснас ниртө-чышкалө и сылысьыс. — Оз тай, небось, сылысь юр вемсө гаг пьськөдлы. Төлкыс судзөма: кос пыззыс горшас тасасьө да көтөдөмөн чөсмасьөма.

Дыр катлөдліс пернайö кымынкö дзор сіяса куш юрсö.

А мөд онас, Кытшыль ты дорсьыс, мян бригадаса том пастук, Тикөн Славко локтіс дадювнас чом дорö да шызис:

— Сэні еджыд сьыліа ош, кык пиа!.. Вайлы пицальтö, тайö ош-рөзöри-тельсö здукөн эштöда...

— И премия на мынтасны, Славко, — сы дор жö сувтіс бригадирным. — Öд көръяснымöс травитны вермасны на ошъясыд...

— Эн вөрзёдö! — гөлөссö сетіс пернайö, коді вöлі салямкаяс — көръясöс доддялан сийöс-завөд — вурö-лөсьöдö. — Кольөм воö нинөм вöлі миянлы сы оланіно нырнымöс сйюны. Асьным мыжаöсь. Ме öд шулі: олыся местаыс. Эн кывзысьöй...

— Лыйны колö, — горөдлö Славко. — Ош яйсö сёйны, а госыс пö бур лекарство быдсяма прöстуда висьöмъясысь.

— Тэд, джыдж юрлы, байдөгыс на тырмас, — пернайö пөперегалö бригадирöс да Славкоöс. — Мед олöны ошъясыс асланыс оломнаныс, а мян асланым удж да төжд. Быдөнлөн ашшөр олом.

Эз лэдз пернай лыйны ошсö да сылысь пиянсö. Ошкыд пö вөр-ваас коланатор жö.

## ОЛÖМЫД АБУ ТУЙ ВОМÖНАЛÖМ

**И**ЧÖТ кагаа нывбабаыд Сыктывкарса аэропортын на төдмасис Ижмаö лэбысьяс пиысь унджыкыскöд. Ёнджыкасö ас йывсьыс висьтасис. Шуöны Светаён. Лэбö гортас, көні прамöя эз нин вöвлы сизим во, а бөръя куим восö дзикöдз эз веськавлы. Весиг могсö асьыс эз сайöд: көсийö мамсö карö овны вайöдны, чунь öтнас сийöс сиктас, а ма-мыслөн ачыс öтка ныв жö.

Ачыс сиктын быдмылöма. Тушаыс ыджыд, лөсьыд. Паськөмыс абу ыш-нясяна ни абу лөкөдана: донтөм, но мода серти. Ичөтик еджыд чужöмыс мича, лөз синьяса. Воис сийö, тыдалö, сьөлөм выланыс Ижмаö мунысьяс-лы — ёна отсасисны сылы самолётö пуксиг-петігөн. А Сыктывкарын на төдтөм, олыштöма дядьö, кодлөн киясыс вöліны тыртөмөсь, мырдөн босьтіс да моздорас пыртіс Светалысь кагасö самолётö.

Самолётысь петігөн Светалөн гора шусис:

— Ой, кытчö нö ми воимö?!!

Воесьяс костысь уаоён дивитанаа видзёдлісны сы вылө, мый пö челядьясьö. А Светалён эськö шуöмыс збыль сьёлöмсяньыс артмис. Медбөр волігас, куйм во сайын, пуксисны на видз вылө, нэмөвöйся аэродром выланыс; АН-2 вылын ёна катлөдлөмысь шогөдіс и вукөдіс сэки. Öнi сы мыйта йöз босьтiс самолётыс, и эз зыркнитлы. Кымөръяс сайөдз кыпөдчис да сэтi вайөдіс, дзик матын шондi синтö ёрö, а асьныс бытьö Арктика вельттi лэбöны, уланыс йиа эрд кодь.

И аэропорт со дзик карса кодь: кирпичысь, кык судта, сы дорö мича автобусьяс локтöны.

Улыс кустөдз мунысьяс, көнi и Светалён чужан сиктыс, пуксялісны Гөрд Ягөдз лэччысь автобусö. Гортö лэччытөдз на, кызди и быд волөм вöчліс, мөдліс судзөдны бөр мунан билетьяс да торкисны асьныс аэропортса уджалысьяс, билетьясыд пö öнi мян быд пöраö эмось.

Автобусөн гортөдз гольөдiгөн Светланаос шензьөдіс öтитор: Гөрд Ягөдз лэччысьяс пиысь, көнкö налөн Нагорная сиктö локтысьыс, дерт, абу этша, а вот некодос томьяс костсьыс оз төд, öти пöрысь баб эськö зэв төдса да вот нимсö ни прöзвищесö некызди дум вылас оз вермы уськөдны. Челядьыс прамöя грекөвöйтчисны лэччигчөж да сiдз некодкөд эз и сёрниö волы.

Мир туйшöрса меддждужыд нöрыс йивсянь дöза дыр любуйтчис ас чужан сиктөн, тасянь сiйö дзоньнас тыдаліс, ки пыдос вылын моз. Гөгөр виль керкаяс сералöны зарни керьяснас.

Чужан керка дорö матыстчигөн ёна и пессис-вийсис сьёлöмыс Светалён морос кудьяс, весиг чужөмсö вевттис кодзыд нылөм.

Со и чужан позйыс сьлөн: ёна нин пöрысьмөм кажитчö виль — том керкаяс коластын. Ъдждыд сьөд коромина төдчымөн пөлөстчөма, сад йөр потшөсыс вужынь-вежыня, потшөс столбьяссö кытсюрö пыклöма...

— Да-а, мужик кийс дыр нин абу сибавлöма, — югнитіс Света юрын. Мамыс чунь öтнас олö керкаас, телеграмма ас воём йылысь эз кучкы, гашкö, көзьяйкаыс гортас оз лöсяв.

Муртса тадз думыштiс Света, кызд сэн жö, дзирья вельтiгөн ныр-ныр воча воисны мамыскөд, кодi ырөстөмөн чепөсйис да пыр жö тшапкис-босьтiс нылыс моздорысь асьыс внуксö.

Ижмаса бисера кокошникөн асыкалöма плешсö, кузь сарафан бöжыс муөдзыс.

— Ой, мада нылö, воин?! Дзоялö, öдинакөйö!!

Моздораэ внукыс, мам мөд кинас сывьяліс нывсö да тадзи пырисны жырьяс ставөн тшөтш.

Баб внуксö ас вольпась вылас пуктiс, пыр жö разьліс тубрассö, видлаліс и вежлаліс кагалысь улыссö, кужөмөн да зiля, и кор ставсö эштөдіс, бара жö внукнас скамья вылө нылыскөд орччөн лөсьөдчис.

- Виччысин ли мый, мама? — медводз кыв петіс Светалён.
- Чайтін иг? — курдыліс мамлён чужо́мыс и сійо дыр вежньодліс вомсё.
- Пыр на эн велав эта мый вонас, мамукöö? — сывъяліс мамсё Света.
- Кутшом чунь пö ассыд он курччы — ставыс доймö, а тэ öтик — öдинакöй.

— Ок тэ, мамукö!

Кодакості кö нин төдмалöмао́сь Света воом йылысь рөдняяс да төдсаяс, пыр и гузьгысисны керка тыр, кутлöны, окасьöны, зурөдчöны. Зык-шум костысь сöмын кылан, Ен пö сетіс волытöм гөстяясöс. Быд бурөн тырөм пызан сайын, вина юыштөм бöрын, нөшта на өддзисны-варовмисны, ёрта-ёртсö торкалöны да висьталöны.

— Тэ нө, Света, дырө кежлө көть быттёо воин?

— Бөрө-водзö вылө вои... Мамао́с мөда нуөдны...

— Карад жö, вежа нылö?.. Ой, пельтөм! Кыдзи шуин, иг велав?

— Карö, карö, вежань... Пыр кежлө сэссия...

Вежаньыс Светалён кыз яя морт, пельтөм кодь нин, Света бокö топөд-чөма да сылы вом вылас и сөчкө: мый пö шуас. А мамыс татшөм кывъяссö йөз дырйи кылөмысь шөйөвошискодь, но кыв ни джын эз шу, ылөдчис гөститчыны.

— Но, нылө, бур олөм вöсна! — кыпөдчис коньяк румкаөн мамыс да гөстяясöс ышөдö.

— Нолы, Света!

— Нолы, Александровна!

— Рөд-рөднятö, чужан сикттö не вунөдны!

— Мамтö, мамтö не вунөдны!!!

Светлана ёна гөрдөдіс, сөмын гоґйөдлө йөзлы юрнас, эз сюр мыйлакө воча кывйыс, көть зэв кыв-вора сідзисö, батяс пö сёрнинас мунөма, кывлан сы йылысь. Батыс, война вылын ранитчөм морт, кувсьыліс важөн нин.

Эз, мамыс эз кут юны, сөмын вом дорас румкасö вайөдліс. Аддзö Света, мамыслөн чужо́мыс вежласьö мыйлакө, өд нэмсö сійö нюмсермунө-ма, он лөк кыв вомсьыс кывлыв и.

Кор мамыскөд колисны кыкөн, Света зіля отсасис сылы пызан вывсö идравны. Бара прамөя дыр сёрни эз пансы некоднанныслөн, а чөвлунсö медводдзаөн торкис мамыс.

— Омөльтчөмыд тай, ниланö...

— Мый тэ мамаö, ни öти эг, ёнмышті на...

— Омөльтчөмыд, аддза на вед... Но мый, кутшөма нин зять, сваття?

— Олөны... Ставыс ладнө... Приветьяс ыстісны...

— А квартирайд?..

— Көсйöны. Оз на сразу-а...

— Сваття ас дорас корö на?

— Корö, мама...

— А тэ мый?

— Ог тöд на... Ме тэнö, мама, нуöдны локті, — дыр думайтöм бöрын, ёна полöмпырысь шыасис сэссия Света. Висьталіс и, став нервьяснас зэлöдчöмön, мам чужöм вылö сöчкиг-видзöдіг, кутіс виччысьны воча кыв.

А мамыс мыйкö ёна мöвпаліс, кымöсыс гөрöм му кодь, гырысь кöрасьяс лыбисны, гашкö, падъяліс, гашкö, нылыслөн сьölöмсянь шуöм кывьясыс ёна мөрччисны.

А Света гөрдöдіс, чужöмыс весиг гöгрöсмис, лолыштны оз лысьт, быттöв ыджыд лёктор артмöм бöрын зэв яндзим лои.

— Ог вөрзбы ме... Некытчö ог мун... — дзык виччысьтöма шыасис мамыс. Пуртөн быттöв сутшкисны сьölöмас мамыслөн виччысьтöм тайö кывьясыс, öд мыйта надея пуктіс, мыйта лöсьöдчис-виччысис.

— Но, ма-ма-а-а! — артмис Светалөн нирöстöм.

И вот кутіс мам нылыслы лыддöвдлыны эз тэрмасьöмön, эз көрт кодь чорыд да пурт кодь лэчыд кывьясөн, а выя бордөн сьölöм мавтысь кодь мелі да мывкыд сёрниön.

— Мада нылö, менам гөгөрбок нин арталöма... Гөгөрбок... Эз öд прöста шуны: йöзын пö лöсьыд, а гортын — медся бур..

— Тэ көть кывзышт да бурджыка думышт, мамö! Ме сідз надейтчи!..

— Ог. Сёвись нин думайтöма сідзи и тадзи. Тан чужлі, тані мед и кула... Тадзи вот, öтнам...

Мамлөн кывьясыс ёна парскисны нывлы, бур вöчны көсйöмыс сьлөн майтöг гадь моз потіс. Мамыс гусьöник бөррдзис, частö чышкаліс син дорьяссö. Пöльтчöм сөнъяса гырысь кисö пидзöсьяс вылас шлапнитöм мамыс кажитчис Светалы эз нин öнтая кодь збодерөн, мöдарö — коньөр-кодьön, сьölöм нюкыртмөн жальön. Сійö локтіс мамыс дорö да топыда сывьяліс, сьöкыда лолаліг, пöся шуавны кутіс:

— Мамö, донаой, гөгөрвоа ме тэнö... Но и тэ ме йылысь думышт. Внукыд öд пыр на гортын олö, а ме нянькаала. Тэ горт овны кутан, а ме уджавны — зэв бур олöм пуксяс. Сэссия сэн тэд лёк оз ло, пес нин ва пыртны оз ков... Ме нин мыйта сьölöмös жуглі тэ вöсна... Закон пö сэтшöм эм, фронтöвкьяслөн дöваяслы и бур квратира медводзөн сетöны... Думыштлы, мамö, эн огась...

Но мамыс сыркьяліс да эз сетчы некыдз.

— Ог и ог!

— Сиктад, мама, кор на кар кодь лöсьыдыс лоö?..

— Но тэ, нылö, мый нин öні татчös йывсьыс тöдан?! А карад ме, сиктын чужлöм да нэм кольöм морт, пыр и кула. Кула ме сэн, кула, нылö,

весь оломысь и гажтөмтчөмысь... Өні и гортын оломыс шондібан... Мый гырся зарплатаяс лоины... Отпуск быдөнлы быд во, абу небось миян важъя оломным... Машинаяс быдлаын муркөдөны-уджалөны... Виль картаяс стрөитисны да токөн лысьтөны мөсьяссө. Мый нө ме кута карсьыс корсьны? Ме тэ вөсна, нылө, толькө вися, мед тэнад оломыд артмис шуда. Көсийсин, гортө пө локта, велөдчин ветврачө, а кывсьыд вуштысян... Кодлөн абу, сылы квартираяс сеталөны, карын кодьөс жө...

Мыйта лөсьөдчис Света мамыскөд тайö сөрни кежлас, быд боксянь нин бергөдліс-дасьтис шуны лөсьөдөм кывъяссө и со бара веніс мамыс.

Пелькөдчисны водзө, сиктса вильторъяс йылыс сөрнитіг. Света юасис мамлыс көн-мый нин кывсьөны сьлөн тшөтшьяяс, мый уджалөны.

А сэсся паляліс челядьныс, ськөд төршасьны кутчисисны кыкнаныс. Челядьсө унмовськөдіг Света и ачыс ойбырмунөма чөскыда, садьмис кодлөнкө гора сөрнитөмысь. Маша, ныв ёртыс воөма, кодкөд өти парта сайын велөдчис дас во.

— Кывлі, воөма пө да сынисады татчө котөрти, гашкө, здук кежлө бара и пырин мамыд дорө?

— Олышта этша, — вочавидзис Машалы Света, дыр ёрта-ёртнас нимкодьясьөм бөрын.

— А ме пыр котрала... Муртса кежлө кежовтлі тэ дорө... Ог эшты, мися, коть видзөдла, син пыр нуөда грамотной мортсө, карсаяссө...

— Дояркаалан на? — юалис Света.

— Ог, өні менө начальникө нин пуктисны, культураөн веськөдла... — шмонитана сөрнитө ськөд Маша.

— Ноко, пуксьы, пуксьы пызан саяс, гөститчы... Ог эшты пө, — тойлөмөн, мырдыс пуксьөдіс пызан сайө Машаөс Светалөн мамыс.

Румка вина на аддзысис Машалы, мамыслөн пайыс кольөма.

— Лок клубө мекөд кайлам, Света. Тарыт миян армияө колльысян рыт. Виль клубсө видзөдлан и.

Зэв окота лои Светалы аддзывны ас синмөн виль клубсө, а клубсьыс и сиктсаяссө, өд важысянь нагорнойсаясыд вөлі «висьөны» спектак-концерт видзөдөмьясөн. Уджач войтыр и гажөдчисны пыр ёна.

— Мама, гашкө, лэдзлан менө тшук кежлө клубөдз?.. Маша нуөдчө...

— Ветлы, ветлы, өтик вед том пөраыд... Нук-нучкаыд бабьяслы мед на жальөс, видзам синмөс моз...

Школаын велөдчигөн, а корсьурө весиг каникульяс дырйи, Света век вөлі спектакасьө, а өні со став оломсьыс кольөма кодь, матө во оз уджав нин да.

— Тэ нө мыйла челядьнад, Света? — шемөсмунөмөн мыйлакө юалис Светалыс Маша улич вылө петөм бөрын.

— А ме... ме өні ачым видза сійөс, — эз окотапырысь юөрт Света.

— Детсадыс нө мый вылө... Добра — туй вылө петны дитяөн...

— Ме ачым отпускын и челядыс гортын...

— А миян сиктын сэтшөм бур ясли нин коймөд во уджалө... Ни өти челядь гортын оз видзны... Декрет эштас и — яслиө. Сэтшөм ясли, кыз карын ставыс... Весиг круглосуточной... Вот кытчөдз олимө: понедельник нуодан, субөтаө вайөдан... Шог ни печаль, толькө вай көть быд во... Корсьөмөн өктөны дитяссө...

Маша важья моз вылын морөса, гөгрөсіник тушаа, пыр на челядь нога. Света сылы эз восьты, мый челядысө карас сылы некытчө инавны, ачыс дыр нин оз уджав некөн. Көть пөдруга, а кальөг вома да кока радио моз пыр и паськөдас. Дзевис ассьыс төждьяссө Света.

— Эстөн, Шөр вөлөстяс, миян өні став учреждениеыс виль, ставас вөчөма водяной отопление, — мөдар боклань өвтчис кинас Маша да отарө шор моз сяльгис-сёрнитис.

Клуб вөлі джуджыд нөрыс йылын сикт шөрас моз, сэтчө нуөдіс паськыд моски. Ыджыд, джуджыд зальяс өні вөліны тыртөмөсь, гораөсь. Маша петкөдліс Светалы небыд пуклөсьяса кинозал, висьтавліс струнной оркестр лөсьөдөм йылысь да быдсяма кружокьяс йывсьыс, кодьяс өні тан восьтөма да уджалөны, ошйысис аслас уджалан ёртьяснас, Нинаөн да Ритаөн, кодьяс вөліны татчөс йөз жө, Света төдіс налысь бать-мамсө. Помавлөмны нин культпросветучилищеяс карын да өні зев сьөлөмсянь босьтчөмны уджө. Казьтис Маша, мый пыр на воддза моз эм фольклорной коллектив, ветывлөны выступайтны орчча сиктясьө и.

Эз гажөд клубө локтөмыс Светаөс, а мөдарө — эта мында буртор кывлөм-аддзылөм бөрын сійө дзугыльмис, чужөмыс кутіс кымрасьны, гөгөрвоис: став тайөторйыс өні сылы дзик нинөмла — оз тані ов.

— Талун армияө коллян рытнас «Шонді петігөн дзоридз косьмис» петкөдлам... Нөбдінса Витторлысь... Төдан? — юөртіс Маша.

Света велөдчигас на ворсліс Гришук мамлысь рольсө. Артмисны Светалөн, сэкса школьницалөн, старушка рольяс. Өні дышпырысь моз шыасьліс Машалы:

— Эта кузясө дзоньнас?!

— Дзоньнас, дерт. Ми на русскөй классикакысь пуктывлам и...

Йөктан залөд Маша вайөдіс Светаөс ас кабинетас и пыригмозыс сылы синмас медводзөн уси мыйлакө еджыд телефоныс, коді вөлі гижан пызан вылын, книга-журнал стопакөд орччөн.

— Позьө, Маша, звөнитлыны карө?

— Мыйла оз позь, шуан жө. Карса номерсө төдан кө.

— Эг на вунөд.

— Но и звонит, мыйта колө, а ме ветла бөра-водзө, вит час нин... — и Маша петіс кабинетсыыс.

Мөвп звонитлыны карө верөсыслы чужис Светалөн неважөн на, гортас воом бөрын, талун, кысыкө пытшкөсысы петіс и син водзас ловъя лов моз сувтіс югыд мөвп-көсийөм. Вот и шуис аслыс Света видлыны киас нин быттьө воысь шудсө ассыыс. Мужикыс отгульяс вылын талунсянь, гашкө, кывзас и волас татчө, бура видзөдласны гөгөр, донъяласны-веситасны да шогмана, да лада кө, и сёрнитчасны тані овны-уджавны.

Час мысти заказ сетөмсянь триньөбтіс звөнок, сетісны кар. Трубкаын бура кыліс верөсылөн ньөжмыд, лабутной гөлөсыс. Света первойсө падмыліскодь, а сэссия зэлөдчис став вир-яйнас. Кызд вермис лөньджыка шыасис.

— Сергей, тэ менө бура кылан?..

— Кыла, кыла! — трубкаын верөсылөн гөлөсыс радлана.

— Серёжа, тэ кывзы менө бура...

— Кывза, кывза!

— Тэд колө волыны ме дорө пырысь-пыр...

— Мый лои, мый лои? Мыйкө тьөщакөд?!

— Тэ жө талунсянь отгульяс вылын... Волы непременно!

— Мый лои, мый? Ме жө ремонт мөді вөчны... — верөсыс, кылө, кутіс пузыны...

— Серёжа, эн нервничайт... Тэ жө төдан, без дела, сідз-тадз, ме некор ог вөч, сідзкө, колө... Непременно босьт дипломьяснымөс.

— Мыйла? Висьтав!

— Серёжа! Ме тэно кута виччысьны аския рейснас.

— Света, Света!..

— Ме кута виччысьны, виччыся аски и мөдлун... Дипломьяссө вай ассыыд и менсьым непременно... Эн шогсьы. Асьтө видз. Аддзысьлытөдз! — трубкасө тэрмасьомөн пуктіс Света первойөн, мед сёрниыс эз торксьы. Сергей сійөс ёна кывзө и оз ылөд, Света такөдіс асьсө тайөн и пыр жө лои кыпыд руа.

Петны нин мөдіс клубысь, но бара ныр на ныр тшукисны котралысь Машакөд.

— Эштіс сёрнитөмыд? Уф! Клубын йөз нин... Гортө ли мый?! Некытчө он немытчө!!! Он, он! Пукыштан, мамыд пөди бура нин өні внуксө талун любитө-видзө... Он, он! Видзөдлы кутшөм? Ме вед скөрма да некор сэссия тиянө ог волы.

Этша эз бөрөн пет Света кинозалсыыс, көні и збыль вөлі, кызд шулыв-ласны, зэр войтлы усьны немытчө, сы мында йөз.

— Ме нин тэд улөс вайи, — Светаөс пыртіс да пуксьөдіс Маша. Кытчөкө

дөза дыр кежлө саймовтчыліс сійө, а сэсса бара воис сы бокө. Концерт эз на заводитчы, и унджыкыс видзөдіс залө пыран өдзөслань — пыр на воалисны йөз.

— Одноклассникъясыд воисны, Света...

— Көні?

— То нө мый, өдзөс дорас, он али мый аддзы... Шуйга вылас, сиренев-ой пальтоаыс, талань, миянланыс коді, Аня Филиппова, совхозын зоотехник, орччөн — Надя Терентьева, ветфельдшер, а сэн жө дзик өдзөс дорас пукалоны тай, еджыд шапкаа да пасяыс Толя Канев, Петра Васылөн пиыс, — копытчыштліс Маша Света дорө, пеляс шөпнитіс: — Өні начальство, управляющөй.

Но тайө здукө йөзыс өна кутісны кекөначасыны, зал шызис гыа море моз, буракө, мудзисны нин виччысынысө.

Армияө рабочөйясөс коллян рытсө восьтіс парторганизацияса секретарь, кодөс Света эз вермы төдмавны, а юавны кодлысыкө яндысис, Маша пөдругаыс өні пукаліс сценавывса пызан сайын, армияө мунысь зоньяс-молодечьяс костын, на пөвстысь Света сіджө некодөс эз төд. Ас гортын и быттө дзик бокөвөй, и таысь сылы вөлі неуна яндзим.

Управляющөй Толя Канев сёрнитіс тэрмасьтөг, кывьяссө көрт тувьяс моз тувьяліс топыда. Толя жө сеталис казытөд вылө совхозсянь козиньяс.

Концертсө видзөдіг и йөктігьясө некодысь эз кольчы Света, оліс Маша пөдругаыс дорын дзик медбөрөдз, клубсө тшөтш томналісны. Машакөд варовитігтыр воисны кильчө помас, кор вөлі зэв нин сёр, вой шөр бөр. Кильчө өдзөсыс вөлі восьса, пыран жырйын өзйис лампочка, а баба-внука топыда кутчысьөмөн узисны өтлаын.

Водіс Света мамысөн сылы лөсьөдөм вольпась вылө, и дыр куйліс восьса синьясөн. Некидз оз унмовсь: быдсяма мөвпыс юрас бергалө.

Кымын ног толькө Света эз водлы и лыддис тысячаөдз, и асьсө быд ног такөдіс, но сөмын ёнджыка на паляліс да ясыдджыка син водзас сувтісны челядьдырся серпасьясыс. Кыдз нө вунөдан мамлы лун и вой отсасьөмья-яссө, гырысыяс пыдди колхозын уджалөмсө. Сиктыс өти семья моз дзонь-нас оліс, ставлөн өти төжд вөлі: водзө бур олөм лөсьөдны, сьөкыдлунлы не сетчыны.

Тшыг кынөмьяс и абутөмыс эз повзьөдды челядь котырөс. Эм, эм мый казытивны ас олөмсыис Светалөн, и бур ёртьяс йывсыс, кодыяскөд коли сылөн челядьдырыс... Быдмисны ставыс, нималана йөзөн лоины...

Велөдчис Света, шуны кө нин, эз нин медся бура, да и кысь сэсса зэв бурасө велөдчан, кор удж вөсна он эшты некидз, но урокьяс пыр вөчис, көть вой шөрын, а пукалас вөлі чадитысь семилінейнөй лампа дорын. Мудзөма, ичөтыдды өна и сьөкыд вөлі унмыдкөд вермасьнытө, но быть,

надеяйд некод вылө. Онi со пöрысь мамыс гортас чунь öтнас. Зэв нин ёна көсйис велөдчыны да вот велөдчис эськө Света, а олөмыс сiдз, кызд көсьян, оз артмы... Медсясö мамыс вöснаыс сьөлөмыс пыр висьö.

Верöс сайö петiс нельöд курсын велөдчигас на. Öттшöтш Сергейкөд институт помалiсны, Света — ветеринарнöй, Сергей — механизация кузя. Карö овмөдчисны да пыр на сiдз-тадз и олөны-вийсьöны... Света эськө такöдö асьсö пыр, оз горшась, но сьөлөм вылас деливö жö.

Толя Канев, Маша пöдругаыс и нöшта кымынөнкө ас деревняынöсь да, тыдалö, судзсьымөн олөны, зэв бура пасьтасьöмаöсь. Вежсьöма, вежсьöма сиктыд и ёнакодь, стрöйтчö, выльмö, озырмö, а ми вок кодь деревнясяя-сыд мый эськө карас и воштимö, а мөдарö кө думайтны, карад олөмыд мыйөнкө кыскö жö... Да, коркö — бур, коркö — лөк сэнi... Кыдзкö эськө унмовсьны Светланады...

Думайтiс-думайтiс да водiс мамыс да пыис дiнö. Асья тувсов шондiыс парма весьтын нин вашьялiс, кор Светаöс личкылис пöдушка бердö чöскыд да топыд ун, но пыр жö палялiс мамыслөн кышим-кашимөн сувтöмысь.

— Мам, ме Ижмаöдз асья, көкьямыс часа автобуснас кайла...

— Мый нö, мунан нин?!

— Ог на, самолётсö карсьыс виччыла...

— Мый нö бара?

— Сергей вермас локны, а эз на вöд вöвлы да...

— Но, зятьö! Мыйла нö эн висьтав, колiс шомöс көтны, пöжасьны...

— Нинöм, мама, ставыс лоö бур... Ме бөрö-водзö...

А автобусын кайигөн мыйсö сöмын Света и эз мөвпыштлы. Сiдз и тадз пессисны юрас мөвпьяс.

Öд вермас лоны, мый Сергей ветлiс да юасис мамыслысь: мунны абу, кызди вöчны... Вермас дзикöдз не воны, либö воас да төлкыс оз босьт... Челядь ногаджык на сьлөн мужикыс мукöд дырйиыс, медсясö Света юрөн да мамыс юрөн и олө... Он лөкөд эськө: оз ю лишкатö, лөк кыв он кывлы. Автобуснöй паркын механикалö, пöлучкатö дзоньнас вайö.

Со и аэропорт. Карсянь самолётлөн воан кад нин.

Ылын водзын, сьöд парма весьтын на чöловтiс-шывкнитiс көрт лэбач, дзирдыштiс эзысьөн яр тувсов шондi югөрьяс улын, тыртiс ывласö зыкөн.

Сатшкысис синьяснас Света самолётысь петысьяс вылө. Лётчикьяс бöрын медводдзаыс и вöли верöсыс.

Светалөн сьөлөмыс ылькнитiс радлунөн, лöсьыд чужöмыс лои нöшта на мичаджыкөн, лышкыд шондiыс моз вашьялiс.

Онi гозьяös торйöдiс нин öта-мөдсьыс сöмын паськыд асфальт туй. Мыйөн помасяс гозьялөн Ижмаö тайö волөмыс?

Да, олөмыд абу туй вомöналөм...

# ВОШЛӨМ СТАДА

## Көр Видзысьлөн Висът

**А** СШӨР олөм вылө ме петі зев том детинкаөн, сизимөд класс помавтөг. Вөлі тайө войнадырся шуштөм кадө, кор быд керкаыннин казтывлісны фронт вылын усьөм батьсө либө верөссө, писө либө воксө. Шогө вөйөмөн оліс и миян семья.

Батьөс фронт вылө нуөмны войнадырся первой төвнас тундрасяныыс вєськыда. Мукөд көр видзысьяскөд көр аргышьяснас и петөмаөсь Мурманскө мунны... Сэні мөд төвнас айө и юрсө пуктіс, снарядыяс да минаяс передөвөй вылө аргышөн новліг. А тулыснас, өти асылө, школаө мунтөдз на, миянө пырис колхоз контораса курьер, чотысь Ивө Елюк, да висьталіс:

— Мишө Саньөөс правленньөө өдйө корөны.

Мишө Саньөнад сиктын менө шуөны.

Мамө тай эз кут, шуис, лэчыв пө, корөны кө. Видзөдө ме вылө, а ачыс сырья шаль помнас синьяссө зыралө. Көтөрөн муні.

Контораад колхоз предыд, Агния Петровна, пызан сайын пукаланінсьыс петіс меным воча. Джодж шөрас менө кутыштліс да меліа варовитны заводитіс:

— Санюшко, мада \* племянник!.. Лөсьөдчы тундраө... Айыд местаө... Тэ өд көр дорын быдмин...

Абу зськө рөдвуж предным, а изьваса пөрысьджыкъяс пи вылө лөсялысь бокөвөйтө племянникавлөны.

— Арталі да — тэысь өтдор сэсся некод пикө воөмысь оз мезды, — чөв олыштөм бөрын водзө сёрнитіс Агния Петровна. — Кывзыв тьөтөс, Саньө. Мөдйөз \*\* водзө велөдчан, Гитлерсө вермалам да.

Ме, шойданик маличалысь юрсө лэдзөма, дзорга предлы жугыль сьөд синьясас да парьясөс курччала, вушйөм төбөкъяса, жөдза сы водзын.

— Колө кө нө, мыйла ог петав, — дыркөдь мысти сямми шуыштны ме. — Верма кө?

— Вермөдчы, Санюшко! Юрөс жуглі да тэнө мед слөю... Мый ыджда сикт да мужикуловыс китыр сөмын, и то «спишитөмъяс» да тундраө пөтавлитөмъяс... Тэ өдйө велалан, старайтчан кө. Старайтчы, племянник, а ми мамыдль, чөй-вокыдлы отсыштам мый вермам.

— А мамө мый шуас, Агни тьөтө?

---

\* *Мада* — муса (Изьва ногөн).

\*\* *Мөдйөз* — бөрыив.

— Мамыкөд сёрнитчим нин.

Чуймышті: мамө тай нө эз и висьтавлы, но зэв нин мыйкө пыр вөлі мелі бөрья пөрасө.

Сэсса Агния Петровна пуксыштліс пызан сайө, мыйкө гижыштис да меным мыччис листторсө.

— Вит кило ид авансөн складысь сетасны, — гөгөрвоөдіс сійө. — Мамыд шаньга пөжалас.

Правленньобысь петтөдз преыд бара на менө топөдліс-кутліс копыртчөмөн, и мышкам тапкөдіс да ышөдіс. Норми, чужөм кузя тюрись синваөс малича кепысьөн тілиг, петі кильчө вылөдзыс, а сэсса, гейкерыштөм бөрын, складлань веськөдчи. Юрын вирдыштліс дум: «Гашкө, гортө кө кежала, мамө бергөдас менө тундраө уджавны петөмсьыд да?..» Эг кежав, складөдз муні да вит кило идсө босьті. Сёрнитлөмаөсь нин пре-дыскөд да.

Сёр войөдз дзузган би дорын пукалім гортын. Ачымөс видзны велөдісны менө мамө да ичөтджык чой-вок, дыр кежлө да ылі туйө мөдөдігөн. Мөд лунас шөнді петігкежлө миян аргышъяс дасьөсь нин вөліны. Быкъясысла ягө кайліс өтнас Денис дядь, а менө эз босьт, мед пө туйө лөсьөдчө. А мый зськө меным лөсьөдчынысө?! Уна вөлөга босьтны абу. Мамө быдса кринча мөс вөра йөв юкталіс. Туй вылө запасөн пө! Войнас пөжаліс ид нянь тупөсь да вөсныдыка морт өти шаньгаөн. Пөжаліс гортса изкиөн изөм аванса идторйись. Рытсаяныс на мамө гөбөчысь лэптіс картофель мешөк. Ог төд пө, апрельса көдзыдыясысь кынмас оз-а? А сэсса ещө мыйкө туйө босьтөм вылө нинөм эз вөв. Картофель вылын и олам, да и мед көйдыс вылас кольө сэсса... Трудодень вылө сө граммөн юклөм нянь-ным важөн нин бырис.

Ме дорын ливзыштөм-бөрдөм бөрын мамө котөртис конюшняө. Вөвла пыр ме кайлывлі, а талун эз лэдз. Тайө пөраө колхозницаяс медбөр сабри-яс видзяс вылысь сиктө сибөдісны.

Чышкалі ныр увьяссө посниулов чой-воклысь и, аслам аргышөн, дадюв да өти доддьөн, мөдөдчи-вөрзи вөлөсть шөрлань. Денис дядь да Дуньө дядна \* менө виччысисны горт дораныс. На дорсянь и петім ямас. Найө висьталісны, мый колхозсянь миянлы, көрдор бригадалы, правленньө се-төма рудзөг пызь мешөк да ид мешөк, коркө нянь пөжыштны да рок пуны... Гожөмнас чери вылын да вотөс вылын ловнымөс кыскам. Гожөм-над өд көрсө он тотшкы, яйсө он кут тшыкөдны. А көдзыд пөраад көр яй сөям: лун кежлас килоөн чомса уджалысьлы, и кило джын пастукалысь понлы. Колхоз правленньө сідз шуөма пө.

---

\* Дядна — бать либө мам воклөн гөтыр.

Жвучкө-сотө асыв-вой төв, тувсов медкөдзид төлыс. Малича менам абу на важ, шоньд. Кепьсытөг и веськөдла дадюлөн. Кык пелей и вөжживыв көр, меным сетөмаяс, менө кывзысьысьсьө.

— Ко-коо-кооов!.. — корсюрө горөдывла.

Асывсянь лун шөрөдз жөч кодь шильыд-мольыд чарөма. Быд лун комын-нелямын верст гөнитім-мунім аргышьяснад. Шойччыны сувтлім медсясө лун шөр гөгөр, кор мудзөм быкьяс кывсө муөдзыс өшөдасны. Нёров-мунлам сиктса төдсяс ордын быкьясөс лэдзавтөг, час нель-ө-вит мысти бөр нин туйө петам. Лун кык-куим мунөм бөрын бурджыка шойччам: лэдзасьлам ялаа вөрө вердчыны.

Тэрмасям, медым өдйөджык воны тундра дорөсөдз, көрьяс пиөдчанінө. Сывдас кө лымсө кушөдз шоньд повөддяөн, зэв сьөкыд лоө аргышьясөн водзө мунөмыс, вөсьсьөм-бузгысь лыдтөм виямьяс да посни юяс вөмөн писькөдчөм-вуджөмыс.

Лючки-бура колис кадыс пиөдчан пөскөтинаын. Эз вөв көина. Öти вой ме дежурита, мөдөс — Денис дядь. Коркө на миянөс вежлас, шойччөг сетас Дуньө тьөтө.

Денис дядь гортясь петөмсянь вывсьыс маличасө эз кульлы, нёрпаліс-висис. Тулыссө то сутки-мөдьясөн помся зэрис-шливгис, то мичаммыны мөддас да камгас-кынтас, дорас му и ва. Чарөмалас. И көрьяс ризьялөны-котралөны тундра пасьта. Из кодь чарөм увсьыс нө мый, кыдзи кокасны яла-сёянсө?! Уна и теля куліс, и гырьсь көрьяс, сёян корсиг, паськалісны-вошисны да и тшыгсьыс жө кулісны.

Мукөд колхозьяслөн көр стадаясьыс пастукьяс миян чөмйө волісны төлкуйтны. Налөн ми моз жө көрныс уси-травитчис.Төла луньясө, кор көрьясөс эз дөзмөд өвад, пев чунь гырся мырпөм вотім. Быдөнлы пай вылө малинокөн \* чукөрмис. Колва тыысь пелядь да ком кыйим — быдса нель кантук \*\* чери солалім. Гөжөмбыд палитіс-жаритіс. А арнас өтарө зэр киссис быд лун.

— Но и во, но и во! Енмыс кө нин абу-а?! — шмонь вөчө Денис дядь, сулик ва паркаөн чөмйө волігьясө. — Код көрыс кольө, ставыс ку и лы гирвидзө... Но, ничего, ку вылө пө яй тулө!.. Гортладорса ягын тшөгасны бөр, код ловья кольө! Нэм тундрасө гежмала да татшөм вотө, буди, ог помнит.

И сэсья миян бригадирным шпуткө и шпуткө бипур дорын косьтөм ялаа каллян. Оз весь пукавлы, пыр легө кок йылас. Чера-пурта, век вөчасьө. То додь-дадь «синьяс», подьяс важмыштөмасө вежлалө, то сийөс-завод көрьясны — салямкаяс вильөс вурө ли дзоньталө.

\* *Малинов* — лагун.

\*\* *Кантук* — шөркоддьөм бөчка.

— Лагерё, буракё, сюра тавося рёбётасьым, эх-хе-хе! — ышлольштлө здукъясөн Денис дядным. — А мый сэсся: кодлы кутшом судьба!.. Мыйон вөдитчан — сыысь и дойман.

— Но, көзяин, Денисё! Абу вед куш ми вывті лёкыс, — сьёлөм сетө Дусьö тьот пажын дырйи. — Став көраясылөн ми кодь жö тай.

Арнад сувтам и водам — пыр пемыд, бурасö оз и югдыв. Чом весьтын öшйöмаось букуш сьод кымөръяс. Тундраыс дзоньнас нильзис нин.

Көр стада ми видзим подөн. Чомным куим морта и вийым да! Көр караулитöмны пыр нель-ö-вит пастук, а ми со дядя-племянника да Дусьö дядна. Сэсся и чомнаным зэв гежöда вешъялим выль местаö. Куимöныдлы чомтö разявны да тэчны сьöкыдысь-сьöкыд. Став көлуй колö додыясö тэчны. Быкъясöс сэсся йöрав-кутав. Уна йöза чомйын бара на мөд сёрни, а куимыдлөн частö вешъялөм вылө кыид некыдз оз судз. Виль местаö вешйигөн аргышъяссö ме да дядна нуöдам, а Денис дядь көр стадасö дзик öтнас вөтлө. Тадзи пö нэм на эз вöвлы.

Сентябрпомса дзурс пемыд войö неминуча суис, ускөттьö лоис. Кызь öтикөд числөö. Синмад көть зурган, нинөм оз тыдав. Чошкөдчөмөн кывза, пель вылө став надеяыс и эм. Син-пельос менсьым Денис дядь ошкывлө на. Караулитчыны петигөн велöдыштис:

— Санько, коинъясысь видзчысь! Горөдчывлыв и войнас көть öтпырмөдысь пищальнад вылө лый. Ад горшъяс кыськө силитчөмаось! Кысь найö воисны?.. Тöрыт менам стадаыс кыкысь пышйыны вошйылис. Горзэ и лыйи. Асьяывинас успаньыв пуксисны. Талун со асив-вой төв бара вына. Стадалөн төв горувланьяныс пукав, мед кыланджык.

Вой шөр гөгөр, чайта, вөлі... (Кийн новлан часяс йылысь сэк сөмын кывлывлім, а кадсö шонді серти мурталім. Гираа часыд эськө чомйын и öшалö, но сөмын пас пыдди. Кысь сэсся чассö төдам, радио кө сы кадас чомъясад эз вөв!)

Но ме, дас куим арöса детинка, көръясöс видза. Тайö мем абу мед-воддзаысь. Айö дырйи, дзолянам, ветлывлім войяад. И öні нин тулыссянь со. Көръяс йирсысны: то здук — бура, сэсся здук — куйлöны. Рытсыныс дыр тадзи вөлі. Вөлі, кыдзи и колö. Ме да Лыско, көр видзан понным, лашъялам көр гөгөрсö, гөгрөдлам. А медсясö сэсся сулалам лёкгоршөн пöльтысь, чизыр хивуз улын. Менсьым пельпом лыöс зарада пищаль сьöктөдö. Горөдлывла сьод пемыдас: «Огоооо... гооо!.. Ооооо... гооо!..» Көинъясöс чуйдала. Пищальысь эг на лыйлы. Тулыснас пыр уткаяс бёрся вөтлыси, видзи вит-ö-квaйт зарад. Дрөб-порокным этшаник чом выланым. Пачка пороксö Денис дядь мөдөд во нин тундраад видзö, таво вунөдöма сельпосыс корны.

Другысь сьёлөмам лыйыштис-юковтис: сувтсөн вугыртсьылöма менам.

Асья войөдз нин сулалөма лои, но синмад көть зургы — нинөм оз тыдав-а. Юрам пыр и кучкис: «Көинъясыд!»

Мөвпавтөг чашниті-луйи көръяс юр вывті моз. Гыммунөм бөрас кывзысьны куті: көръяслөн пышъян кок шы и бадьяслөн ратшкөдчөм кылө, и Лыско со лёггоршөн увтө-лякө, быттьө сылы кучкөмаось да няргө.

Югдіс, но шондітөм, букыд ывлаыс. Ме өтар джуджыд мыльк вылөдз воөдчыла, да сысянь өтар боксө тундралысь видзөда, мыйта синмө босьтө, сэсся мөдарбокса ылыс мусюрөдзыс вола да дзоръяла. Сыліны ли, мый ли менам көръясө да и Лыско понйөй?!

Өдва шлапсьөда-муна. Шог и усурмунөма дзикөдз. Денис дядь нин казялөма, мый неладнө менам, тыдалө, да воча нин мем чомсянь воис. Зэв жугыль, тыдалө, ме, да нинөм эз шу, толькө өтитор юалис:

— Важөн нин?

— Важөнкодь...

— Сөйыштам, да вөлись, — сэсся содтіс. — Кузя ни ветлалін?

— Гөгөрбок ылөдз. Некөн оз тыдавы...

Чомйын Дуньө дядна пусис-пөжасис. Нинөм жө эз юась. Тыдалө, сідз нин казялөма менсьыс делөясөс да. Меліа шыасьліс:

— Кокъястө кульлы, Саня! Тайө шонөдөм латц и сійөн кокад тшайподасьлы.

Денис дядь шерис-мерис мыйкө чом дорын на, а менө дяднаөй юкталіс нин пөсь пакулаөн и пөжалөм няньөн да ид рокөн вердіс. Гежөда пөжасьлывліс, а талун со мыйлакө пөжасьөма и. Но менам горшөд сөяныс талун эз мун.

— Лыйөмтө ме кылі, Санюкө. И дядьдылы висьталі, пальөді. Сюрөны вед, ылө оз мунны. Ин шогсьы! — Сэсся дядна ыджыда ышловзис да содтіс. — Ок, ад горшъясыд!

Өтлаын чай юим. Сэсся ме да Денис дядь петім көръясөс корсьны. Туй выланым Денис дядьлы лаз питшөгас чышъянторйөн Дусьө дяднаө тубраліс да пуктіс пажнайтан ли ужнайтантор. Сэсся ме дорө уськөдчыліс, юрөс малыштис.

— Денисө, Санюшкоыс, гашкө, оз ветлы? Висьөдчөкодь сійө ли, мый ли... Гашкө, войнас кынмис. Сэсся узытөм.

Денис дядь көрдор тасмаасис, чукри-пуртсө мыйлакө видлалыштис пуртөссьыс кыскөмөн. И кышөдтөм маличаа, өдйө муніс, а ме кольччи чом зорө зэв жугыль, быттьө виөм морт. Но Дусьө дядна, коді век сьөрсьыс новлөдліс быдсяма лечитчан турунсө, пуис меным деветибрат да ураз турунъясыс лечитчантор.

Мый эськө и лои, татшөм шог бөрад кө менө содтөд пинялісны?

Недыр кежлө сы ни садь мунлөм бөрын менам сэсся эз узысьы, көть

ачым вöлі шойданник кодь мудз. Босьті ассьым черöс, дадюв вöжжи да муні баддяинö пес керавны, кадсö вины.

Сёр войнас нин чомйö бергöдчис Денис дядь. Гажтöм, мудз, и кыв ни джын шутöг кульсис и көш тыр кодзыд ва гыпнитöм-юом бöрын пырис балаганö. Гөгөрвоим, мый абу аддзöма. Дяднаа-племянника эг нин воча син вайöдлöй, олім öтарö, көзяиннымлысь шойччöмсö да ывлаыслысь югдöмсö виччисим. Тайö луныс вöлі косджык нин. Тьöткөд пусим чомдор бикур вылын. Таган йылын ыджыд ыргөн чайникын пузис чай ва, а дзöля пöртйын пусис ид рок.

— Куим көр ас пасанымöс аддзи Колва ты мöдарсьыс, — чай юигөн висьталіс Денис дядь-пернайöй \*. Быд кыв шуаліс сьöкыдпырысь. — Ко-съявлöмны-чашйöмны... Толькө рожки да ножки... А вот стадаыс асланым некысь синмам из усь... Он вед тöд, кодар бокö сетчисны да кысь найöс корсьнысö.

Чай юанінысь Денис дядьö эз вермы кыпöдчыны кок йылас. Кыдзи шаг вöчö, сідз и ымöстö. Дядна пыр и войöдіс сы дорö, пельпом вылас босьтіс киняулöдыс.

— Тьпу! — сьöвзис көзяин-бригадирным. — Шуйга кок пидзöсöй!

Көр дадь вылын пукалысь Денис дядьлысь видлалім пыктöм, гөрдöдöм пидзöссö. Мый вöчны, кыз овны? Көрьясным кысьыным мунісны код тöдö кытчö. Ставным тайöс öні сьөлöманным кутім. А ме ас сайысь мыжöс медся нин кылі да пель сайö сюркнялі көзяин-көзяйкалысь рассудсö, став тушанам зэзалöмөн. Видасны кө да ёна мыждасны менö — ей-богу, пышъя, мяся, кытчö синмö видзöдö да кытчöдз кокйö нуас. И дерт, воша...

— Ме муна, Денис дядь, öтнам, — полыштöмөн шыаси, дыр нюжалöм чöвлунсö орöді. — Тэ коктö бурдöд.

Дзор юрсö öшöдöмөн Денис дядь дыр на чöv оліс.

— А мый, көзяин? — зэв сьөлöмсянь шыасис дядна. — Юр садь сет детинаыслы... Саньö вед абу бестöлкөвöй. Правильнö ме шуа, племянник?

— Ог тöд, — артмис менам, көть татшöм сёрниыслы вöлі зэв рад.

— Талунсö кө-а? Мöд асыв ме ачым нин верма, — кывкөрталіс Денис дядь.

— Дерт но! — казътыштіс важ нёрпалöмсö дядна. — Тундраад петтöдз ревматизмсьыс больничаян куйлін, а öні мöд асыласян... Көрьясыд му пырыс оз мунны, кытчөкө, непременно, мöд көр стада дорö сетчасны...

— Уна тэ тöдан, көзяйка!

— Тöда, дерт! Мыйла ог?

Денис дядь сэк меліа видзöдліс ме вылö да ымöстіс.

---

\* Пернай — вежай.

— Керавны, буди, тайё паж коксö?! — сись пиньяссö забеднöйисла герчвартис-йирыштис Денис дядь. — Öти лун ветлалi и, нате! Эштис...

Дуньö дядна казялис верöсыслөн кымöсысь нылöм визлалöмсö да пыр и кутис водздöранас чышкавны.

Денис дядь, юрсö улö лэдзöмөн, дыр пукалис чöv, а сэсся нин сёрниö сюртчис:

— Ладнö, Саньö, тэ öни абу нин яндö... Көнкö неылын Пильегорса-яслөн стада, миянсянь шуйгавыв. Веськыдладорын, көнкö, абу ылын жö — яраньяслөн стадаяс. Миян и налөн чомьясным — Колва ты гөгöрыс... Тысö пыр синйы-видзöд, и он вош...

Сюся кывза дядьлысь сёрнисö.

— Дадюв кө кутам нярталаөн, гашкö, кызкö на ветла, корсьыся, — шуö дядь. — Тöрыт эз ков тэрмасьны, дадюв колö вöли кутны...

Денис дядь велöдис, кызди мунны-ветлыны.

— Шондi сертиыс ветлы, мада, — вöйпöдис сийö. — Пильегорсаясö мунигөн шондiыс лоö мышсянь и веськыдывдзык. Пыр видзöд та серти... А пильегорсаяс сэсся тэнö направитасны. Наöдз верст вит-ö-квaйт кө-а?.. Oz тай тыдав жö тасянь. Мусюркаыс сайöдö... Эк, зськö бинок кө öни, да война вылас кодкö пастукьяс костысь нуöматай... Миян көр стадным пильегорсаяскöд öтлаасис, либö ненечьяскöд... Ненечьяслөн границаыс веськыдланьын миянсянь...

Чöv усылis, кызöдис, горшсö весалис Денис дядь. Сэсся, льöм пуысь ас вöчöм мундштукö чигарка лöсьöдигмоз, кывкорталис:

— Став көр стадасö öд коиньяс из жö косявлыны, гашкö?! Нэмöвöйся пастукöс судитасны кө, дерт, йöз серам меным. Бурджык мед фронт вылö, кызд мукöдсö, босьтисны, көн пом эськö вöли...

Ме, кокни бакилöа, мамлөн брезент плаща, петi туйö. Югидөн на лючки-ладнö вои Пильегорса көр видзысьяс дорö. Война вылысь кольöмаяс, пöрысьджыкьясыс сэни Семö да Митрöпан, а мукöдыс — томиндзик пастукьяс. Налөн делаыс гажаджык унанад. Миян көрьяс йылысь найö нинöм абу на кывлöмны. Ни öти бокöвöй көр пö налөн стадаын оз тыдав... Бригадирныс, Семö дядь, ачыс менö дадюлөн ненечьяс дорö нуöдны босьтчис. Пильегорсаяс пöттöдз менö вердiсны яя шydөн, яйөн, но, кызди и ми, сөйисны няньтöг жö.

Ненечьястö ме аддзывлi нин дзоля дырйи. И тöдi чужöмсö Сядей Петра-лысь и Микул вокыслысь. Казялöмаось миянлысь локтöмнымöс да виччысьöны, посни челядьыскöд тшöтш чом дораныс сулалöны. Чом дораныс жö вердаса быкьяса кык дадюв.

Ненечьяс öтитöг мужикьяс, и бабаяс, и посни челядь — киасьöмөн миянкöд видазасисны.

— Здравствуй, Семён! — Кыпыда чолөмасьö Сядей Петра, рочөн и комиён. — Давненко не бывал! Дыр нин эг аддзысьлөй... Кутшөма олö Митрöпан?..

— Ме со мöдысь нин локтi, а тэ, Петра, некыдз он веськöдчыв мян- лань, — шуасис Семö дядь.

— Зонкаыс, буракö, Ыбса Микöлайлөн? — мелань юрнас докнитiс Петра.

— Паметьыд тэнад, Петра, вывтi бур! Кыдзи тöдiн? Санько тайö, квайт во нин тундраас эз петкöдчыв, школаын велöдчис.

— Сiйö дзик батысь кодь! — нюмъөвтiс Петра. — Сiйö быттьö баты вылас кисьтöма!

И сё збыльысь, айö менам век ошкывлiс ненечьяслысь бур син вежөр- тассö да юр паметьсö.

— Пырöй, пырöй чумö, дона госьтьяс! — тэрмöдлiс Сядей Петра. — Пым чай юам!

— Тiян чай на выйим? — чуймис Семö дядь. — А ми пакула юам... Ми öд тiян дорö ыджыд делöөн...

— Чай юигөн, чай юигөн сёрнитам! Чумö он пырöй, чай он юй — некутшöм делö ог могмöдöй! — сулалiс аслас кыв вылын Сядей Петра. — Век тадз вöвлiс...

Ненечьяс ки пöлöдным пыртöдiсны чомьяныс менö да Семö дядьöс. Кульсьöдiсны да пуксьöдiсны чай юны.

— Ми öд лöсьöдчим нин Денис другö ордö ветлыны, — мелань бер- гöдчöмөн висьталiс Петра. — Тiян стадаыд, племянник, мянкöд öтут- чiс... Тöрыт нин виччысим тiянöс... Кыдз нин сэнi Денис Ивановичыс олö-вылö?

— Менам ныр улысь кöрьясыс войöдiсны, — нурбыльтi ме. — Öтнам дежуритi. Кöиньяс повзьöдiсны...

— Сiдзи и ми гөгөрвоим: аддзылим жö кöиньяссö.

Висьталi, мый пернайлөн, Денис дядьлөн, кокыс пыктiс да та вöсна кöрьяссö корсьны менö ыстiс.

Чом пытшкын жар оналö. Тундравыв баддьөн жö ломтöны ыджыд көрт пач, кодi доналöма калинаöдз. Чом тырныс олысь, медсясö посниулов. Изьва кöралөн кодь жö ичöтик пызан гөгөр төрöдчим. Первой көрт кружка- ясысь сыла көр яя шыд юим, сэсся рысь кодь яя пелядь чеплялим-сёйим. Гөститöдiсны и мырпомөн прамöй чай дорö. Чайника тьötö-ненка мян дорысь оз и вешйыв. Сiйö и дзорьялö, мед пыр жö выльысь кружкатö тыртны пöсь чайөн.

Гөститöдiсны ненечьяс и сола яйөн. Гожся пöраö солалөм госа көр яй дзик абу тшыкöма — зэв прамöй сола айбарч!

Квайтсё дас öти көр вöли мян стадаын кöиньясысь пышйитöдзыс. Сёр-

нияс сертиыс, ковмас пö кутасыны нярталаон лун вит-ö-квайт, и то на ставыс кö лючки-ладнö артмас быд лун. А код тöдас на кызди артмас талун и мукöд луннас? Лун-войыд öд пыр мунö-а... А виччысьтöмторйыд тыр, быд шагын кыйöдчö. Луныс кöч бöж кузя бара и. Менам юрысь оз и петавлы: «Кымын көр бара воши-травитчис-а?..»

Ненечьяс Семö дядькöд лада сёрнитчисны-тöлкуйтисны, кызд да кытчö торйöдны миянлысь вöтлöдлөмөн кутөм көръясöс. Кодъяс нярталаон кутасыны вöзйысысны? Кодъяслы торйöдөм көръясöс караулитны-видзны?

Нярталаон кутасыны көсйысисны Сядей Петра Коля вокыскöд, Семö дядь да Митрöпан дядь. Миянлысь торйöдөм көръяссö торйөн видзны вöзйысины Петралөн да Колялөн гöтыръясыс, ненкаяс. Чаясьöм да куритчöм эштöдисны и тэрмыштчисны быдөн öтлаасьöм көр стадаяс дорö. Муним дадовьясö кыкөн-куимөн пуксялөмөн. Чомйö колис öти нывбаба — Петралөн да Колялөн чойыс. Сийö пажын-ужин лöсьöдны кутас уджалысь войтырыс-лы да чомйö колысь поснилов бöрся видзöдны. Менö мужикъяс ас дораныс босьтисны отсасыны: вöтöдны да кыскавны миянлысь торйöдөм көръясöс.

Вит сутки узьöм ни олөм эз вöв некодлөн. Вой шөрöдз мырсим-уджалим, буретш тöлыся нин сэсся лоины войясыс да. Усурмунөм, унтөм мортыд та бöрын муртса и коксö кыскас вöли чомйöдзыд, да, пöтöса ужин сөйөм пыдди, кодзыд ва көш азыма юас и öдийö сунгысяс-водас кутшөмкö пельсöсö. Кульсьытöг-пөрччысьтöг. Сэтшөм тай көрдорсаылдөн уджыс! Зэв гежöда пастукыд оз лигышмунтöдз уджав. Метö öни, небось, тöда нин көр видзысьыдлысь уджтö!..

Вит суткинас ненечьяскöд миян олөмным сідз öтлаö йитчис-клеитчис, быттьö нэм öтлаын, ыджыд семьяын олам. Сьökыд вöли миянлы торйöдчыны, ми этшаөнöсь, а ненечьяс унаөн да гажаа олöны.

Ме да Денис дядь лöсьöдчим вöтлöдлыны ассыным көр стаданымöс ас чом дорö, ас йирсян местаясö. Денис дядьöс, тöлк-лад кутысь вылö, Сядей Петра ветлис вайöдны менам воёмсянь мöд асывнас дадюлөн. Кöзьянтöг öд кызд, көть и висян кока да!

— Но, сэсся, вокъяс, миянö воывлö, — сьölөмсянь петан пöсь кывъясөн аттьöалис ненечьясöс Денис дядь янсöдчигөн. — Öни ми нэмöвöйся другъясөн лоимö!

— Öти тундраын олам, Денис Иванович! — вашъялис Сядей Петра. — Тундраыс —көръяслы и миянлы кызди бур мам. Вокъяс моз и олам мед... Бурый лёкыд оз овлы.

Миянлысь стаданымöс ненечьяс дыр колльöдисны став чомнаныс. Коді дадюлөн, коді подөн. А Сядей Коля дядь миянкöд тшöтш көръяснымöс вайöдис ас местаöдз. Тундра мода серти, чомйö пыралысьсöс, кызд вермим-

кужим, гөститөдiм жö пызан сайын, пузьöдöм чайник дорын. Изъвасаясыд öд пырысь-петысьтö гөститтөг оз жö лэдзны.

— ...Вот тадзи и нэм коллим тундраын, челядь! — помалис ассьыс висьтсö пастук Мишö Сань. — А öни нин тундратөгыс овны ог вермы, кызди и мукöд көр дор войтыр. Магнитөн моз кыскö тундраад!

Сюся кывзiсны Мишö Сань дядьлысь висьтасьöмсö школа залын пуклысь челядь да найöс велöдысьяс. Эз сöмын кывзыны, юасисны и.

— Кымын көр нö, Сань дядь, көиньясыс косявлöмны? — шыасис медводдз радын пукалысь зонка.

— Дас öти көр вольсалöмны, — вочавидзис Мишö Сань. — Аддзалим ставсö. Ненечьяс öдйö аддзалисны. Водз сюрины, да кысныс и яйныс делö вылö на мунiс ставыс... Сайкыд арся пöраö лöсялис да.

— А мыждiсны эз травежсьыс?

— Ёна öд йöзыслөн, мукöд стадаясын, мийсь унджык травитчöма!

Школаысь көр видзысь мунöм бöрын челядь дыр на сёрнитiсны сы йылысь:

— Наградаыс мыйта!

— «Знак Почёта» орден — р-раз!

— Октябрьскöй Революция — д-два!

— А медальыс, медальыс кымын!..

## ЗÖСИМ ДА ЗÖСЬКО

**П**Öль да внук кыскысисны йиөн муртса кенясьöм Печора вомөн. Кысканторнас вöли утiча\* сөвтöм кыйдöс — налимьяс. Кыкнанныс вöлины вушйöм гöна маличааöсь да чөрья тöбökьясаöсь\*\*. Зöсим пöль косньöд да кузь тушаа, а Зöсько внукуыс латшкöсiник — пöльыс-лы коскöдзыс, но мыр кодь зумыд. Пöльыс кыскис додьсö кузь гезйөн, а внукуыс йöткис бöрсянныс багыр пун.

— Зöська, шойччышт! — друг лэчысис додь вылас пöльыс да кывзысьтöм чуньяснас босьтчис гартны чигарка.

— Эг на мудз! — збодера вочавидзис внукуыс.

— Некор менö эн вомав, мадаöй, — кос чужöмсö көрыштлiс Зöсим. — Шуöма кө шойччыны — шойччы.

\* Утiча — зiбьяс да чум пыкöдьяс кыскалан нарт.

\*\* Тöбök — көр куысь вурөм көм.

Зосько пуксис пöльыскöд орччöн, кывзысис сылысь. Кодлысь нö сэссия, он кö сылысь? Батысь война вылын. Вошис кытчöкö, весиг письмöяс оз воны. Унаöн на война вылас. Вöлöстын мужикуловыс, зонкаясöс лыддытöг, нöшта кыкөн: бронь серти кольöм бригадир да зэв нин пöрысь Сибырак Иван.

Пöльыс нэмсö көр дорын пастукалис, тундратöг овны оз вермы, но таво, ки-кокыслөн пыкталöм вöсна, мунны эз вермы, сиктö кольччис. Но весь эз пукав, быдторсö вöчö. Со тай öнi налим кыйöны. Фронт вылас жö, гашкö, нуöны? Зосько сылы отсасьö. Талун со весиг школаысь вöзйысис, мед кыйдöссö кыскыны.

— Вай ме водзас кыска, — шыасис Зосько. — Тэ, пöльö, шойччышт.

— Чöv ов! — шуис пöльыс. — Ме ачым тöда, мый колö вöчны.

Бара мöдöдчисны йи кузя. Мудзис нин Зосько, морöспань улас бытшыкыны кутис и кынöмыс висьмис. Сьöкыд, но пöльыслы нинöм эз шу, мед оз майшась сы вöсна.

— Видзчысь, пиö, рывас вöоны, — дугдылис дадьсö кыскöмысь пöль. — Утiчасысь ылöджык вешйы.

Дыркодь мунöм бöрын Печора мöдарын тыдовтчис бакенщик Öнисимлөн öтка керкаыс. Сылань нырвизьсö кутисны, медем шойччыштны, чай юыштны.

Берегö вотöдз колысны лыда воськовьяс, кор Зöсим джöмдiс, а сэссия вильснитiс да коскöдзыс бузгысис рыö.

— Пöльö, пöльö! — повзöмысла тiралан гөлöсөн горöдiс Зосько да кияссö шевгöдöмөн уськöдчис отсöг вылö.

— Кытчö котöртан, ййöй! — ошкöм пыдди öлöдiс пöльыс. — Ноко, бöрынтьчы! Немтор мекöд оз ло. Утiчасö кутышт.

Гез кузя кыскысьöмөн петiс ваысь. Йизьöм-чорзьöм брезент гачыс доры пöрысь мортлысь висьысь кокьяссö.

— Кынман, вай öдйöджык керкаас каям, — зонка тэрыба босьтiс пöльсö сойбордйöдыс.

Арся ывлаыс вöли рöмдö нин, кор пöль да внук пырисны Öнисимлөн тыртöм керкаö. Шуд вылö, керкаас вöли кöрт пач да моздор тыр пес. Пач юр вылысь, матич костысь, пöльыс перйис истöг көрöб, босьтчылис биасыны турдöм кинас, но эз путымы. Тайöс шур-шар вöчис Зосько.

Ломтысьысь пач дорын пöль да внук косьтысисны. Гежöd да еджгов уска-тошка пöрысь мортлөн чужöм вылын эз тыдав некутшöм дой, мöдарö, Зöсим зилис шмонитны:

— Мöдар югыдас кö эськö инасьöма пöчид дорö, медея лöсьид меным вöли да: оз ков тшыгъявны ни кынмавны, ни шогавны.

— Пöльö, вай ме ветла гортö вöv корны. Сытöг ми ог вöй, — мöдарö бергöдiс сёрнисö Зосько.

— А ылалан кö туйвежъясас?

— Ог, пöльö, ог: кымынысь нин татчö кыйсыны волі да.

Пöльыс кыскалыштис нырсö, чöv уси.

— Он лэдз?

— Ветлы, он кө вош.

— Ог. Эн шогсы ме вöсна. Ме здукөн котöртла.

Маличатöм, тöбöка кокъяснас выль лым вывтi вильсьялігтырйи, Зöсько став этшнас котöртіс Печора дорсянь гортö нуöдысь туйöд. Сиктлөн дыр виччысяна чусыд öгыр кодь бияс усисны синьяс улас сэк, кор пöсяліс брöд ваöдз. Воис! Дзик пыр колö корсьны колхозса председатель Марья Матвеевнаöс. Сöмын мед вөр лэдзысьяс дорö эз мун, сэтчöдз сё верст лöö. Стыг бригадир ни конюк вöвтö оз сетны.

— Везитіс! — радысла мытшасьліс Зöськолөн лолыс: предлөн öшинь улын сулаліс көшовкаö доддялөм вöv.

Зонка пыркöдіс тöбökьяссö, кайис кильчö вылö, сэсса пырис посводзö да воськовтіс порог вомөн. Марья Матвеевна буретш петіс пачводз занавес сайысь.

— Тэ, Зося? — зонкаöс аддзöм бöрын воськовтіс сылань председатель.

— Ми тіянöс воштім нин, дыр он локтöй да. На, йövсö юышт. Зэв тай нö ёна пöсялöмыд.

— Бакенчик керка дорсянь котöрті, дедö рыö вöйліс да öні косьтысьö. Зэв уна налим кыйим да ог вермöй весиг кыскыны.

— Ойя жö эськö да, мый войнаыд вöчö. Пöрысь морттö дзикöдз виас, томсö калечитас, — бөрддзöм гөлөсөн шуаліс Марья Матвеевна да тшöктіс Зöськолы: — Тэ пукавлы тані, а ме пöльыдла котöртла вövнас. На, тэныд батыд письмö ыстöма, лыдды, мый гижö, — мыччис нывбаба куим пельö кусыньтөм руд бумага.

— Ловъя батьöй, ловъя! — радысла горöдіс Зöсько.

— Ловъя, мадаöй, ловъя, — бöрсяныс сиптіс öдзöссö нывбаба.

## ТШЕГЫР

**К**ЛАСС стөнын öшалö коми шыпасьяса ыджыд лист, и быд шыпас улын серпас, шыпас шуанногсö петкөдлысь. Тайö азбука велöданног. «У» шыпас улын серпасалöма урöс. «О» улын ош тапикасьö. А талун велöдан шыпас улын серпасалöма лы, шөгъя лы.

Учительница Марья Ивановна со кымынöдысь нин челядьлы ёсь указканас серпас вылас петкөдлö, шыпассö шуны велöдö:

— Тайӧ шыпасыс «л-л-л-лы-ы-ы!» Ноко, Мишук, тэ висътав, кутшӧм тайӧ шыпас и мый улиас серпасалӧма?

Кӧр видзысьяслӧн детинка, кодӧ медводдза во на велӧдчӧ школаын, муртса на пырис сэтчӧ, сӧдзсӧ збойиник. Сӧйӧ тэрыба чеччыштӧс-сувтӧс парта сайысь да крапкис-шуис:

— Тайӧ «тшегыр» буква.

— Мый, мый? — синъясыс ыдждӧсны Марья Ивановналӧн.

— «Тшегыр», мый сэсся?

Класс сералис вак-вакӧн. А мый эськӧ и серавнысӧ? Мишук правильнӧя висъталӧ. Кӧр видзысьяс ёна радейтӧны вильӧдны чӧскыд вема да госа яя лытӧ, а сӧйӧ на ногӧн збыльысь тшегырӧн шусьӧ.

## ВОЙ ВАРЫШ

### *Ӧти акта пьеса*

*Ворсысьяс:*

В а с ь к а д я д ь

Г у л я е в

К а л и м о в

Печора ю берег. Ӧйӧ бипур. Потшӧс вылӧ ӧшлӧма кулӧмъяс. Чомыйысь петӧ Васька, кывзысьӧ.

В а с ь к а. Быттӧ горӧдӧм кылӧ! (*Кылӧ: о-о-о*). Со бара! Кодӧ нин татшӧм тӧланас Печора вылас петӧма? Пывсян ыджда со гыясыс. (*Бара кылӧ горӧдӧм*). Локта-локта! (*Васька котӧртӧ, кылӧ мотор шы, гораммӧ и кусӧ. Васька кыскӧ бипур дорӧ шой кодъ мортӧс*). Мый сьӧкта. Сьӧлӧмӧй морӧс кудыйысь чеччӧ. Эг кӧ ветлы, турдӧс эськӧ. Ваас и куйлӧ, ӧдва киргӧ. (*Видлалӧ куйлысьӧс,*) Вина дукуыс! Сотчӧ нин, буракӧ. (*Пызӧйӧ вайӧн.*)

Г у л я е в (*лэптӧ юрсӧ*). Конӧ ме? А тэ кодӧ?

В а с ь к а. Ме? Конӧ Васька!

Г у л я е в (*пуксьӧ*). Конӧ Васька?! Дӧ вожысь?

В а с ь к а. Сэтысь.

Г у л я е в. А ме Гуляев! Эн тӧд?

В а с ь к а. Серапион?! Мамтӧ шогӧдысь! Зятӧ ӧд тэ мен лоан! Эг и тӧд, уска-тошка да.

Г у л я е в. Эн төд! А кодї менө гөтраліс?

В а с ь к а. Ме и гөтралі Любушкөд.

Г у л я е в. Кутшөм Любушкөд?

В а с ь к а. Гөтырыдкөд но! Любаыдкөд. Вежа ныв на өд сійө меным лоө.

Г у л я е в. А-а, но! А стопка абу? Юрөй шөри потө. Кула вот татчө!

В а с ь к а. Сө батюшки, эн кув! Часлы! *(Вайө тыра доз.)* Со мый эм, праздник кежлө заптылі.

Г у л я е в. Праздник кутшөмъяскө. Кор колө — сэки и праздник! *(Юө.)*

В а с ь к а. Юышт но, юышт! Кокньөдас, гашкө.

Г у л я е в. Нинөм ог төд. Ачым татчө локтї али вайөдіс кодкө?

В а с ь к а. Ме кылі да кыски. Ваас куйлан... Кыдз нө тэ татчө сюрин?

Г у л я е в. Гөститны вои... Ачыл тай шуан, зять пө.

В а с ь к а. Зять, дерт. Вайлы здоровайтчам!.. *(Киасьоны и кутлысьоны.)* Аслам өд нылыс эз вөвлы. Марфуша чойөлы Ен сетліс өтиөс-а...

Г у л я е в. Лөсьыд лои... Ок, лөсьыд! Кисьтав аслыд и мем... *(Васька кисьталө, точкысьө. Гуляев юө, а Васька этшаник.)* Аддзысьөм ради, менө кө пыдди пуктан! Ю!

В а с ь к а. Оз пыр мыйкө талун.

Г у л я е в. Вомтө паськөд да кымынт дай, оз пыр!

В а с ь к а *(юө)*. Этша эг кув! *(Чөв олөны)*. Мый жө зять нинөм он шу?..

Г у л я е в. Мый нө шуа? Нинөм да...

В а с ь к а. Кыдз нө нинөм! Кыдзи Любуш? Кыдзи оланныд?

Г у л я е в. Олам и олам. Мый сэсса сэн унджык. Карад, майбыр, абу сиктад ныйт гураныд.

В а с ь к а. Бура, сідзкө? А Любушыс оз висьөдчы?

Г у л я е в. Нярөдчө. Не сійө кө, ме өмөй петі татшөмнас? Чөскыд чери кө пө эськө.

В а с ь к а. Мый нө нин лоис?

Г у л я е в. Арся кор моз тай вижөдіс. Карса сөяныд быдөнлы оз на и лөсяв. Сьөмгабьс пө гажөй бырис.

В а с ь к а. Менам өд абу жө.

Г у л я е в. Ваас эм! А васьыд и тэнад вермас лоны.

В а с ь к а. Меным өд законыс инмө жө, көть и гословын. Оз позь и ставыс.

Г у л я е в. Кодкө төдлас?!

В а с ь к а. Көть зять, чөв! Со вот закусит. И туяд пукта. А мый абу сійө абу.

Г у л я е в. А көн нө менам пыжөй?

В а с ь к а. Эстөны, горулас.

Г у л я е в *(кистьалө стөканьясьө)*. Но вай, мед тэа-меа костын пыр бур вөлі.

В а с ь к а. Ог вермы сэссия.

Г у л я е в. Сідзкө, менө пыдди он и пукты? Абу и рөд ме тэныд?

В а с ь к а. Но вай, сідзкө, мый сэссия. *(Юө.)* Закусит, зять.

Г у л я е в. Но и олөм: нэм чери кыян, а пыр на важ кодь полысь.

В а с ь к а *(код)*. Ме полысь? Ме кодыськө полысь?

Г у л я е в. А мый нө? Сапөг вурысьлөн пө тай сапөгыс абу, а нэмөвөйся чери кыйысьлөн — черыис. *(Сералө.)* Тайөс өд кань оз сөй. Тайө өмөй чери?

В а с ь к а *(код)*. Оз позь, мися, гөрд черисө!

Г у л я е в. Оз позь мыйкө?! Тэ билета, төня эм. Вежа нылыд вөсна, висысь вөсна — петалам бөрти.

В а с ь к а. Ог! Ог!

Г у л я е в. А, гашкө, петалам?

В а с ь к а. Зять воис, а Любушө донаой...

Г у л я е в. Сійө тай и шуа, өти кө шедас и, мый мянлы унасысь?

В а с ь к а. Гөснеч вылө Любушлы. А менам өд, зять, челядьөй эз и вөвлы. Хаз Булат моз пөрысьсөн нин... мыйкө да... А вай сылам Хаз Булатсө. *(Сбылө.)*

Сцена пемдө да бөр югдыштө. Ва вылысь гөгөрвотөма на кылө сөрниыс Васькалөн да Гуляевлөн. Сөрниыс сэссия гораммө.

Г у л я е в. Василий Кононович, сын бура. Вьськыднадджык! Вьськыд-надджык! *(Кучкөм.)* Öти эм. Сын, шуа, вьськыдджыка! Кылан, пөрысь! *(Бара кучкөм.)* Сын бура, сын! Öни шуйганад! Эк, öти мунис. Э-э-э! Эз мун. *(Кучкөм.)*

В а с ь к а *(кевмысьө)*. Дугды сэссия! Дугды! Зять, кылан? Судитасны. Менө медводз... Кылан! Лэдз!

Г у л я е в. Сідз ме найөс и лэдзала. *(Сералө.)* Иш ты, кутшөм бур сьөлөма: лэдзав пө. Көкьямыс душ — öти төняөн! Вот тайө кыйдөс! А коді думыштас, кодлөн идеяс?! Эк тэ, пөрысь выжив!

В а с ь к а. Варыш кодь тэ, зять.

Г у л я е в. Ланьт!

В а с ь к а. Лолөс тэкөд пежалі. Локтөны со.

Г у л я е в. Коді? Көні? Локтөны!

В а с ь к а. Калимов! Сылөн мотор шыыс.

Г у л я е в. Дзебам! Дзебам! Мешөксө пыж бокас көртав. *(Öзйө фара, югыд)*.

К а л и м о в. Вешйөй мотор дорсысь, гражданин! Но, кодлы шуа. Дзебинныд мешөкнытө?

В а с ь к а. А мый нин сійөс дзебан. Со пыж бокас. *(Көсийө кыпөдны)*

чери мешöксö, но сылы чужйö Гуляев да чеччыштö, пышйö берегö.  
*Калимов лыйö ракета и вöтöдö. Регыд Калимов бөр вайöдö Гуляевöс.)*

К а л и м о в. Коді тайö татшöмыс, Василий Кононович?

В а с ь к а (*ойзö, кыскö мешöк*). Гуляев! Серапион Гуляев, зять туйö пуктылі.

К а л и м о в. Вот тайö лэбач шеді!!! Вой варыш! Милиция алиментысь сійöс корсьö, а ми браконьерствоысь.

В а с ь к а. Алиментысь? Сідзкö, оз ов Любушыскöд?

К а л и м о в. Оз, дерт. Мöдöд во нин шышкалö. Кысь мый шедö сöмын аслас вомö.

В а с ь к а. Ок тэ, пеж вом! Яндысьтöм бугыль! Аслам киён вот джагöда! Любуш вöсна, ас вöсна — чайтан ог вермы?! Чайтан повзя!  
*(Уськöдчö Гуляев вылö.)*

К а л и м о в. Дугды, Василий Кононович. Ме тэнö тöда, кызди прамöй мортöс. А вот сетчин талы, вой варышыслы.

В а с ь к а. Ылалі ме, ылалі.

Г у л я е в. Ылöдлас кодкö тэнö. Мича ныв лоöма. Ачыд на тай шуин, петалам пö.

В а с ь к а. Ме шуи? Ок тэ, юр вузальысь! *(Бара уськöдчö Гуляев вылö, но Калимов сувтö костаныс.)*

К а л и м о в. Василий Кононович, öні сійö оз нин пышйы миянысь. И ковмас вештысьны мыжсьыс.

*Занавес.*

## ЧУЖЛІ ГРЕЗДЫН

Чужлі грездын, сэні ола,  
Карыд дум вылё оз волы.  
Ог ёна пойгы — коля нэм,  
Мый меным колё, сиктын эм.  
Оз ков мем кокни озырлун  
Бур бацьыд — мамё мед оз вун.  
И гортса вёр-ва, паськыд видз —  
Ас грездса йёзлөн сьёлём мич.

## СЬЁЛЁМАНЫМ ВОЙВЫВ ПАСЬЯС

Сьёлёманым войвыв пасьяс,  
Изьватасьяс, изьватасьяс!!!  
Бёкё сюри — дыр ог ов —  
Изьва Муё кыскё лов...  
Коми Муыд гажа, бур —  
Бурджык сьёлёмлы оз сюр!  
Турёб лёк ли, кёдзыд ратшкё —  
Воёдчам на гортад, гашкё?!  
Оз вись сьёлём, оз вись юр —  
Гортын вёлём, медся бур!  
Изьватаслөн сьёлём пось —  
Морт коть кыскё: ыджыд гось!  
Сьёлёманым войвыв пасьяс,  
Изьватасьяс, изьватасьяс!!!

Пось сьёлёма йёза,  
Бисер юй, Изьва,  
Быдся бурнас озыр му!  
Тэно казья, тэно гижа.  
Кёдзыд кывнад ог на шу!  
...Сиптыса кё керка —  
Ёбес вугьяс рос!  
Абу ыджыд томан  
Мукёдлаын моз!

Бисер юй, Изьва.  
Көдзыд ваа, изьзя?!  
Ылын ли ме матын  
Ветла — муна кор  
Чайыд Изьва ванад  
Медводз казтылантор!  
Мада гортй —  
Ставыс ас!  
— Видза олан, изьватас!

## ЁГОР ПИӦ...

Судта — печатной сыв!..  
Да — пельпомъяс сыв пасьта!!!  
...Мичтӧ чужӧмыд ӧзтысь пыр нюм,  
И быд мортӧс ышӧдысь кыв...  
...Кодкӧ майшасьӧ, воӧма пикӧ,  
Ветлиг-муниг кӧ лӧсялан сэк,  
Тэ и уськӧдчан отсавны пыр,  
Мед кӧть отсӧгла мортыс эз чуксав,  
Но тэ сьӧлӧмсянь отсалан сылы  
Аслад вынийӧрӧн, да и пӧсь кывйӧн...  
...Егор пиӧ, вӧлин тэ МОРТ,  
И став йӧзыслы друг да бур ёрт!..  
...Рӧкыс суис, да кулӧн тэ, пиӧ,  
— Колим ай-мамыд шондӧтӧг миӧ!..

*Прим.* — печатной сыв — китӧ вылӧ кыпӧдӧмӧн судта лоӧ (Изьватас)  
Октябрь-ноябрь 1990 во.

\* \* \*

Мед арнад грездным миян няйт,  
И «вывсянь оз усь» ньӧти шайт!  
Ме, кӧнӧ чужли, сэнӧ олысь,  
И карыд вылӧ абу колысь...  
Тан сиктын семья, рӧдвуж, горт...  
И йӧзыс меным — друг да ёрт!

...Мед кодкө корсьө озырлун  
Да чужан мусьыс пышйö!  
Ас гортад, тöдса, медся бур!..  
И мыйла мунны?! Кытчö?!

## ИЗЪВАТАСЛЫ

Тэ войшөрнад öдзöстö восьтан,  
Быд тöдтöмлы мыччан на ки.  
Да чайтö пуктан, сёян корсян,  
Мед шоналам, варовмам ми...  
Тэ тöдан, мортыд öтпыр олö,  
Да он и сьölöм мортлысь дойд —  
Öд кöдзыд муад шоныд колö —  
Ас ёртъяс кост, кыз мича мойд...

## КОРКÖ МОРТЫД И КУЛАС...

Коркö мортыд и кулас,  
Абу кувсьытöм лов.  
Сьölöм-вежөрнам кыла,  
Мый эг весьшөрö ов...  
Пыр тай другаси уджкöд  
И эг чужьявлы төв,  
Юрöй, ки-кокöй мудзтöг  
Гортö эг кослыв бөр...  
Вölі кöсийөм век мича,  
Сьölöм мортлысь эг дойд,  
Медым морт олан нэмыд  
Вölі мича, кыз мича...  
Нэм мед йöз вылö мыджсин,  
Вына öтувья юр!  
Уджын, олöмын ныртчин  
Вöчны быдөнлы бур...  
И бур йöз вылö лача  
Кувтöдз новлөдлін пыр —  
Бур кö йöзöдзыд ачид,  
Другьяс тэ гөгөр тыр.

## Часть вторая



# СОДЕРЖАНИЕ

Н. П. Рочева. *Лёз Войвыв нимӧдысь изьватас* . . . . . 4

## Часть первая

### ПРОЗАА ГИЖӦДЪЯС

|                                    |    |
|------------------------------------|----|
| Яндо ( <i>повесть</i> ) . . . . .  | 7  |
| Водзкыв . . . . .                  | 7  |
| Любалӧн дневникысь . . . . .       | 8  |
| Чомйӧ воӧм . . . . .               | 8  |
| Чомсаяс . . . . .                  | 11 |
| Пес вайӧм . . . . .                | 16 |
| Стада дорын . . . . .              | 17 |
| Гӧсть . . . . .                    | 21 |
| Йӧзкӧд аддзысьлӧм . . . . .        | 26 |
| Кокасьӧм . . . . .                 | 28 |
| Гожсянінын . . . . .               | 31 |
| Кӧр видзысьяслӧн тӧждъяс . . . . . | 34 |
| Бӧркыв пыдди . . . . .             | 38 |
| Ваньӧ да Саньӧ . . . . .           | 39 |
| Вань дед . . . . .                 | 41 |
| Ваньӧ вок . . . . .                | 49 |
| Бать кок пӧв . . . . .             | 56 |
| Скворечьяс . . . . .               | 58 |
| Самокат . . . . .                  | 61 |
| Рыжӧй Толя . . . . .               | 63 |
| Жучка . . . . .                    | 67 |
| Мотора велосипед . . . . .         | 70 |
| Вуграсигӧн . . . . .               | 74 |
| Гулюяс . . . . .                   | 74 |
| Шӧриа кыйдӧс . . . . .             | 75 |
| Васька . . . . .                   | 77 |
| Вӧвлӧмтор . . . . .                | 77 |
| Лоӧмтор . . . . .                  | 78 |
| «Отпускалан» луно . . . . .        | 79 |

|  |     |
|--|-----|
| Нянь көр . . . . .                                     | 81  |
| Быдён ас местаас . . . . .                             | 86  |
| Олөмыд абу туй вомөналөм . . . . .                     | 89  |
| Вошлөм стада ( <i>көр видзысьлөн висьт</i> ) . . . . . | 98  |
| Зөсим да Зөсько . . . . .                              | 107 |
| Тшегыр . . . . .                                       | 109 |
| Вой варыш ( <i>өти акта пьеса</i> ) . . . . .          | 110 |

## КЫВБУРЪЯС

|   |     |
|---|-----|
| Чужлі грездын . . . . .                     | 114 |
| Сьөлөманым войвыв пасьяс . . . . .          | 114 |
| Ёгор пиё... . . . .                         | 115 |
| «Мед арнад грездным миян няйт...» . . . . . | 115 |
| Изъватаслы . . . . .                        | 116 |
| Коркө мортыд и кулас... . . . .             | 116 |

## Часть вторая

### РАСКАЗЫ И ПОВЕСТЬ

|                                    |     |
|------------------------------------|-----|
| На новом месте . . . . .           | 117 |
| Провожали отца на войну . . . . .  | 121 |
| Скажи мне, кто твой друг . . . . . | 123 |
| Ленька . . . . .                   | 125 |
| Письмо отцу . . . . .              | 129 |
| Обещание . . . . .                 | 131 |
| На рыбалке . . . . .               | 133 |
| Тезка . . . . .                    | 134 |
| Общие голуби . . . . .             | 139 |
| Разделим поровну . . . . .         | 141 |
| Новый заворг . . . . .             | 143 |
| Мишук . . . . .                    | 148 |
| Тамара Ивановна . . . . .          | 150 |
| Вкус хлеба . . . . .               | 153 |
| Таблетка под язык . . . . .        | 156 |
| Вот так . . . . .                  | 159 |
| На ночном дежурстве . . . . .      | 161 |
| Голосуем за Правдина . . . . .     | 163 |

|   |     |
|---|-----|
| Жили-были соседи . . . . .                | 165 |
| Васька прилетел . . . . .                 | 168 |
| Гостя . . . . .                           | 170 |
| Петрович . . . . .                        | 181 |
| Выль Маша . . . . .                       | 183 |
| Эхо войны ( <i>повесть</i> ) . . . . .    | 187 |
| Часть 1.                                  |     |
| Весной сорок четвертого . . . . .         | 187 |
| Захар Вань . . . . .                      | 189 |
| Холодная осень . . . . .                  | 192 |
| Девушка в шинели . . . . .                | 194 |
| Снова дома . . . . .                      | 196 |
| Ижемцы . . . . .                          | 198 |
| Сто раз отмерь, один раз отрежь . . . . . | 201 |
| Часть 2.                                  |     |
| В Пычу . . . . .                          | 205 |
| На другое утро . . . . .                  | 207 |
| Письмо Насти . . . . .                    | 211 |
| Как аукнется, так и откликнется . . . . . | 212 |

Издательство «Совхозиздат»  
 Москва, М-10, Космодемьянская ул., д. 13

Редактор А. Ульянова  
 Вастьяк, корректура — Л. Бердманова

Получено к печати 03.08.2018. Формат 60x84x16.  
 Печать офсетная. Усл. ян. л. 12.  
 Тираж 400 экз. Заказ № 1112.



Издательство «Совхозиздат»  
 107185, Савинская ул. К. Маркса, 23В

Опешлено в ООО «Книга республиканская типография»  
 107182, г. Савинская, ул. Савинская, 81

**Никулин Николай Егорович**  
**ИЗЬВА МУО КЫСКО ЛОВ**

Редактор А. Ульянов  
Верстка, корректура — Л. Богданова

Подписано к печати 05.06.2008. Формат 60x84/16.

Печать офсетная. Усл. печ. л. 13.

Тираж 400 экз. Заказ № 7715.



Издательство «Эском».  
167982, Сыктывкар, ул. К. Маркса, 229.

Отпечатано в ООО «Коми республиканская типография»  
167982, г. Сыктывкар, ул. Савина, 81.



